

昭尹曲沃。宜人勸以公忠清慎。時昭率感其言。形爲詩。傲歷官所在。皆有政聲。民懷之。爲立生祠。豎碑思焉。亦宜人之內助云。歲乙酉。時昭擢守隴。時諸子若孫森立。宜人家居訓子。未幾。時昭迎于隴。居半歲。諸子復請歸滑。自是終居滑矣。及時昭二守鞏昌。側室宋氏有女將笄。乃留家。宜人撫之。愈于已出。或峻之曰。二十年糟糠之苦。旣榮宦矣。乃不隨任。享其逸耶。宜人即正色斥曰。吾夫起自寒微。幸有今日。吾復偕行。諸子失訓。故君以綿微之力。受重大之託。詎爲遺糟糠耶。况宦中更清苦乎。彼俗以官爲榮。忌專妾者。吾不爲也。家居十餘年。家務秩然。居常薄滋味。諸子或慢遊。必責之曰。爾父以儒

振業。爾等不能繼手。于是士儔士溫肆力于學。爲畿內名士。馳聲場屋。而諸孫亦駸駸然懋于進修。使時昭無內顧之憂云。每歲時。服冠帔以拜祭。平居過姻族。則不用。曰。不可以貴加姻族也。他日宋歿于南都。柩歸滑。宜人哭之慟。曰。宋善事吾夫婦。夫之宦。卽恃有宋存焉。今已矣。奈何。乃感疾。嘔血。宜人少履貧困。勤瘁嬰疾。至是益深。諸子進藥餌。療之漸瘥。比時昭上長至。

表便道歸滑。賓集事叢。乃躬率諸婦。調飪營辦。勞憊疾發。丁酉春。卧不能起。時昭限迫。不忍別去。宜人屢促之。乃行。是時士溫不肯就試。宜人疾少間。促之曰。兒第行。吾疾廖矣。溫勉

從既數日。宜人忽不進食。索冠服曰。將見祖宗于地下。急喚
溫歸。吾誤兒科事矣。諸子女環侍。請藥亦不服。歛曰。命也。遂
卒于嘉靖十六年五月十五日。距生成化某年三月二十七
日享年六十歲。生男子三人。長士奇。承差。娶呂氏。次士偉。縣
學生。宜人出娶全氏。李士溫。選貢生。娶王氏。女子三人。長
適趙溱。先卒。次適陰陽官陳尚賓。季適陰陽官馮相。皆滑右
族孫。男子三人。長一棠。次一桂。太學生。皆士奇子。次一本。太
學生。士偉子。士奇等。將以是歲某月日。塋宜人于祖塋之次。
是宜有銘銘曰。有淑宜人。居德孔那。克開懿性。婦職伊
嘉。事姑恭順。相夫勤多。耻隨榮外。日理厥家。宜有孫子。藝行
如坡。當其遠造。奚啻决科。載爾休問。百世光華。

誥封太宜人李母康氏墓誌銘

太宜人李母者。今杭州府知府章丘縣李端甫冕之母也。姓
康氏。父材。相質純至。鄉閭信服。母孟氏。慈柔敬慎。太宜人其
仲女也。克閑壺誡。及笄。歸贈奉訓大夫南京戶部員外郎李
君秀。時冕大父梅。祖妣胡氏。皆卒。太宜人以不逮事舅姑。惋
恨。每當歲忌。且恪修蘋藻。潔奉禴祀。贈君少爲章丘諸生。家
緒清苦。夫婦鷄鳴昧旦。綢繆勤生。懋勉德義。晝夜誦齋中。雨
頽隣垣。有艷女子來。贈君儼容。麾拒。女子進曰。深夜岑寂。何
復慮人。曰。鬼神昭昭。無知乎。女子慚歛已去。後以他敗。語人

曰李秀才真佛也。故同輩呼贈君爲真白君。云家爲馬戶。徃長。群戶有負津助者。爲代其筭。又嘗挾劓赴試。歷下時有應試生。路遺十金。拾之卽標記。候諸遺金所。竟歸應試生。應試生請中分以謝。乃不受。素好賓遊。凡饌具。楹太宜人必躬必豐。雖桑蓬貧窶。姻族單困者。必勸周恤之。贈君亡弟穩。遺孤鼎。爲方稚嬰。尤相撫之成立。且與完室家。贈君歿于正德己卯春。太宜人發芻擊心。蔬糲不御。酒肉者。終其身。其閑居服被。縞練。殮。餌麤薄。躬領小姑諸婦。職專紡績。泉緼。僅供苞約而已。恒以絁繡織妙爲戒。贈君嘗爲冕。改造深青繒衣。冕漸不敢衣。及爲諸生。猶衣弊袍。若衣鮮麗衣。則顏輒頹。耨皆太宜人。之化也。其教諸子女。少有愆失。輒楚撻之。不少寬假。至僮婢小過。則又勿問。嘗訓冕曰。汝父蹇躓不逢。吾嘗憤懣。汝其夙夜篇典。庶幾早揚以光李族乎。冕竟以文修學成。舉正德丙子山東鄉薦。太宜人喜曰。是足以旌嗣父志矣。比春試不偶。歸遭潦水暴至。一室蕭然。太宜安無憂色。且解諭之。冕乃拭淚。携同志。徃業長白山。體泉僧居。祭未再不偶。家僅小磨一座。太宜人竟捐鬻之。以資國監裝費。乃登嘉靖丙戌。進士。太宜人又喜曰。吾爲人母者。事終矣。此不可見君子于地下乎。丁亥。冕補魏令。九月。板輿迎太宜人。就養官閣。見冕洞謹。廉白。乃慰之曰。守官若是。庶不忝于所生。惟克有終爾。辛

卯轉內臺。癸巳春。左遷。倅鈞州。甲午。轉梓永平。咸著美績。乙未。擢南京戶部員外郎。是時太宜人七旬矣。冕乃晉宜人鄭氏侍養。獨將二僮之官。丙申。閏十二月。恭遇
聖上誕儲。覃恩。太宜人始得

錫封。乃嘔喻陶樂曰。此吾教子之效也。丁酉冬。擢杭州知府。冕之內弟來南。致太宜人命曰。去語吾兒。吾幸無恙。毋以我故。迂途還省。郡守剖符。專城重寄也。適行以慰民望。冕乃先郡蒞事。尋遣史皂往迎。并取諸孤。太宜人堅不就迎。呼諸鄰宜人曰。守勞旬。中饋詎可虛也。婦第往。宜人乃偕孤子暨坦之二孤來郡。晉長孫黃中。冕見太宜人。不就養。益憫戚不寧。

冬十月。得太宜人患滯下。良瘡家音。卽遣二孤歸省。特太宜人亦遣黃中之郡。言起居食飲安吉狀。庶以慰冕思。冕以黃中口述符往言。雖稍開悅。然烏鳥縈懷作惡。方候解凍。疏請終養。而太宜人哀訃至矣。卒嘉靖十七年十一月二十七日也。冕所遣問安二孤。亦不及生面。太宜人抵家已瞑目二日矣。端甫之政。方大行于郡。吏畏民服。枕人咸惜父母之惠。期月而去。千里怵怛。若奪哺乳云。太宜人生成化元年十一月二十六日。享年七十有四。子與四人。長晟。殤夭。次卽冕。娶鄭封宜人。次昂。娶類少坦。娶王先卒。女子子二人。嫁爲姜宗仇仲信妻。孫男子八人。黃中。娶魏美中。聘謝冕出。執中。娶華靜。

中未聘。出建中娶麻虛中。娶崔致中。尚幼。坦出孫女子八人。壻徐更化。韓鯨。張大衍。張汝楠。尹自政。馬本吉。劉某。晁卜某。年月日。奉太宜人。之柩。合贈君。葬于某山之北。晁嘗從予游也。持蘇州舉人黃省魯狀。問銘。銘曰。猗嗟李母。素履戩穀。既配贈君。其人如玉。夜拒奔女。展矣慎獨。代筭辟戶。遺金盡復。當其刑于。宜母之淑。周貧濟急。惠先弟叔。紡績率家。縞練是服。貞慈雙敦。閨範清穆。宜有端甫。趨道孔速。蒞杭未久。士民稱福。方置爾祉。云胡不錄。茲銘貞石。孫子葢葢。

明監察御史岑山程君之配方孺人墓誌銘

初封孺人方氏。諱孝真。都前監察御史岑山先生歎人程君

諱材之配。今簡州知州默之母也。初歎有結林。與岑川相隔一水。世締姻好。方氏遷自羅田。至濟南太守。以宦業顯于時。其兄美興公。以貲財雉于鄉。濟南公試岑山君而奇之。遂以孺人許歸焉。孺人自幼警穎。既歸于程。力佐家務。費及粧奩。岑山君方稟謁師。力不能具。誓乃卽卸簪珥。不靳也。舅清溪公。治家嚴且儉。孺人恒節縮。滋益之。家用饒裕。及岑山君登弘治丙辰進士。授推汀州。過家歸省。偶疾大作。孺人不解帶者月餘。疾始克瘳。赴汀州任。越一年而孺人始克抵汀。即不肉食。以相其庶。他日岑山君偶出差愆期。衙內絕糧數日。比歸。孺人嘻吁。無言。默然。暨安平三子。不敢仰視。亦無言。岑山君

獨撫安平問曰。汝餓數日乎。何不呼別衙一饋也。孺人曰。君以廉介自持。身以冰蘖自誓。婦無外事。令不出閫。名節所關。生死罔計。又胡兒女之恤耶。岑山君亦嘻吁無言。凡在汀二年。日事紡績。畜養鷄豚以充日用。壬戌春。岑山君簡授監察御史。孺人秋亦赴京。時默然隨侍。出就外傳。歸卽課讀。率至夜分。紡績以伴。居二年。岑山君清戎浙江。孺人遂挾默然南旋。正德丙寅。岑山君卒于茲。緒孺人傷痛幾絕。乃遣默入浙。舁柩喪事既終。卽訓二子讀書。無別營爲。己巳春。逆瑾積憾岑山君。嘗發其奸。謫流海南。孺人遣默走京師。語以委命安義。然亦卒得以解。因諭默曰。諫官以直得譴。固所甘也。

聖恩汪洋。猶得見宥。非大幸乎。汝輩努力以答至恩。及茲壯年。須勤學精業。親師取友可也。遂遣二子。師事姚江史先生。厚其禮幣。又擇程蘿山者。以爲之友。雖拔簪易冠。亦不介意。庚午。默然同肄黌宮。方值秋祭。偶以覲歸。孺人曰。當祭先師。何以覲爲。無師是無親也。聲色俱厲。二子恐懼。復出追祭。丙子。然舉應天經元。乙酉。默亦舉應天經元。是時岑山書屋亦成。孺人洒淚泣曰。汝父九泉。目亦或少瞑乎。未幾。然會試。卒于嘉興之石門。傷之甚。未幾。然婦又卒。又傷之甚。至丙申秋。乃一疾甚殆。一日。幾不蘇。旣蘇。語默曰。汝父旣亡。汝弟又死。今止遺汝。汝得祿養。吾心少慰。昨若奄遊。汝至三。

獨撫安平問曰。汝餓數日乎。何不呼別衙一饋也。孺人曰。君以廉介自持。身以冰蘖自誓。婦無外事。令不出閫。名節所關。生死罔計。又胡兒女之恤耶。岑山君亦嘻吁無言。凡在汀二年。日事紡績。畜養鷄豚以充日用。壬戌春。岑山君簡授監察御史。孺人秋亦赴京。時默然隨侍。出就外傳。歸卽課讀。率至夜分。紡績以伴。居二年。岑山君清戎浙江。孺人遂挾默然南旋。正德丙寅。岑山君卒于慈谿。孺人傷痛幾絕。乃遣默然入浙。舁柩喪事既終。卽訓二子讀書。無別營爲。己巳春。逆瑾積憾岑山君。嘗發其奸。謫流海南。孺人遣默然走京師。語以委命安義。然亦卒得以解。因諭默曰。諫官以直得譴。固所甘也。

聖恩汪洋。猶得見宥。非大幸乎。汝輩努力以答至恩。及茲壯年。須勤學精業。親師取友可也。遂遣二子。師事姚江史先生。厚其禮幣。又擇程蘿山者。以爲之友。雖拔簪易舄。亦不介意。庚午。默然同肄黌宮。方值秋祭。偶以覲歸。孺人曰。當祭先師。何以覲爲。無師是無親也。聲色俱厲。二子恐慄。復出追祭。丙子。然舉應天經元。乙酉。默亦舉應天經元。是時岑山書屋亦成。孺人洒淚泣曰。汝父九泉。目亦或少瞑乎。未幾。然會試。卒于嘉興之石門。傷之甚。未幾。然婦又卒。又傷之甚。至丙申秋。乃一疾甚殆。一日。幾不蘇。旣蘇。語默曰。汝父旣亡。汝弟又死。今止遺汝。汝得祿養吾心。少慰。昨若奄遊。汝至三。

或二字下有
缺二字

公吾不見也。去冬會試。又遣人赴京。再申前命。故默下第。遂就銓。揀得守簡州。走人復命。孺人已卧床矣。七月。默歸拜床下。孺人按摩冠服曰。汝父死後。不虞又見此也。喜更少安。越一月。病轉劇。遂以八月二十二日告終。正寢享年七十有二。歲生男子五人。長煥。次貴。次即默。然次照。照即安平。煥貴。照俱早殤。孫男子四人。載吉。太學生。載道。載嘉。載考。孫女子二人。曾孫男子一人。孟生。孺人愷和貞懿。勤敏寬裕。事勢膠糾。不揜不撓。適中肯綮。上事舅姑。得其懽心。四時嘗祭。必虔必拜。屢遭喪變。觸事哀慟。日因失明。其處宗戚必厚。見人疾疢。急難貧困。必救必施。不憚再三。嘗有漂水瀕死者。募人拯之。得生。家童婢妾。保衛極至。默擇嘉肴。十七年戊戌。終十二月。

二十一日奉孺人之極。補岑山君之擴。合苑。馬使其子載吉。持舉人李景狀。問銘。銘曰。荷嗟孺人。結林攸謬。倒粧佐家。取廉。斷肉。他或閉閣。撫育。水槃之操。鄰亦不告。類遭殷憂。喪明以哭。相夫執法。教子以收。婦道。母儀。女流之淑。宜爾子孫。傳芳。棧。棧。

明南京工部右侍郎中梁張公配淑人呂氏墓誌銘
公諱羽。字伯翔。號中梁。漢中之南鄭人也。祖諱某。配李氏。父諱廣。以公貴。贈如其官。配鄧氏。贈淑人。繼配楊氏。亦贈淑人。鄧淑人生公。純孝。長為學官。弟子員。好學。不問寒暑。弘治辛酉年。以書經領鄉薦。乙丑。登進士第。以憂歸。服闋。授行人。奉使西蜀。無所辱命。兼却其餽金。一無所選。先時受業師陳添福。充戍遼東。公恒念之。一日有遼差。隆冬險地。諸行人若不欲去。公自請行。且道有師在彼。欲往候。當塗義之。乃卒全師。

以歸。是時冢宰銜公踈濶。兩選不與。人以勸公。公曰。窮達有命耳。正德初。宦瑾用事。公獨不近。瑾敗。諸趨者皆被禍。公始授御史。遭流賊猖獗。公經畧內外。日夜戒嚴。事平。蒼衣一襲。嘗巡按淮揚山東。刺舉無私比。回所部吏以金餽。正色拒之。時宰以故人門生。屬善視之。之部按之。則巨索也。蓋山東號三大害。其中有二焉。乃首劾去之。會中官道芷游獵。錫子頗濫。公上疏曰。明王慎德。必矜細行。不以禽獸病民。尤當謹衣裳之在笥也。遂寢不報。舉朝皆壯其奏。然終所得罪。時宰出守廣平。至則選賢良。退貪殘。施行條教。胥史舞文者。痛繩以法。吏卒畏懾。莫敢仰視。雖隆寒盛暑。漏下五鼓。必起視事。夜分乃寢。訪獲積年民害。充發配所。餘悉以次徒遣。然又和易近民。視之如子。盡得其情。加惠于鰥寡。衣食居處。時親省。因刻羅氏諭屬文。以勵僚屬。創建漳川書院。群漳士高等者。游業其中。躬自督課。聘屬官李一寧為漳士時表。漳士日嚮于學。彬彬著于科目。若乃郡中賢士大夫。謝宦里居者。不問崇卑。則往候其家。問民疾苦。舉行之。遂建閘通水。開田千畝。以資困農。奏表趙氏以勵婦節。嚴禁縣官阿稱。以正士風。便置木牌。令得自白。以達民情。處劑方藥。以濟貧病。收積市利。以蘇里甲。當是時。旁郡之訟。咸願歸質。廣平。廣平視諸旁郡。若大府焉。吏有不法者。率望風解組去。順德囚。毋與僧通。

決千古之疑獄
中梁張公乃可
稱明理君子

子已壯不改惡其子之言也乃入井死會當決子公曰毋無
行負夫與僧私通顧可殺子絕夫嗣乎因遂得釋鉅鹿有告
婦奏一要宦暴殺其夫吏受委咸憚莫能決公按而寘
諸法要宦懼厚賂朱寧誣奏下公獄吏民爭歛錢賄寧為公
求解公曰吾寧失官不敢失志若等愛吾幸無枉吾志也大
理直其誣乃還郡自後民益相信斷獄大省為八郡最民有
清水明鏡之謠撫按交薦有曰經綸之才水槩之操有曰精
敏之才而庶務克修公勤之政而一廉尤著近因緣事赴京
百姓顛顛然望其復來可謂愷悌君子民之父母也如此者
十數年河間守缺少宰廖公請于家宰曰吾郡疲甚借願張

此去恐曠之仁
千秋僅見之法
事

守一年比調河間士民泣而送之擁輿莫能行去之日民有
遺思縣像而屋祝之者河間郡中無賴數十恃勢豪橫于鄉
曲則召地方當甲者謂曰若為甲不緝捕奸俠顧令橫苦小
民守姑曹若罪其密報以來于是武斷之豪悉斂迹改行郡
中以清尼寺數十濁亂民俗乃廢其寺歸少尼于民之無家
者即其地立社學教郡中子弟又收恤嫠孤于養濟院郡中
有故周卿者先守漢中性頗偏科舉士係府學者得給票過
館係縣學者獨不予至使公徒步行赴省城及公守河間訪
其家貧甚周歿時
朝廷予祭有司亦廢閣公移文給米八十石舊僚通判周禮

決千古之疑獄
中梁張公乃可
稱明理君子

子已壯不改惡其子之言也乃入井死會當決子公曰毋無
行負夫與僧私通顧可殺子絕夫嗣乎因遂得釋鉅鹿有告
婦奏一要宦暴殺其夫吏受委咸憚莫能決公按而真
諸法要宦懼厚賂朱寧誣奏下公獄吏民爭斂錢賄寧為公
求辭公曰吾寧失官不敢失志若等愛吾幸無枉吾志也大
理直其誣乃還郡自後民益相信斷獄大省為八郡最民有
清水明鏡之謠撫按交薦有曰經綸之才水槃之操有曰精
敏之才而庶務克修公勤之政而一廉尤著近因緣事赴京
百姓顛顛然望其復來可謂愷悌君子民之父母也如此者
十數年河間守缺少宰廖公請于家宰曰吾郡疲甚借願張

此去怨曠之仁
千秋僅見之快
事

守一年比調河間士民泣而送之擁輿莫能行去之日民有
遺思縣像而屋祝之者河間郡中無賴數十恃勢豪橫于鄉
曲則召地方當甲者謂曰若為甲不緝捕奸俠顧令橫苦小
民守姑曹若罪其密報以來于是武斷之豪悉斂迹改行郡
中以清尼寺數十濁亂民俗乃廢其寺歸少尼于民之無家
者即其地立社學教郡中子弟又收恤廢孤于養濟院郡中
有故固卿者先守漢中性頗偏科舉士係府學者得給票過
館係縣學者獨不予至使公徒步行赴省城及公守河間訪
其家貧甚周歿時
朝廷予祭有司亦廢閣公移文給米八十石舊僚通判周禮

漢書卷之八十五
素清苦。死而妻子貧甚。負貸莫能償。諸貸家日督之。公乃延諸貸家。以酒食曰。若幸與周有鄉里分。周故善吏也。恐窘其妻子乎。於是諸貸家多感動。出券不復取。乃擇隙地。居周妻子。親爲文。祭周墓。

武宗皇帝南狩。有司供帳。吏緣爲姦。率陽散官錢。陰歛富室。惟河間掾郡中。以錢以治具。軍民不擾。供帳以辦。時薦者有曰。才識可以御繁。力量可以任重。河間廣平。京師股肱。郡素稱浩穰難治。公至輒稱治。聲名籍甚。

今上卽位。擢用良吏。始遷公山西叅政。分守大同。有巡撫者。不恤軍士。穀尚未熟。委官促糧。軍民驚擾。公入言不聽。出即遣牌。弛其限期。軍民始定。巡撫不悅。又暴動軍士。築堡沙磧。公固爭之。亦不爲聽。軍中已有異言。畏公不發。比公回省。去不越月而變作。張遂死焉。及改守冀寧道。者捕妖賊黨衆。下之臬獄。晉人無弗稱快。尋轉江西憲使。時省缺布政使。有徐御史者。薦曰。張羽德量渾厚。心事光明。操行剛方。方猷老練。若舍羽。推補別省官員。是舍驥而索駑也。公雖抱質敦厚。生平不喜誥。請權貴。當路嫌之。乃左遷貴州。至則出納慎防。吏不敢私。一日。吏白積餘之金。舊規不報。公盡數登籍。久之。晉南京大理卿。多所平反。有疾乞休。

上溫旨。勅留。未幾。轉南京工部侍郎。展修國學。號舍數百間。

窮治假印吏。除奸惡數十輩。又部主事主度。嘗捕治京猾滕氏不法事。王憂歸。會考察。被滕詭。吏部欲黜王。公曰。滕之橫京師。誰弗知者。獨王能捕之。願肯納其賄耶。王得不黜。先時經營吏。率以裁省爲能。市材率不予直。即予莫能償其本。衆苦之。公二度給價。而商無退怨。尋再疏乞休。會被推本兵時黜虜入寇。三鎮告急。乃不復敢言去。頃之。考績還。以疾卒于淮上。時嘉靖十二年十月二日也。距生成化六年七月二十七日。壽六十有四歲。使公再未數年。經綸康濟。又何如也。初公七歲時。母病。爬頭虫甚爲累。公默取虫吞之。虫不復生。少受學于陳生。甚嚴。公時密歸省。陳初恠之。後知其爲母也。益

加愛重。繼母楊淑人年少。公事之甚謹。家貧好學。雖群輩嬉戲。手不釋卷。性謙抑。寡言。衣服居處。喜儉素。平居未嘗言人過。亦不喜虛美。人處家教子。嚴而以正。每曰。凡事讓人。不可傲慢。又曰。溺愛返爲不愛。撫教五弟。皆至成立。盡分祖業于諸弟。居與子與諸友。取分膳銀住廩。五人中有貧者。公議均取。諸友皆樂從。贈公自什方歸。頗貧。公將赴省試。辭贈公。昔嘗貸金于邢。不能償。邢移書讓之。贈公醉卧。繼母泣道邢事。公愔然曰。公辱子憂。何以試爲。夜行三十里。出曹償邢。山路險阻。帶酒夜行。幾不利歸。贈公覺。大驚。更與典地爲曹。行赴省。其睦宗族。皆有恩禮。每遺書曰。爲士者當自重。勿入公衙爲

民者當守法勿犯有司。母家子孫零落止有二孫。牧牛于山。公令其弟收養撫立。相繼承管。至于資給憲友。刑恩既真。入監而連取甲科。憫恤吳聶二友。病故旅邸。輿歸其櫬。若百戶陳璽。襲職被盜。暴箠來謁。乃易衣醫療。亦贖使完歸。蓋公與人處。恂恂若無所能。而見義必為。萬折不回。居常手錄先賢要語。帖置左右。以自警切。雖年逾六十。位至九卿。見僕吏鄉人。未有惰容。予嘗以為西漢周勃。張歐之輩人也。公心本純誠。雖鬼神可通。其舉鄉試會試之先。皆有火光。殞于庭院。父母親見。在學時。友人蕭鳳妻迷于邪亂。語不知耻。公每至其門。輒避匿。曰。張大人來也。後諸友同以物鎮邪。夜投磚石于

異感於微
時後巡按
乃能壓鬼

諸友號舍。獨不敢犯公。贈公居什方時。病革。公日夜奔泣。比及界夜昏。路不能辨。忽有笛聲。導守之。識路。得至縣。笛即不聞。時贈公幾死復生。人以為孝感神明使之然也。他日巡按淮揚時。泗州察院有妖。劉御史者。至夜驚擾不能寢。公居數日。且養病。妖不復聞。後劉復至。不敢入。召問守者。云張老爹住時。止見一鬼。甚大。捧藥跪床下耳。然則公自行人御史。以至廷尉司空。所至効績。豈偶然哉。公配呂氏。邑人呂公文通之女。以公貴。贈淑人。呂淑人之歸也。姑及庶姑皆在。嚴甚。乃躬操井臼。脫簪珥。以供朝夕。逮既貴。猶著浣補舊衣。攻苦食淡。不少改其度也。生某年月日。卒某年月日。壽若干歲。生三男。

子長重光舉人公在南京工部時嘗遣之從子游于薦峯東
所然沉厚圓慎忠愨不伐綽有公風烈次耿光醫官次文光
庠生女三長適生員唐子順次適生員謝澗次適百戶金第
次室王氏生二女一適舉人傅以中一適生員唐倫耿光生
子三長槐官生次桐橘女二文光生子一榛女一重光于某
年月日已葬公于某山未銘槐入太學持狀請未獲應今年
戊戌重光會試遇其友進賢舉人章詔又以禮幣促是宜有
銘銘曰有碩中梁孝未成童吞虫七歲母首免瘍聞父
病董董走什方匪遇神笛父何以生凡舉科甲兆有火光巡
按淮鳳崇不能殃山東除蠹忤及宰衡宰衡不樂出守廣平

懷民威吏如漢循良河間廖宰借守其鄉豪黠歛跡顯要亦
懲被其讒賄下獄尤剛身雖顛沛聲則益揚既參晉藩巡撫
違經屢言不用回此晉陽撫公益烈行伍稱兵桀黠兇雲撫
公被戕公晉江右縮綬憲長貴州稱屈進天下平既少司空
奸吏殄亡當其風采實王股肱天不勅遺乃遽淪喪縉紳悼
惜哲人其傷銘此貞石子孫永傷

明贈徵仕郎禮科右給事中前扶溝縣史李君暨配
封太孺人胡氏墓誌銘

君諱瑄字宗玉充府東阿縣張秋社人南京刑部郎中前禮
科都給事中仁之父也以刑部在禮科時贈右給事中贈君

受性英敏。垂韶誦書。輒解大義。父家世農。不喜業儒。乃令入
皆爲按察掾。贈君材能煥發。受知上官。顧數不樂其事。弘治
壬子。選授扶溝縣史。縣俗富豪健訟。多盜賊巢。令數不獲。久
任去。贈君至攝篆。擊搏豪黠。舉稱廢弛。案無留牘。乃又構燕
息之亭。植荷埒菊。羅栽名竹。暇則札速搢紳耆舊。樂飲其中。
因以謔詆民俗。故凡折辭訊訟。無能遁情。乃又改建明道先
生之祠。以使士民伏臘禱祀。縣有強盜。久未緝獲。會有明火
劫人財去。遺落毡帽。人以白贈君。贈君令人持洗于市。帽匠
見之曰。此某人帽也。汝奚得之。人歸以告。遂擒其賊。并獲餘
黨。在縣五年。攝篆三載。吏民畏懷。尋以母苗氏喪。解任。其歸

之日。素衣冠送者。自縣屬之河不斷。服除。改補順德之南和。
有朱尹者。負氣陵轢僚佐。諸僚佐多曲意事之。朱益多鞭撻
人。以示威。贈君聞若無聞焉。朱後氣益張厲。贈君乃從容曰。
卑高有常禮。叅佐有常職。今柰何徒苦左右。示不廣于人乎。
朱乃前執其手謝曰。君教我矣。厥後贈君罹疾。朱爲建醮以
祈福焉。歲庚申。當部秋賦入京。賦有宣府邊儲。適值虜寇。宣
大戒嚴。或勸以支引無往。贈君毅然曰。吾職也。即嚴冬
出關。身履沙漠。左右慘然。望見馬騎。以爲虜至。悲啼不休。贈
君獨無所動。但以喻慰之。卒亦無患。旣歸入門。家人驚其瘠
甚。且泣。乃遽止之曰。始吾不謂生入居庸關。今已至此。即死

猶爲不幸耶。贈君長身脩髯。議論明確。初以資。當得七品官。以母老。亟就祿養。因失流品焉。生于景泰乙亥六月五日。卒于弘治辛酉二月二十九日。享年四十有七。曾祖諱長。孩幼輒孤。年方數歲。元末兵起。族人爭去。鄉閭多無所歸。乃獨逋居苦山。入贅李氏。後生子勝。配于陶氏。生子祥。祥有心計。常操竒贏。身致碩富。殖田三千。屋數百楹。配于苗氏。生五男子。贈君其第四子也。是其先世敦信崇義。醇樸務本。蓄極而發。積厚而顯。乃至贈君。躬被冲允。率履無華。篤生賢子。邦之司直。上馳天恩。褒贈泉壤。不偶然也。配同邑胡氏。亦以刑部在禮科時。封太孺人。太孺人之歸。贈君也。菑夫人尚無志。太孺

人務極孝敬。飲食衣物。身自執侍。不委婢僕。其在扶溝南和之時。猶事麻桌絲苧。以佐祿入。及贈君旣歿。其柩殯歛葬之具。皆出經畫。至履藝田疇。課植樹圃。多服其勞。而其教刑部以隆師親友之道。或稱述。贈君遺言。夙夜諷勵。至使于義子共筆硯。同甘苦焉。若乃周急恤寡。匍匐救喪。皆其緒行耳。刑部在行人時。已迎養于京邸。自是皆恒在任也。今年九月四日。以脾泄病。卒于

御賜廊官舍。距生景泰甲戌四月八日。享年八十有五。刑部昇柩歸東阿。同贈君合葬焉。乃托上寶卿李懋欽以問銘。銘曰。有彥贈君。天授伊嘉。讜信自履。侃侃不阿。扶溝政美。

亦憇南和。移祀明道。士風肆遐。計獲暴客。民用無訛。部賦宣
府。慷慨稱戈。虜亦無如之何。嘗昇母柩。送者如麻。屬之于河。
厥配孺人。媿德疇過。宜獲
褒典。存亡並華。况茲刑部。秉直不那。績戎休問。千載不磨。

王生德誠墓誌銘

王生者。吾年友刑部員外欵人黃羅君之子。贈君一舫先生
之孫也。黃羅君請予爲一舫齋題辭。謂予能說一舫齋也。於
同年中獨厚于予。比旣歿。未獲究其才也。予甚悼惜之。他日
予典成均事。其子南道御史德仁獻芝來辭。且言予監規過
嚴。非文武弛張之道也。予受而改之。乃私嘆曰。斯御史也。他

日必以讜言鳴于時矣。黃羅君其有子哉。未幾改官南道。德
仁又使其弟德忠從予遊。獻蓋負志英邁。端慤不苟。予又私
嘆曰。斯生也。他日必以直躬鳴于時矣。黃羅君其有子哉。尋
獻蓋告歸。思予復來。以德仁之在浙。差也。不得已。又告歸。且
爲其兄德誠索墓銘曰。德誠自少篤志儒業。家人每以其軀
弱爲患也。多方沮之。持志益堅。與獻蓋受業于德仁。兄互相
講習。雖祁寒盛暑。不爲少廢。間得古今文字之善者。必手錄
之。積至成篋。自六經諸子。至天文地理養生之書。靡不涉獵。
爲文每滾滾數千言。詩賦尤所長也。嘉靖辛卯。臺選應試。第
一。已補郡庠生。然爲人質而不俚。儉而不固。恒衣布帛衣。或

問之則曰適體足矣。尤喜敦義排難解紛。振孤恤寡。往年從兄獻菴偶有危禍。屬于有司。君力排之。賴以寧息。又從兄蚤死而無後。宗人有利其有而覬覦之者。乃謀諸兄弟。告于大守。擇其所親愛且賢者以立之。生平不滯于酒色。嘗肄業崇樾。偕諸友晚眺溪側。去館數里許。友入酒肆。携妓酣歌。君獨坐橋亭。候至三更乃復。及應試南都。或又有誘之者。特立不亂。且虛已親賢。不以富貴驕人。亦不隨世作炎涼態。接人必以誠實。所交多一時俊誼。人或犯之。終不以校。咸服其量。居常恂恂若愚。無以悅于人者。及死之日。郡大夫士無不悼惜之。夫德誠雖蚤歿。然學已至此。使天假年。真可以追逐德仁。

而與獻蓋並馳也。宜乎徽中人以爲王氏三鳳云。豈非黃羅君之有子哉。夫黃羅君學究未盡。施語所謂不任其身在其子孫者。果然乎。初王氏之先世有爲金紫光祿大夫獻公者。世家祁門。其後有諱祐者。始遷歙之嚴鎮。以至于今。子孫繁庶。爲鎮巨族。至一舫先生諱瑗。封工部主事。而黃羅君諱寵。登正德戊辰進士。居官屢著善政。配方氏。封安人。側室劉氏。生獻蓋。蓋王氏自獻公以來。世以慈儉義方訓後昆。宜至黃羅君發而未盡。又有此三鳳也。德誠名獻葵。其友號爲樂川。亦嘗謁予于鷲峯東所者也。生弘治甲子三月十八日。歿于嘉靖乙未四月三十日。享年三十二。配梅溪太學生張君紳。

之女張質直好義德誠歿之後與其媵妾汪氏秉禮守節共誓棺舟之志可以徵善人之報矣子二曰夢龍聘新安衛于氏曰夢書聘信行汪氏女二曰綸音許聘托山程尚室曰詔音未許聘皆張氏出也獻蓋領母兄之命權厝于尹庄之陽其友鄭統叙其平生因爲之銘

銘曰嗟歛巖鎮石姓維王黃羅法曹經學允明未究厥用且艾而行爰生三鳳爲歛之光孟季咸永葵也獨亡孝弟在家忠信在鄉天靳名土表此文章遺行皎皎巋然尹庄銘茲貞石休問常芳

明故奉直大夫刑部陝西司郎中黃君墓誌銘

君諱志遠字成章別號東川晚更鶴翁其先故汴人也宋靖康間扈從南渡遂居建康國初再徙漂水之唐昌復遷于迎薰之西坊子孫因世家焉曾祖諱伯儒潛德弗輝舉邑大賓祖諱桂翰粟拜散官父諱份好義樂施僦儻爲鄉閭所宗不求聞達人以樂隱先生稱之配張氏方君之在姪時張屢感異夢甫九歲遣就外傳凝重有大志不爲嬉戲日讀數百言輒成誦授孝經大學卽能了大旨時府丞竇應翼公選俊秀以充庠序集者百計君與列焉翼素精鑒別一見君重其氣宇遂收補庠生比弱冠銳志潛修博極經義尤邃于易闡明先賢未盡之意務歸于理執經叩問者屢滿戶外如今

成都通判王君希成信豐尹徐君鑾皆出自門下者也時督學憲臣浙江王公因試得君文大爲褒賞至稱以爲江南之傑是秋果領順天鄉薦高等將計偕春官值張孺人卧疾乃日親湯藥不解帶者兩月或勸之北上以圖春試君曰寸草之心昔人所懷况以身外長物而可易吾昊天之報耶孺人竟以疾終未幾樂隱翁相繼而逝君連遭兩艱徒跣枕塊痛哭毀瘠幾不能生歛葬之儀悉遵朱子家禮不用浮屠鄉人多化之同予舉正德戊辰進士授刑部湖廣司主事時宦瑾煽權諸司章奏率先關白奉行唯唯君曰倘法以逞毒吾嘗不忍也誣法以取榮吾所不能也惟持公怒剖判明決

不沮不撓法用是平大司寇陽曲張公素慎許可獨雅重君注曰執法而堅獨立之節讞獄而求不盡之情天官書取授勅階進文林郎贈樂隱先生暨張孺人如其官正德庚午歲武皇帝軫念淹獄致干和氣命刑部推選聞望素著者一人洗滌冤抑張公以君名聞遂奉詔仰體德意躬獲面覆覃厥心膂囚犯大辟當死者務求生理不忌成案卽具情上請賴以全活者甚衆尋陞本部山西司員外署郎中事然君性高亢好善如已出嫉惡峻加區別雖忤時拂衆不之恤也時貴近持銓衡或勸之往候其疾君正色曰無故之獲平

世時貴近持銓衡或勸之往候其疾君正色曰無故之獲平

生所耻。窮通有命。任自爲之。聞者深啣。比因錄囚。文檄山積。公不假胥吏。一一披閱。勞瘁成疾。君曰。與時不合。尚求遷轉。知幾者固如是乎。且吾髮種種。不歸何待。懇疏乞休。休下。屏居山墅。二十餘年。足跡罕及城邑。惟鄉飲爲大賓。一至日。處一室。繙閱古今文籍。暇則或杖屨登山。或肩輿訪逸。徜徉自得焉。嘉靖丁酉。中丞潘公鑑惜其遺逸。列薦于

朝。有司欲強之以行。君笑曰。吾始脫鞿馭。得此真樂。年踰六旬。能與時俯仰。堅卧不起。君剛方愷悌。至于接人。言辭有次。儀度可觀。見者如坐春風中。且孝友出于天性。兄志遠早卒。遺孤道撫之如子。喜飲酒賦詩。興到。伸紙濡毫。滿洒出塵所。

著有知次集。咀芹集。及創修家譜數十卷。藏于家。元配任氏。知縣蘭之女。貞淑慈惠。綽有母儀。先君七年而卒。子男四。長堂。選貢。入國學。積學有待。次棠。蚤卒。次勅。女二。長適鄉進士。弟君世昌。子業隆。次適三原鄉義官武潘子。曠。孫男九。天爵。天祐。天德。天秩。棠出。天祿。天麟。天和。卷出。天柱。天象。勅出。孫女三。長聘丁次聘。毛三聘。邢蘭桂。滿庭。皆可遠到。天之報善人者。詎不可徵耶。君生于成化壬辰歲五月八日。卒嘉靖戊戌四月九日。堂下是歲十一月二十六日。塋于竹塘之原。予悼其屬纊之托。遂因其親友甘通府選狀。乃爲之銘。銘曰。猗差東川。素履孔方。仕則行義。處則化鄉。瀟洒詩酒。

不羈塵鞅。六旬自樂。山水徜徉。哲人多社。孫子具臧。載其休
問。比江水長。

浮野先生文集卷之二十八

國家圖書館, NATIONAL CENTRAL LIBRARY, TAIWAN, R.O.C.


涇野先生文集卷之二十九

南京禮部侍郎致仕前國子監祭酒翰林修撰兼經筵講官高修國史高陵呂柟撰
巡按直隸等處監察御史前人建德徐紳海寧吳遵彭澤陶欽臯編刻
墓誌銘

明江西布政司叅政蘭峯先生程公暨配宜人汪氏

墓誌銘

公諱杲字時昭蘭峯祁門善和里人河南左布政使贈資政
大夫正治尹諱泰者之子四川按察使昌之兄舉人銳之父
也銳嘗從遊于鷺峯東所今年予以公事至京銳以其友所撰
蘭峯公狀拜問銘按狀公舉弘治癸丑進士筮仕戶部主事



歷員外郎中。陞湖廣郴桂兵備副使。乙亥之歲。陞江西叅政。當是時。寧藩宸濠方橫且逆也。二司抵任。率行警弊。公不能然。濠因畜憤。比署司印。濠多橫索。俱與裁抑。其親信小校犯賍。則又懲之。濠遂繫其二吏。更年不釋。仍不同他僚行乞恩禮。濠怨于是乎深矣。及分守南昌。濠潛匿劇賊吳十三等數十人于府中。又假以地方賊情。誣叅公及許憲使遠。窘辱百端。公乃寄乞休本。于其弟侍御時言。乃爲時宰陸公所遏止。姑推公陪點布政。以緩其計。濠遂誣公與吳十三等交通。不肯督捕。公又同許公預奏。至京。因濠本不出。又爲人中止。遷延半載。事傳當道。聞于

先帝。命三法司行勘。濠懼。遂叛。己卯六月十四日。僞賊撫按三法司官。時吳三十等用事。公遭網縛。獨苦甚。次日。欲殺公。祭刀旗。賊師劉生者適至。勸濠不嗜殺戮。公因獲免。執公入舟時。始得通家信。命其子銳舉義兵。沿江討賊。并入京請兵。銳卽同弟鎰散家財。募義士。而汪宜人亦盡脫簪珥。以資給之。銳乃請于南都操江巡撫。巡按暨司馬諸公。其從弟照徑北趨。上封事。是時公囚于座舡。夾脊倉內。憂憤疾劇。水漿不下。咽者數日。后官軍重臨。縱火焚舟。幾傷其生。忽及風。脫圍野泊。地方人登舟。知爲公也。曳舟至江西城下。昇入官衙。救藥兩月。方起。庚辰春。公歸自南昌。銳赴京辯訴。誓死累疏。有

旨程杲既原累抗宸濠被其叅害又囑子起兵擒賊報効撫按官叅論其情可原准釋其罪僉謂誠如

旨諭當復官起用豈止無罪而已乎公曰予叅江藩幸免于死殆天數也初公之任戶部也差通州督糧綜理精詳官運兩便其在填上馬房至使中貴不敢撓法尋差散京衛花布勢要不敢折閱比考滿部堂周司徒書以勸慎他日差往山東及閩廣二省也積弊多革地方晏然及六年之考部堂呂公以謹飭公謹書稱後陞員外郎中清譽益彰矣司徒韓公甚加器重乃若守南昌時宦瑾肆姦使者橫徵無虛歲公以堂食充費不擾于民司徒魏彬者亦嘗遣人少違其法即加

鞭箠雖至考察之年陰囑時宰遂菴楊公調改而不顧一時又有謝文選者播弄權衡侵奪官田凌轢鄉黨甚濠也公痛責其家人謝至使其親來言許京堂以徼厚利公堅守清白正直而不改他如葺城積糧築圩練兵于肇慶區畫武備招撫徭魁親臨戎行擒斬賊首于柳桂諸所敷歷秉直樹勲伸寃理枉抗濠之烈豈偶然哉初程氏出周大司馬伯休父封邑于程世望于廣平郡至晉有諱元譚者爲新安太守有惠政民遮留遂家焉至梁諱靈洗者捍禦侯景有功封忠壯公世居篁墩及議口至唐御史中丞灋起兵拒黃巢長子諱仲繁戍祁門嚴湖諸處卜吉地于善和里尚書公長子諱令涯

程忠壯公名
靈洗此今休
寧派也

任中奉大夫。至宋諱鳴鳳者。武魁天下。迄元多高人逸士。國初諱德堅者。有古傑士風。時世亂。各鄉立壘。恣行殺戮。德堅公往來各壘中。說以大義。所存活者甚多。后從我太祖征陳。又諒于鄱湖有功。授行樞密院都事。撫浮梁景德鎮。能解鎮人之危。趙淮西數載。

太祖卽位。大赦天下。始歸。訪知其賢。檄召。以疾辭不就。所著有仁山遺稿。都事公生佐。佐以公事。戍死遼東。佐生景華。以行義高。于鄉評。景華生顯。業儒敦古。領應天丁卯鄉薦。歷任韓藩二府長史。是生正治尹者。也。配贈夫人胡氏。生四子。長曰昂。訓科。次曰旦。典膳。次即公。次曰昌。四川廉使。則公之學。

問淵源。忠貞卓備者。蓋非一代之積矣。所配宜人汪氏。亦邑中望族。有女德。蓋作配于良者也。生子卽銳。早志于道。凡救公于危。而明公之心。并他日顯揚後世者。當有斯子矣。娶某氏。文子。女某。適某人。公生于某年月日。享年若干歲。葬于某里某山。是宜有銘。銘曰。有毅蘭峯。邦之司直。築任戶。

曹金穀是飭。太守克慈。兵備翼翼。亦旣參藩。自度維力。或抗逆濠。或拒吳賊。密疏旣達。亂是用覆。命子義兵。以匡王國。黨叛無刑。貪婪不墨。繫程氏家。爲士林則。鄙人勒銘。用警不德。

明贈孺人李母董氏暨贈孺人穆氏墓誌銘

南京太常博士李生愈。哭謁予曰。愈母董氏。歿今二十有四。

年矣。繼母穆氏。歿今十有七年矣。顧其淑範懿德。未銘諸石。惟先生是問耳。母董。家世平定東隅人。曾祖益都簿琰。元左丞呂忠肅公。思誠之壻也。祖東昌府學訓導福臻。父郡庠生。鑄。博學能文。有詩名。二十八歲沒。遺其配張氏。年方二十七。厲節固窮。撫教吾母。并舅氏。故吾母資度貞恪。夙有成性也。稍長。伯父鉉。叔父教諭朝綱。每語人曰。此女不凡。異日必有懿福。家君年十二三。從舅氏王舉人佐學。聰明強記。擅重名。于時家祖爲擇所對。王舅氏與江西副使邑人曹公雷素聞吾母賢。爲力贊之。家祖曰。其母嚴明貞烈。其女必賢矣。媒氏往訊。外祖母喜曰。是李氏才兒也。遂字焉。及笄。歸家君。家君賃屋州居。以便學業。留吾母子家。相去二十餘里。乃專奉舅姑。備竭孝養。山下有泉甘冽。先曾祖母酷嗜之。每晨躬汲。以供膳飲。下上坡阪。他婦女所弗堪也。家世業農。耕犁鋤耨。處分俱當。甚得舅姑歡心。其侍家君讀書。縫刺于側。鷄鳴而後卽寢。相敬如賓。性極聰慧。古今孝義大節。歷歷能述。其槩。家君年二十四。舉于鄉。明年乙榜。授高陵學教。先曾祖母不欲離吾母也。年踰七十。就養高陵。家祖亦使家二叔應庚。應箕。從學于宦。箕因受業門墻云。吾母上事祖姑。每膳必具甘脆。以稱素所嗜。取相家君端儀範。甘清苦。以誨諸生。祭祀賓客。必敬必潔。于二叔書札燈火之費。咸爲預處。飲食必在寒煖。

時未授衣。皆與完就。及著長短如式。雖家君亦不知也。畜諸兒甚嚴。過其前。凜凜然。衣食不敢擇美惡。夜聞兩叔書聲。輒令之聽。謂家君曰。二子如其叔足矣。若官貧。固好消息也。乃卒于正德丙子正月二十日。距生弘治元年三月二十六日。享年纔二十九。嗚呼。痛哉。三月。祖母來撫諸孫。家君以湖廣聘考。與叔應箕偕往。叔應庚乃扶柩歸。以塋諸兒幼。不能從也。十月。家君自湖廣返高陵。一顧諸兒。會試期迫。遂行也。過家留月餘。娶繼先母穆氏。父諱翱。母李氏。郡西隅人。丁丑。家君下第。遂同復官高陵。先祖母以藐諸孫。少失母。日夜憂不得托。及至。見拜起動儀。雅飭莊重。喜曰。諸孫復有母矣。事先祖母惟謹。先祖母鍾愛。亦如先母。撫育諸子女。食息必察。出入恐恐然。若有傷。真若已出。雖不肖。忘其爲繼母也。及先祖母歸。家君陞鞏昌教授。復同抵鞏昌。時值隆冬。冰雪載途。過關山掖。二男以登上者。十餘里。且慰家君曰。行道之難如此乎。及至鞏。宅宇傾頽。止于後堂。索索無備。惟勸家君効官如高陵耳。越歲。家祖同家叔應斗至鞏。竭力供億。尤每歎然。及携家叔應箕將歸。家君假十數金爲路費。恐不足。卽脫簪珥以備。曰。吾在此。亦無所用之。家祖歸。恒稱賢孝焉。家君延師以誨諸子弟。凡飲饌。必豐潔。敬禮有加。曰。師道隆。則弟子知所學也。家君以提學大復何公。選入正學書院。誨群俊士。并

修雍大記。歲時不返。經理家務。截然整肅。有孟縣劉氏。亦官
茲土。其女賢淑。即爲予叔聘娶。禮物悉裁。處如度。及來歸。相
待極其和愛。諸僚友家。咸嘆服。至有感化者矣。辛巳。先大外
祖母卒。哭且絕者。凡幾。壬午春。先曾祖父母卒。又哭極痛。冬
先祖母又卒。哭不起者。五六日。形骸骨立。嘆曰。胡天不仁。不使
婦終養姑也。奔歸在途。有感輒哭。抵家。哭于靈。嘔血卧疾。諄
諄語。惟念姑之不見也。病十日而逝。時嘉靖癸未。四月十一
日。距生弘治八年七月二十三日。享年亦二十有九。嗚呼。痛
哉。以二先母之淑懿慈孝。成年不及三十而沒。仁者果壽。天
果可必乎。諸男。咸未十歲而失母。孰知邊有今日乎。家君歷
官三十年。雖以剛正不善事上人。淹滯王官。不克大施所學。
然冰蘖清苦。素行卓偉者。實惟內助。家叔應夷。順慶推官。舉
乙酉科。應筮舉甲午科。應斗。有雅譽于庠。其擇師供億。二母
皆與有力焉。男七。長念舉。乙未進士。授浙江錢塘知縣。娶王
氏。次卽愈。同允舉進士。娶揚氏。封孺人。次慈。郡庠生。娶陸氏。
女淑賢。適庠生苗敏學。董出。次愛。少穎悟。六歲出語。驚坐客。
年十四。以疾亡。今塋北。切山云。嗚呼。天何奪母。又及其所愛。
耶。次慈。意讀書。可望。穆出。次懇。女二。再繼母。呂所出也。孫男
二。栗。念出。臬。愈出。孫女五。嗣緒延綿。幸不墜家聲者。意必其
餘蔭遺福也。乃嘉靖丁酉。遇

聖上推恩。二母以愈博士秩。咸贈孺人矣。涇野子曰。傷哉。俞也。吾爲子銘之。銘曰。古有道之女。迪德之媛。或多不壽。以委社于其後。昆語所謂不在其身。在其子孫。故爲子孫者。數奮思古初。竭力于學。以求此身之所根也。是故既富而立。義田方貴。而捫瘡痕。皆其賦性于父母。而因以知學之源也。今夫董母以育子。而革疾。穆母以哭姑。而稀魂。慈可以照日月。孝可以塞乾坤。大博暨錢塘。不日皆擢爲臺諫。責之以言也。其所以立身行道。揚名後世。以顯二母如生存者。又豈有外于孝以事君。慈以使元元者乎。我銘茲石。千載如燬。

明大中大夫遼東苑馬寺卿東岸先生郭公墓誌銘

公姓郭氏。諱震。字孟威。別號東岸。先任陝西參政劉公一貫者之母舅。今任陝西參政張公邦教。自寬者其女夫也。初郭之先世。吾陝韓城人。有幾世祖者。徙籍蒲阪。居古城。黃河之東岸。學者遂稱公爲東岸先生云。公生而簡重。狷介不苟。言笑成童時。與其兄眼賈四方。偶奮然曰。大丈夫當建勳庸于當世。安能伍小兒輩于市井。取奇贏邪。遂一志儒業。日夜不休。時年已十七八矣。嘗學禮記于王執中先生。被其器重。督學東郡。教公首選籍學。當是時。少參楊貞庵致仕家居。直躬而行。雅愛公文。稱其清簡有則。然公父已老且病。公不辭衣帶。侍湯藥數月。及卒。寢苫枕塊。兩股中寒濕。哀號不衰。及父

病且劇。或勸預娶。答曰。豈有垂命而子納婦者哉。終三年喪而後娶。弘治甲子。王文莊公督學山右。試士至蒲。適值

國哀。以喪禮命題。公據所聞于王先生及靜寧吳先生者。併附已意。著爲論說。文莊稱其有定見。是年遂中禮魁。此後蒲士以禮記登科者。鄉論率歸美焉。及戊辰。同予登進士第。授大理寺右評事。鞫讞詳明。評駁不苟。廷尉倚重。考績書最甲。戊晉寺副。而母王太孺人遘疾。公忽心動。

奏乞省親。

上允其請。歸果病劇。曰。吾兒來矣。即少瘥。彘復病。弗起。蒲人盛傳。擬古噬指馳歸云。代郡孫太史曰。孝弟之至。通于神明。果然哉。服闋補前職。戊寅陞河南按察僉事奉

物莫能摧。江防以晏東西邊。塞馬蕃不虺。臆退歸林下。迥絕塵埃。有守輦革。旣多其才學。不肯經。豈曰後身如來。我銘斯石。照此泉臺。

南京國子監典籍李舅之配魏氏岳母合葬墓誌銘

岳母魏氏者。戶侯諱善翁第八女也。自少攻治機杼。剪繡組紉。及諸中饋之事。罔不精緻。懿嘉諸女。流咸敬羨焉。及歸。登仕舅。當是時。兄弟五人同爨也。其孝事舅姑。曲處諸大小姨。及諸妯娌。乃益勤機杼。剪繡組紉。及諸中饋之事。滋罔不精緻。懿嘉姑及諸姨妯娌。尤咸敬羨焉。當節序間。遺賓祭。請召無私厚薄。凡甥孫姪娣。咸飲其德而飲其馥。閭內若有微忿。

嘗置去不一辨問大小和睦長聞笑音不聞怒聲恒濟貧拯
急人誦其德雖漢之鮑桓梁孟何以加諸若岳母魏氏者當
非古溫任淑惠女流之英乎生天順辛巳八月二十六日卒
嘉靖甲午十一月初三日享年七十有三歲生男子三人長
純娶西街王氏沒繼娶原趙村王氏又沒繼娶南街文氏又
沒繼娶涇陽吳氏又沒次緣早殤次穀縣學生常入科幾舉
也沒娶東吳里來氏沒繼娶涇陽王氏亦歿女子子四人長
適柝時舉人也及官至侍郎封淑人云次適本里孫彥景次
適縣南尚尚質次適三原生員鄧世泰孫男子二人皆吳出
長灘娶東街高運同之孫女次沔縣學生出繼于弟穀娶灰
坡劉氏孫女子二長適縣南生員馬應賜甥死守節次適中
部舉人劉儒俱純出曾孫女四人采首采繁采藻灘之女采
蘋沔之女岳母之將合葬于登仕舅其姪學生編書狀言銘
柝何能辭乃投淚誌之而銘曰岳舅之葬也柝銘之岳
母之葬也柝銘之雖于潛德隱行未能詳爲之辭然于厚恩
素教則亦聊陳其所知矣員員孫子衍及女支載道孔敦垂
于無期

明榮祿大夫南京戶部尚書贈太子少保石樓先生

李公之配淑人張氏合葬墓誌銘

石樓先生之歿也吳祭酒已志諸墓矣越七八年而元配張

淑人歿將合葬焉。其子舉人承恩使兩姪瓊龍持狀自汾水來請銘。予以憂辭。龍再至不獲已。述其狀而志之。按狀。張淑人平陽翼城澗下里人。世濟行義清白。至父又有隱德。嘗感異夢。乃生淑人。天性貞靜。孺寡嬉笑。長閑女訓。內則儀容端重。言動居止。咸中規矩。凡諸服飾。惟取鮮潔。不事華麗。年十四歸石樓先生。肅雍自持。無違宮事。曾大父母。大父母時重慶事之。孝謹周至。飲食衣服。必躬必親。不以屬人。祭祀賓客。一致腆潔。而自養甚薄。懼弗繼也。其處伯仲妯娌。恩義交盡。室人咸悅。及舅慈溪先生謝政歸家。遭歲大侵。而儒素寡積。俯仰無所於給。石樓先生有憂焉。則慰之曰。惟無荒學業。無違先志。他可勉慮也。乃竭力機杼。以佐家費。隆冬沍寒。亦不少懈。屢際凶年。連舉重喪。無累也。成化庚子。石樓先生既登省元。明年辛丑。卽舉進士。授尹樂亭。奉養舅姑于任。諸從子弟悉令隨侍。乃上敦孝敬。下慈群幼。或延師教授。恩同已出。弘治己酉。石樓先生以監察御史貴。封孺人。乃感泣言曰。妾本農家女。誤蒙殊恩。無所於報。惟願君子夙夜惟寅。滋勵臣節耳。及姑譚淑人歿於家。哀毀幾不能生。綜理喪務。巨細畢舉。其遇侍妾。禮愛篤厚。有古樛木小星之遺風焉。鄉閭遠近聞者。嘆羨以爲難及。弘治庚申。其喪舅贈公。采毀亦如喪姑焉。正德己巳。旣拜淑人之封。感服不寐。謂諸子曰。

天恩踰涯分矣。前日之報屬之爾父。今日之報託諸爾曹。爾等惟讀書明理。他日誤蒙收錄。盡忠樹節。爲時名臣。不然守身力本。不失爲良民可也。石樓先生自縣令以至司徒。屢歷清要。茂著勳功。如樂亭之流離歸業。咸畹還田。城臺息妖。巡按所至。貪暴肅清。妖僧已亂。大比得人。及爲方面。抵劉京之罪。戢廖鏗之橫。進位都憲。按劉瑯之奸。抗宦瑾之惡。若乃戶部之政。裁革冗費。權歸度支。國體增重。爲時名卿。尤人所誦仰者也。鄉黨以爲淑人內助之功居多。蓋非誣也。淑人平日衣服不重帛。食不蕪味。俎豆蘋藻。必親以事。紡績井臼。未嘗忘念。真古似姜之流亞歟。乃歲辛丑七月二十七日。無疾而終。詎生天順戊寅五月二日。壽八十有四歲。子男四人。長承宗。太學生。次承序。散官。皆早卒。承祐。散官。從子撫。養成立者也。次承恩。舉人。女一。適楊堯瑞。孫男五。希夔。以恩蔭。希龍。希尹。以例貢。希傳。希文。尚幼。曾孫男一。曾孫女三。俱幼。銘曰。猗嗟淑人。素履孔貞。舅姑克孝。妾媵有仁。石樓先生。相待如賓。允厥孫子。慈惠同春。履素迪義。不忘食貧。宜爾積行。化及六媵。內助石樓。爲時名臣。女訓可式。豈啻比隣。載其休問。千載如新。

明贈中憲大夫真定知府裕庵宋公暨配魏恭人合

葬墓誌銘

魏恭人之歿也。將合葬於裕菴先生。其子湖廣按察副使宋君宜遣其子學生承恩問銘。予以憂辭不獲。按狀先生諱希賢。字志學。六世祖知遠者。自山西徙于鄆州德政坊。知遠生斌。斌生伯能。伯能生鑑。俱隱弗耀。鑑生綸。中弘治壬子鄉舉。仕至代府長史。配同坊杜耆老清女。是生先生者也。先生數歲。即知禮讓。王父臥病數年。坐起皆難。先生侍養于側。不易其地。雖曝滌衾褥。必手親供事。既長嗜學。受書於從叔舉人君。日與母舅杜器菴共几席。雖寒暑不釋卷。遂庵楊公試其文。稱奇才。他日母杜孺人。遭救疾。先生臥不解帶者三月。恒求以身代之。及葬。哀毀逾禮。雖越喪期。居嘗猶不為樂。痛

祿養之不逮也。憲副少時。受以小學。至范文正公告諸。誠令勿朗誦。恐長史公聞之動心也。憲副垂髫。教以知性。變化氣質。諸細故。必以不欺為主。及長史公自國學。陞赴代府任。而先生感疾還鄉。疾革。謂憲副曰。吾不能終養。訓子不能有成。死不瞑目。汝能讀吾書。成吾死不朽矣。時正德丁卯年。三十有八也。先生檢身甚嚴。介不妄取與。至有詆其為迂者。每詔赦至州。例遣分齋屬邑。舊有贈遺。先生次往洛川。尹如舊。固辭不實。其金于寢所而歸。收衾者得之以告。尹大驚。嘆曰。以人可及也。後再值齋。遜于貧友。至今鄆人以爲美談。先

此頁以補板正之

善爲文多根理致乃舉不第當非命乎然則畜極未發
不在于憲副所邪憲副爲御史時當嘉靖辛卯 郊
成贈先生文林郎監察御史戊戌憲副在真定復贈中
夫真定知府云所配魏太恭人者魏耆老廷相之女年
歸裕庵先生當是時長史公方教諭臨晉乃同裕菴赴
躬調膳羞承順顏色備極孝敬及杜孺人溝嗽疾身事
頃刻不離其側雖當盛暑躬親便溺食不盥手杜孺人
孝婦也願汝有婦亦當女若乎他日長史公遣收憲副
赴大同任恭人以銀二錠付憲副曰此吾翁柴薪也向
父自京持還何敢私蓄以可納上長史公感動不已比長史

公卒哀毀亦如杜孺人居嘗誨憲副兄弟勵志於學無
脩乃憲副登丙戌進士選授南臺御史言事忤 旨
錦衣獄親友咸懼太恭人曰御史言官也縱得罪亦其
耳竟復原職會 郊祀覃恩始封太孺人云及誕期
十三道爲蟠菴圖詩予爲之序憲副乃具 勅命冠
圖詩序馳上焉太恭人喜甚後就養真定每訓憲副曰
之外不可輒以重刑加人尤不可輕易喜怒憲副遂以
字扁諸堂問其義對曰卽俗所謂將心比心耳太恭人
之戊戌進今封云尋遷湖廣憲副庚子十月入 觀
歸省教戒尤切及今年二月還過廊太恭人已寢疾引

右中指納口中。齧良久。痛不自勝。熟視血至矣。即死。何者。得
三月二十一日不起。生成化十三年八月四日。距卒享。年。禮。
十有五歲。憲副卜嘉靖二十一年正月日。合葬裕庵先生。書於
櫻桃山之陽。是宜有銘。銘曰。有懿裕庵。惟介惟良。幼為順孫。
事祖耄荒。厥既嗜學。父母咸昌。辭金如棄。不求厥名。細事
此。况顯德行。魏太恭人。天合尤良。惇誠孝敬。悅此姑嫜。
婚娶匍匐。救喪惠及。戒獲自補。衣裳婦無私蓄。蕪金敢藏。
姑納上。子職之常。裕庵辭金。與之同光。宜爾有子。憲副孔。
靖恭奉職。不懈于涇。立身行道。為邦主境。載厥休問。千。
長。

明通奉大夫四川左布政使繡嶺楊公墓誌銘

公諱淳。字重夫。號繡嶺。同。舉正德戊辰進士。仕至四川布
政使。歸而卒于正寢者也。初。楊之先世。累出華陰縣。有百戶
君者。徙澄城。生政。政生敬。祖皆居澄城段庄里。光祿村。明興
有諱仲微者。始徙臨潼縣安業里。仲微生和。和生讓。成化末。
輸粟千餘。賑救貧乏。乃生子彪。贈浙江道監察御史。彪生欽。
是生公者也。以公初官。累封工部郎中。加四品服色。母王氏。
封太宜人。公垂髫時。恬靜寡言。雅有志向。酷嗜詩書。時祖業
頗豐。公一志于學。不為富奪。祖于諸孫中。特鍾愛焉。謂其衆
曰。此兒其大吾門乎。弱冠。受詩于季父運使石川翁。以儒士

中弘治辛酉鄉試。既偕季父僉憲標東翁叔父同業于大學。公既登進士。後觀政兵部。授江西道御史。時宦官劉瑾索求科道瑕疵。適決大辟。衆皆推避。無肯行者。公毅然請行。大中丞屠公喜其勇敢能任事也。而瑾惡其同鄉不附已。諷當道改公工部屯田司主事。庚午安化王叛。王師于征。公爲之先事前行。辛未。被差荊州。抽分竹木。時川中多盜。商販十減四五。兼以勢要請託。齟齬旁午。公一切遏抑不行。時有青龍之謗。竟未能污也。秩滿陞本部營膳司員外郎。管葺基等廠。尋差遼東查盤軍器。甲戌。陞都水司郎中。奉勅管理通州南旺河道。浚決潢污。築復隄防。一時糧道稱便。京儲頓增。時中官

方橫。舳艫往來。陵轡州司需索無算。聞公退避。有號二劉者。勅使西域取佛。其船百艘。所費萬計。聲勢赫熾。沿河州司懼不敢支。公移檄檣治其前黨。衆歛迹而去。國初工部尚書宋公禮治河有大功。禮薨。議祀以宋居中有司奉行違錯。又進都督于其中。公具一奏改正。且修葺其祠宇。纂王端毅公奏議。丘文莊公之詩。刊爲漕河紀事。以

末宋公之功。又嘗發庫帑羨金以修孔廟。其地舊有徐君墓。乃延子陵掛劍處也。亦築祠立碑以表其賢。三載再補虞衡郎中。未一年。陞湖廣寶慶知府。南楚風浮俗。又尚鬼。公乃首興學校。延經師以開勸生徒。四擒妖

古水盆法破
自昇今聞刺
中指再放

巫徧毀淫祠始則詞訟盈庭一判數千繼旬百人再旬十人
期月之間浮風丕變巡按唐君薦其剛正清明惠德安民有
某妻外適而娶妾者其妾生子已生員也尋其父不認告之
公用古水盆法破其鼻流血于盆中并取他隸血于盆以
辨同異其民遂抱子而泣歸處其妻如初又嘗 奏革岷
藩過用桐油船料數萬及強占居民田產數千并擒治其撥
置之人岷藩上章証 奏事下湖廣鎮巡會問其叅語曰
知府楊某矯枉過直致于親王疾惡大嚴因公取怨于官
校究其立心行已之迹無非守職愛民之心罪固難辭法應
調用得

旨乃調知鄖陽府才七月陞山西副使奉
勅管理鴈門等關兵備便道歸家適封君遺疾公侍湯藥月
餘而封君卒人以爲孝思所感也起服除湖廣郴桂兵備郴
桂楚之南檄也地雜苗夷俗多寇盜有禪光眼者聚衆數千
肆行劫奪公皆捕平之得蒙 賞賚嘉靖辛卯陞四川叅
政不迎宜錄人錄太則具呈 撫臺分俸以卷次年陞本省按察
使次年陞本省右轄尋陞左轄公在蜀威茂諸邊將常因蕃
夷入寇多殺無辜以邀賞賚公累檄諭以禍福勸戒切至諸
將感悟在臬司其蜀藩知其廉贈蕪金一百撫臺贈金八十
皆不受貯之庫其爲叅政時嘗視篆當放支銀伍萬或曰此

可得羨餘公終不肯放支公平生以清忠自勵慕趙清獻之
為人俸祿之外一毫無私公子弟有諷其置產業者乃厲聲
訶之曰汝第勤耕力學我不為汝所役使也見着綺羅者則
曰此天物也汝等可易用乎甲午冬聞太宜人訃公毀悼幾
不生即日奔歸自是遺榮養素居室蕭然己亥五月十六日
丑時有雷震聲異常即攝衣起危坐有待人弗喻其意是夕
眾又見星隕于居之西北隅次日延賓談笑間少覺不快遷

不起矣嗚乎痛哉公元配魚氏贈宜人再配姜氏贈宜人孫
氏孫氏俱先卒高氏男東星娶米氏孫男各一尚幼公生
于成化十一年十一月十二日享年六十五歲第翰卜今年
十二月二十五日葬公于永豐鄉石川河之右具狀乞銘銘
曰倚大方伯陝士之英兼直不屈歷有聲昔在都水宦舟劍藏
曾慶之宗胡民用寧藩臬于蜀爾道滋章銘茲貞石千百年光

明義官仇君時淳墓誌銘

君諱朴姓仇氏字時淳世家潞安府南雄山之東火鎮曾祖
諱述方業醫藥配李氏生承事郎鏞配某里張氏生義官鶴
配某里張氏於是生君兄弟三人長楫宿州吏目季攔郡醫
學訓科致仕隱居專治儒書嘗從予遊君其仲也君生而嶷
異語言不同尋常人年數歲即知孝讓義官君教以詩句輒
了其義甫十二卓然自立如老成人義官君或委以家事任
之不辭出謀發慮及過其右其有所呼召雖寢必起雖食必
吐時家範未立一日宴賓隨俗或用女樂君深憎嫉客賜食
肉出門盡哇於地義官君竊喜其剛正謂坐客曰成我家者

是子也。弘治八年，援例義官代父專理家事。兄弟及再從者五人焉。吏目遊宦宿州，森儀賓城府，桓業膠庠，擢寓醫學。君獨克厥家，錢谷金帛悉出其手，毫髮無私。而又慷慨奮發，事得其理，人得其職，恩信洽於內外，人皆悅服。族人有誣訟其家者，欲陷死地，乃即赴上書申理，聿獲辨明。弘治十六年七月，義官君卒，兄弟三人哀號盡禮，葬後同處一室。正德五年，乃議立家範，舉行呂氏鄉約，願遵約得二百六十餘家焉。置深衣巾履各一，立勸懲簿，以憑賞罰，設義廩，以便歛散。是年五月五日，忽報大夥流賊奄至，君即率合家婦女趨城。至六日，果至，大劫東西，二火鎮戍，殺虜掠男婦，不計其數。惟君家獲免。賊去後，家食燒谷，以存性命。好者貸人，止收原本，燹者減半取償。文券既毀，人皆自守其數。乃與兄弟議曰：往時利息三分，今遭此禍，可取二分，以爲常例。不數日，息完。於是先構祠堂，次營居第，次列諸堂，各扁名義。設義方以教宗人，建義學以淑鄉黨，築藥樓以濟天死，立義塚以葬貧乏。始雖會議，而經營提督，君實多與其力。雖經賊火，修復視昔愈盛。流賊所過，婦女死節者四人。君因激其儀賓，同諸會友白巡撫王公，獲給葬銀，奏聞，豎碑建祠，小領郡守曹公進善，即委公董其役，乃輟家事，盡心營治，輒益已財。祠堂旣成，貞女父兄以其女所遺繡枕二事來贈，君獻諸父曰：此烈女遺物，遂珍

百十億萬
俗弊潞安仇
子一新之官
夫子表揚
金石不朽也

裁間出以教示內人。子煥求昏原氏女。既納采矣。其人曰。從俗則吾女婦如行古禮。則吾不能從也。君謂二兄曰。吾家娶婦入門。有不守家範者去之。况尚未入門者乎。此人昏禮尚不欲行。則其女不能守範。可知與其亂吾家範。不若棄之。不過亡數十金耳。遂與絕昏。更聘六世同居義門李氏女焉。正德十五年。吏目兄卒。君傷悼如失。左右手本都六里人。舊窘差稅。久逋。郡公君使人諭以禮義。稅得完納。太守欲犒花紅。則辭以祖母之服。是後有例。許併里分。君與儀賓。費百五金。併爲三里。自此二稅諸役。必以本家銀貲。依官價代輸。後收原本。不取其息。人皆便之。是歲大飢。白於母氏。先自族入。次

斗疑作升以
今考古也再致

及隣里。錄四百五十八口。計口給粟。多寡有差。嘉靖二十年。又飢。復賑之。五年。建立書院於東山。以教鄉之俊秀。七年。改正本村東嶽廟爲里社壇。祀土穀之神。恐禮未久。乃遣醫官之南都。謁何栢齋。馬谿田。及予三人。就正。善詢鄉約書院事宜。三人各有撰記。公以書院在東。因號君曰東山。八年。又飢。斗米九十錢。餓莩盈途。君於本家便地。掘一大坑。又於西火王鑄地。掘二大坑。埋瘞死者。因給錢六文。以償埋者。又免負債人銀本五百金。重給銀本三百。其錢穀之息。通減一分。九年。起役修城。乃督本里人。獨當半面。城工垂完。君忽心焦。點衆里。俄而城覆。里不一失。皆仰嘆曰。不有相公。我輩已爲隍。

中之泥矣。聞者駭異。十年夏旱。人心皇皇。衆會公議禱雨。君令合村男婦老幼。前三日齋沐。各家年長一人。親詣會所齋宿。每早焚香祝告。三日即雨。是歲大熟。十一年又旱。復率衆祈禱如前。得雨日亦同。人皆驚羨云。至誠感神焉。君凡遇祠祀。必變食遷居。務期感格。臨祭肅然。君四歲育於繼母閻氏。既長。晨昏定省。出告反面。事無大小。稟而後行。疾則親視湯藥。衣不解帶。及卒。哀毀踰禮。形容骨立。杖而後起。擯廬墓三年。不御酒肉。後垣群槐。慈烏徧巢。及歸見親故室。頭觸仆地。時已六十餘矣。潞守宋公圭榜其廬曰。二孝廬。又大書扶持風教四字以嘉之。復疏其事於朝。詔表其門云。君雖與

人談論移時。肩背竦直。身不少動。手足亦不移。處家喫緊。尤慎閨門。憐家童。年踰八十月。給米三斗以終其年。郭文貴年老無子。每月給米二斗以延其生。文貴死。廩給其妻不絕。收養祖母之裔張邵。自幼至壯。且與娶室。他若置義學。田於陝堰之西。以贍鄉士。不能束修者。和順王都憲公學行重於時。其所著書。有博趣齋稿。乃刻其書以傳。多義舉也。及煥補本府弟子員。教之曰。讀書本爲明理。治國先於齊家。不願汝工文辭以取富貴也。惟願守吾範耳。自鄉約之行。三年矣。君領約事。人識禮讓。盜賊屏息。僧道遠迹。奸慝不生。淫樂不作。風俗大變。有小爭鬪。君爲申理。曲直咸得其宜。鄉里息訟。遐

邇嚮化。有若西火。霍村平家莊趙家。由遠而陵川之南。洎壺關之柏林。皆從約也。郡守周公吳素慕其名。乃大置酒食。召請至城。時諸約至者千餘人。周親洗盞酌君。求替郡政。乃秋七月二十五日正終。掾生成化九年六月二十二日。享年六十有八。吊客千餘人。行者哀於途。婦女嗟於室。配王氏。繼王氏。再繼董氏。俱名族。男一曰煥。生負王出。先卒。即娶義門李氏者也。女五。一適教授陵川武儀之子思彤。一適尚書後蔭城李琨之子。一適西火巨族袁仕良之子。遂。一適戶部員外高平申廷賢子之監生去垢。一尚在室。俱董出孫男。一即階府學廩膳生娶袁氏曾孫男。一。小字勿情。曾孫女二。初君將歿。醫官在側。憤恙成疾。既歿。越月。疾少間。命君之孫階具狀。走使請銘。義不可辭。遂即其孫階所具之狀。而次第其事。以銘之。銘曰。

有毅東山。受性直剛。見善則從。見義則行。家範既立。具鄉約。常僮僕爰化。鄰境爾程。遺骸收瘞。孤貧是棄。神祖來格。宗戚咸章。行年七十。無忝所生。相厥懿行。先生彥芳。銘茲貞石。千載為祥。

明贈工部右侍郎兼都察院右僉都御史南峰先生

潘公暨配淑人施氏墓誌銘

明贈少司空南峯先生潘公歿于嘉靖乙酉十二月十九日。

距生天順壬午三月二十五日年六十有四歲配淑人施氏
先公六年卒詎生戊寅四月二十三日年六十有三歲俱已
藁葬于韓八塢口矣其子今工部左侍郎兼都察院左副都
御史鑑以塢口之近河也將於某年月日遷葬于象山之陽
謂柩爲同年友且舊史氏也乃以族弟河南參政鑑狀遣使
請墓詔按狀公自少孝事龐隱公龐隱公之歿也公視伯父
貴安公亦如龐隱公其事母呂氏菽漿以盡力友其弟璘環
瓚甚篤厚瓚年少呂獨憐愛之以公之能撫鞠也恒以爲悅
公素不治產業賴璘環協心經營以爲養其約束群從無越
矩矱賓祭必以禮而自御朴素後雖貴顯亦若寒士至其輯

世譜以明宗架榮陽石杠以濟涉者而里之孤嫠尤極意撫
恤下逮滅獲亦慈惠無虐里人有夜盜所儲粟者公窺得其
人低聲謂曰吾安忍汝爲此汝速去明日隨_{我治任且捐粟}
與之他日竊者別犯被執自言公事求免公固未嘗與人言
也平生口絕咄叱不事博奕對客惟談論古今不涉謔笑一
切玩好紛華無少餘累恥與奔謁邑大夫李子士翔者尊禮
視之延之飲射傾意考問一特英達咸謂公姿貌玉立身無
惰容而接物溫郁得諸程伯子與人言鑿鑿不妄行之以忠
恕得諸司馬君實至於鄉之衡辯者望容而息類王彥方曾
次坦洞未嘗測其喜怒類黃叔度其亦微士之著龜典刑乎

及其晚年。凡名山古刹。必棲遲以挹其勝。而童冠相隨。振衣散步。濯于清泉。哦于茂樹。蓋有得于道而自樂者也。公髫時。嶷然如老成。不類群兒。龐隱公性最嚴毅。嘗以事麾公立雪。中母引之避去。公拱手答云。少候父命。聞者異之。稍長。師事貢士程士奇。受尚書。尋遊黌宮。文名蔚播。弘治庚戌。治龐隱公喪。一以家禮。不用浮屠。屢舉不第。遂不復出。結廬以隱。因號南峯。鄉士擔簦踵接。鑑與主事弟鉉皆受業焉。復有父子相繼出其門下者。遂稱南峯先生。公又倡築凝秀書屋。別延師以訓子鑑。有詩性拙。不妨勤作。所家貧。端合儉爲圖。及鑑年十九。鄉薦捷使及門。公方啓講。既畢。方出人服其度。鑑舉

進士。父病京邸。或勸公禱。乃拒之曰。有命。未幾鑑受命南大理評事。迎公祿養。乃以詰奸正辟。訊寃平反。訓之。尋被錫命。繼配施氏。亦封孺人。後鑑以公垂白在堂。不欲遠仕。公以盡忠報國。榮達所親勉之。及鑑進副使。時復上疏辭官。不允。公益催促。不使頃刻違命。然則鑑自今官也。積大卿相。以爲我明名世之臣。上逮于公。流芳千載。又奚但今日贈少司空已邪。初潘先世周人中。徙閩之三山。唐李諱逢辰者。詣闕上書。不報。乃避居婺源。桃溪之源。自源而南流五六里。爲孔村。又南二里。爲寨峯。皆桃溪也。逢辰卜其深處以居。八傳至宋學諭諱度者。復徙孔村。度生泳。泳生紹祖。紹祖生元昇。元昇生

玄保玄保生嵩高。嵩高生再和。即公之曾祖也。再和以弟未嗣。代戍于五開衛而卒。鄉人高其行。再和生濟。濟生貴。遺又名遺安。字景德。剛方秉義。自號龐隱。因以扁堂。蓋取龐德心耕稼遺子孫意也。今贈工部侍郎。配呂氏。贈淑人是公之父母也。然則公所源流者。亦遐哉偉乎。公諱琦。字良玉。配施淑人。生二子。長即鑑。娶澧溪呂氏。累封淑人。次錦。娶芳溪方氏。女一適泉田宋儒許月卿先生之裔孫鑰。孫男五。溫澄俱恩蔭國子生。沂國子生海沛。孫女四。曾孫男二。是宜有銘。銘曰。猗王翁良。素履孔臧。遵訓龐隱。立雪不忘。學既有得。士滿門墻。南峯小隱。經史攸明。凝秀出屋。司空乃揚。忠孝之教。厥訓孔洋。世譜攸輯。架杠棠陽。周窮化盜。比王彥方。鄉人著蔡。南國紀綱。司空方茂。晉位名相。布德宇內。厥聲洋洋。溯源南峯。象山之光。千萬載長。

明兵科給事中北郭先生劉君墓誌銘

君諱琦。字廷珍。別號北郭。陝西延安府洛川縣人也。舉正德甲戌進士。觀戶部政。授行人司行人。嘉靖乙酉擢兵科給事中。時值聖上新政。即陳六事。且嘉納焉。嘗被言。差放冬衣布化。因極言侵漁十一弊。且日詣衙門支放。雖經寒暑。遇風雨。亦不廢。僚長嘗推其勤勵不可及。錦衣衛多權石。乃愈振風采。不有玩慢者。即疏治其罪。騰驥衛悉統力士。

又率內監所養八也。慣以私憤，冒領官銀以取利。君陰識之，
蕪蕪得其情數十輩，俱罪之。是年冬，留述職期，多有假稱緝
紡，詐人財者。君上封事請旨下金吾捕治，併上親賢
臣遠佞臣之疏。他如峻宮墻之禁，嚴宿衛之鋪，一劾而中官
逮罪者四十人，皆人所不敢言者也。一時京邑爲之肅然。嘗
存恤軍士，嚴督五城及諸衛司，勿得匿情。其假充軍妻者，皆
察治之。衛司謂給事真神目也。未幾奉命清軍，條舉三
十事。切中時弊。咸下司馬勘行。凡比試襲廕同事諸大臣，中
官多請囑，以從貨貸。君竟劾治之。雖事干勳戚權貴，亦不顧
也。是時京師大飢，乞丐劫奪，莫之能禦。君請行捨飯開倉之

政，飢民存活殆億萬計。盜賊橫行，尋以屏息。是時諫臺多以
罪遣。君又疏愛惜人才，有少過者得赦，不深及其點視草場
馬匹，然多羸憊，權貴有私耗之也。奏劾既舉，馬至秋卽繁碩
矣。其河南關司都司相通爲奸，以庶易嫡。君發其罪，乃俱罷
官。若乃衛卒病發，悞入宮門，君又極力請救，以從輕典。其旦
夕承弼，不敢專於嚴也。妖人有犯繫晉獄，當事者惕於權勢，
莫任其外。君抗疏陳其顛末，上命山西鞠訊得旨，依擬
發落。然妖人者，又爲權貴救庇。君遂發其隱言，過急切，乃自
是謫戍遼東。潘陽衛美厥後，聖上猶諒給事之心，曰：劉
琦者是嘗進讜言者也。乃因東宮之建，大赦天下，得還

原籍抵家五年。痰疾作而卒。然則君亦不可謂不遇也。君子觀政時。嘗解年例銀之雲中。毫髮必記于官。後又解銀陝西。請大司徒原對印封。至則稱對差謬。及開原封。方伯慚謝其爲行人也。差葬保安王府。卽檄教授。令舉會典定禮及古制數十條。諸宗室遵之。事竣。綵幣諸物。一線不取。人於君進身之始。已歎其後日之忠直也。少從父閏易州經衛。卽好誦書史。不同群兒嬉戲。又知奉甘旨于父母。而自甘粗糲。尋易州遣君就學殷先生。後謂易州曰。賢郎初試。愈念出愈奇。吾不能爲若師矣。明年還家。邑尹嚴君面試。月給石米。特嘉禮重。時東川王公守延安。考績縣學。文在首選。其後鄉有術巫。看輿

昇神曰。金龍天子。道路祈福。君毀其輿。執巫者詣縣尹。田侯田甚重之。尋大妖扇惑鄉人。君又上書田侯云。履霜堅冰。當防其漸。田厭其繁。稍不聽用。後田妻子皆遇害。邑有孤貧馮姓者。君撫畜之。病卒于宦邸。寄柩僧舍。及戍還。仍携櫬歸葬于里。凡鄉有貧死者。必賙殮之。計給棺者四十餘家。是知君童孺書生時。以及患難顯微之際。皆不忘忠孝仁義之道。如此也。始祖諱景先。元末避兵洛川。因家焉。嘗以賢良徵。仕爲河南按察副使。至其祖諱美。生易州公。配孺人廉氏。感異夢寔生君焉。則君之所源流。可不謂遠且厚哉。君配景氏。太學生渾之女。媿德于君者也。子二人。受愛皆廩膳生。受娶屈氏。

愛娶李氏女。二長適廩膳生白雲。次適景載物君。生於成化壬寅七月一日。卒于嘉靖辛丑八月四日。享年六十歲。壬寅年月日葬于城北大石山之陽。先是受具行狀。使愛來謁。銘予以先母之喪未許也。又臥病床褥。固辭愛三至請益。乃次序其狀而銘曰。於穆

聖皇得臣忠良。繫劄諫議。載職有常。有聞必告。有見不恣。辭瑣達貴。甘戎伍行。聖皇憐汝。赦還于鄉。君仁臣直。世際平康。勒銘永世。大石山陽。洛入清渭。並河洋洋。

涇野先生文集卷之二十九



涇野先生文集卷之三十

巡按直隸等處監察御史門人徐紳編刻
巡按直隸等處監察御史門人吳尊編刻

墓碣表

閩鄉薛公墓碣

河南薛章表父立。廬墓三年。禎祥發於草木鳥獸。繭墓之地。方三十里。歲大孰。縣聞

天子旌之。予聞之太學。思見其人。孔棘章持父狀請墓表。表曰。薛氏先世陝西延安人。洪武中國讓始家河南閩鄉。他原里國讓室毛。生仲德。德字崇本。室王。生與。及立。立字建中。未



樂四年八月二十七日生。成化十三年爲縣鄉飲大賓。十八年詔賜耆德官。弘治三年八月二十九日卒。初室栗。先立十六年卒。繼室韓。後立二年卒。栗出七男。一曰正。二曰文。三曰斌。四曰德。五曰章。六曰慶。七曰能。孫男十一。曰秉禮。三曰秉孝。三曰秉信。四曰秉恩。五曰守約。六曰忠。七曰榮。八曰守性。九曰守已。十曰守身。女二人。孫女二人。立剛毅忠信。恭厥兄。兄亡。惠厥孤。浮厥子。家衆六十。惟一爨。襖襦衫履。無私篋。命六子咸藝黍稷。弗服商賈。章敏獨令治儒學。十孫之業。皆率是也。張整者。里人也。當喪服。弗克寔。厚賻整。獲舉郭秀。壯而無室。不能具奠。鴈幣與營六禮。得不鯨。嗟乎。民俗之壞。習

萬世不易之言

職之也。故都不逮。省省不逮。府府不逮。州州若縣。州若縣之市井。居者不逮。野嗟乎。薛立。豈惟野故一者。學也。

儉菴先生沈君配祁氏墓碣

先生姓沈氏。諱裕。字克容。別號儉菴。陝西西安後衛人也。故常州江陰縣人。洪武初。王父恭始從師。尺籍西安後衛。恭生貴。貴室胡氏。寔生先生。先生生而茂敏。十年入里學習。識文義。比壯。貌偉鬚頰。既謀既勇。質直自取。糖房里人咸畏事之。初伯氏祥蚤死。父母亦謝棄去。餘屋一廛。田數畝。先生竭力經紀。不憚厥勤。後有房亘間。有田亘陌。沈自是聞西安也。嘗從師討賊。帥選焉。令手劔。直懦士劍之。乃曰。我無辜不仁。廢

帥令不忠。遇佯視厥武。士得逭誅。亦克挾纊。弘治初。輸粟餉邊。獲有冠服。人曰。沈克容。才貌顯者。大雖不爵祿。固直若此。榮華終身爾也。室祁氏。祁父貴鎮原巨族。既歸。先生力襄厥家。奉祀先舅先姑。必洗腆。有貸者弗能償。祁曰。若積德。後昆計積財。孰賢。先生與折其券。終弗較。有麥盜。先生曰。棘縛之。莫逃。明當覺官。祁潛瞰其狀。曰。是夫也。脫之。今天福吾後足矣。脫之。生三子。孟曰綱。仲曰文禮。天死。季曰源。穎特迥異。應陝西戊午舉人。孫男五。曰璉。曰直。方。綱妻官氏出。曰義。方曰大方。曰德。方。源妻秦氏出。孫女一。曰夢蓮。亦源妻秦氏出。先生生宣德癸丑十二月十七日。卒弘治庚申二月五日。壽六十有八歲。祁生宣德辛亥十二月二十日。卒正德庚午五月十六日。壽八十歲。綱是年月日。合葬于城南新兆樹石焉。解曰。厥初江陰。載德維常。爰戎西安。其究沈沈。儉菴君秉折。我殲厥醜。敢淫割其良。誕我心孔。臧維懿斯行。宜爾後人。昌文禮孺慧。幹蠱維綱。人之云源。乃邊乃璋。厥聲昭明。誰謂天也有良。弗慶如冰。斯寒如炬。斯光展儉。菴君勿亡。其言其石。終南之堂。象于無疆。

誥封一品夫人王母文氏墓表

正德己巳六月十八日。誥封一品夫人王母文氏卒。夫人南京府軍右衛千戶王之妹。光祿大夫柱國太子太保吏部

尚書贈特進光祿大夫左柱國太師諡端毅三原王公之繼配也。端毅公諱恕字宗貫初配蓋夫人蓋夫人卒贈一品夫人繼配張夫人張夫人卒亦贈一品夫人繼配夫人則封一品夫人夫人正統癸亥十二月二十五日距卒之年壽六十有七歲子男七承祚義官承祐以蔭任南京都督府經歷卒蓋夫人出承祿義官承祥舉人任順天府通判承稷義官張夫人出承裕舉癸丑進士累官吏科都給事中端毅公貳室張氏出女二張夫人所出桂英適庠生仇爵夫人所出玉英適南京大理卿贈刑部尚書乾州宋公欽之子進士廷佐孫男十有三人統綬基椿節簡潛濬璟輅輜輦與女九人曾

孫男八人安民友賢安邦安世安國安遠鶴齡松齡女二人夫人之封也。朝廷以給事君移封之請鄭重端毅公之配且佳夫人之賢也故與一品夫人其卒也正德庚午八月十九日葬于端毅公丘之右丘初端毅公以葬之難為壙也遺命已與蓋夫人張夫人同丘異壙而左夫人及給事君母若百歲後則同丘異壙而右故今夫人異丘焉是年月日通判君以墓表請柁謹采戶部尚書長安劉公璣撰誌表之曰嗚呼自古名賢左右天子治國平天下者咸自修身齊家始有不然者皆苟而已。端毅公歷事四朝秉忠不回澤被諸夏聲聞蠻貊天下同以社稷臣仰之而夫人以淑靜之姿儀式端

毅公之德其爲輩之志。鷄鳴之賢固亦可見矣。鸞詒所謂相夫有道。著勳業於銓曹。撫下多恩。播聲稱于宗部者。不其然耶。億萬斯年。于斯瞻斯。

壽官張君墓碣

君諱政。字文宣。姓張氏。高陵廓下里人也。自少務實。不慕侈靡。甫十歲。毋疾。即知親事湯藥。婉亦憂懼。狀如成人。及長。列肆而賈。雖五尺之童。不忍與欺。受賈者歸。較所易物于家。易于他肆者。必折。易于君肆者。必實。不折。故鄉人受賈者。咸曰。城中賈。惟張君平不譎。有所化居。當惟張君歸。惟張君歸。可無看衡量也。脫他肆。當重損。雖城中受賈者。亦曰。中街張君。

賈不欺耳。故君雖失早暮。插肆。懋遷者。亦置其所。携器肆下而去。而又來。故鄰肆。賈多不售。君肆射利。倍他肆。年且老。未嘗入酒肆。充惡鬪訟者。聞訟者過。急閉肆而入。不顧也。正德丙寅。生八十歲。應詔受官服之榮。人曰。他人獲此榮者多矣。免于議者。其張君乎。君曾祖諱克禮。祖諱柄。父諱奇。世篤敦朴。父娶王氏。乃實生君。君生于宣德四年正月二十二日。卒于正德三年八月二十五日。初配邑人壽官惠澤之女。年三十五。先君而卒。乃繼配邑人李均之女。年四十有六。亦先君而卒。子男三。孟曰輔。義官。仲曰弘。俱惠出。季曰弼。李出。女二。長李所育。適邑人田漢。次李所出。適邑人孫璽。孫男。

三鳳翻輔所育。鳳翔弘妻楊氏出鳳翔。弘妻元氏出孫女四。長輔妻王氏出。字前戶部郎中高君選之子。君之葬。輔躬自負土以築厥封。既訖。乃丐予作碣辭。曰。聞諸長老。昔安邑人張公琦。令高陵。正色以率下。賞善而罰惡。頑民懼而遁。善人安于無虞。若君及東街劉君。可時稱二君子焉。二君子者。皆未誦詩書。而能尚德遠。爭秉信不回。流聲方來。不亦賢乎。嗟哉。茲也。予重有感于二君子。

處士秦君配趙氏周氏墓碣銘

君諱雄。字士威。姓秦氏。慶陽府寧州武昌里人也。蚤孤。鞠於祖宿及母王氏。長爲西寧倉吏。吏動遭黜削。君以廉慎。居十

有一年而獨完。弘治九年。冠帶省親。數年。其子吾友鉞得領鄉書。乃置然不復念仕矣。親友有勸之者。乃大笑曰。吾性直且滯。與我老年奔走於州若縣之間。以勞形孰與我徜徉橫嶺珊瑚以自好也。與我跼蹐於卑官。以循利而履害。孰與濁酒山鷄以自適而寡憂也。親友聞而重之。傳之於人。人稱爲處士云。成化末年。歲凶。君大有所積。客有說君懋易以殖貨者。君愀然流涕曰。人皆死。我獨生。古無是理。又安忍論利也。遂出其積以盡拯。戚黨間里之乏者。所活殆百有餘人。善事厥母。飲食必親奉之。雖醉歸。必親母飲食也。而後寢。母病。思野蔬。君夜不避狼虎之山下取之。洎母卒。晝夜哭三月。年且

老言及母。流泣輒如雨。君雖以吏隱身。顧其德當非哲人。儻士邪。初娶趙氏。卒。繼娶周氏。周善理家。勤儉自持。雖一粒一縷。不忍棄地。性尤不喜紛華。吾友旣舉。乃曰。何乃又遭此擾攘之苦耶。人聞而笑之。然其恬靜自逸。人固不得而識矣。君生正統十三年九月二十七日。卒正德七年五月二十四日。年六十有五。周生正統七年八月初八日。卒正德七年七月初六日。年七十有一。子男一。即鉞。周出。女三。適人矣。皆周出孫。男一女。鉞於七年十月二十日。合葬于祖塋之次。云銘曰。官有貴賤。人有富貧。天之降德。亦旣惟均。吁。嗟秦老。旣孝且洵。有行在後。吾友彬彬。亦旣抱德。將為王賓。貴此丘原。千載斯珍。

味道先生劉君墓碣

先生諱璽。字廷玉。別號味道。學者稱為味道先生。其先涇州人。六世祖宣。當元末徙于邠。宣五葉。至養拙翁。名剛。字仕烈。讀書息心。不求聞達。而于參同悟真。浮屠諸經。皆諳其義。先生先生少負志節。游業郡學。材行蚤就。百爾論著。友黨爭稱焉。歲額當且貢。其友親老。遂而與之。厥後反獲鄉舉。士人以為美談。禮闈不第。授河南陝州學正。身率陝士。多所登進。其知名一特者。國子監丞陳雲遠。及趙全諸人也。浙人陳選。提學河南。以道自任。簡先生註小學。註有不合者。輒論辨。

不屈忤陳。因以解印歸。乃日與門人弟子說經談史。敦行朱子家禮。以化導鄉人而不悔也。成化末年大饑。家積米八百石。人曰。糶可射利十倍。先生不應。盡以貸人。活者百計。今尚有感泣者。生宣德甲寅十月二十五日卒。正德辛未十月十六日壽七十有八歲。卒之明年二月二十一日啓其配徐氏壙。人葬焉。其子舉人登請碣。乃為之辭曰。嗚呼。仲尼曰。人莫不飲食也。鮮能知味也。故知斯道之味者寡矣。然則味道先生之歿。不亦可悼也耶。有欲知斯人者。觀斯石。

南陽府教授封翰林院檢討王先生墓碑

先生諱儒。字文宗。西安鄠縣人也。上世河南人。中葉仕吾高

陵。不歸。又為高陵人。曰元亨者。著名焉。迺後三人。曰繼祖。繼容。繼先。元末關中兵起。繼容繼先避兵東。亡。繼祖載妻子浮渭如鄠。韜光終南。天下既定。徙往鄠城北街。其歿也。猶葬于高陵。生子克成。不歸。遂為鄠人云。克誠生敬仁。敬仁生長清公。琰長清公起家歲貢。授大寧知縣。改長清知縣。廉靜直方。有聲于其時。卒于長清。生子高年。公鉉。載德博厚。又通習書史。練達物情。決平里中。里人允懷。

孝祖朝。以高年受有冠帶。卒年八十有一。配李氏。生三子。長先生也。先生隆準奇頰。炯目廣輔。背厚者負。進退容止。踐猷履義。思績先烈。年始十五。遊學山東。受祭氏尚書于布衣蘇

生三年而明習。乃遂訪孔林。上鄒嶧。登泰山。觀海而歸。為鄆
學生。成化辛卯。年蒸三十。舉于陝西。試禮部。不第。曰。斯吾長
清公之遺憾。以屬予小子者也。今若此。果命哉。戊戌。遂以乙
榜領巴縣教諭。至則日夜規誨。達材成德。士駸駸然易習焉。
初。巴關舉人。及其滿也。舉三人。秦蜀道險而惡遠。先生懇奉
父母行。而母難之。乃獨奉高年公往。期亦還。後值誕日。與伏
臘。必望鄆再拜曰。兒苟仕。為父母也。今復棲棲萬里外。父母
恐在涕泗俱下。及甲辰。大饑。人相食。乃使仲弟多載俸糧歸
養父母。餘以及宗族。又移宗族可來者三十人于巴里。人有
來巴者。亦指貲使賈買為食。比去。巴關內亦稔。宗族卒無所
亡。弘治己酉。改祥符教諭。乃上書父母曰。前巴道遠。亞父母
不往。父雖往。又輒還。祥符近。且坦途也。大人宜俱往。不許曰。
不許。兒且休矣。又不許。故先生以巴之教。教祥符者。又七年。
遷南陽府教授。時父母已八十。迎亦不能來。遂投狀提學車
副使。求退。車曰。茲郡教久廢。教授前在祥符。名有師道。宜振
茲。可勿自便。高年公聞之。又峻拒不許。居三年。高年公卒。得
訃。泣曰。兒果背父矣。每痛恨。輒擊面。遂蚤夜行。奔喪。三年。會
長子九思。以史官考績。勅封先生翰林院檢討。階徵仕郎。
所配劉氏。封孺人。厥後母李卒。免喪。遂不仕。日與隱翁逸士
以臬石為娛。正德己巳。九思以檢討九年。纂修

孝宗實錄成。有忤劉瑾。同翰林諸君。出為吏部主事。遷員外郎。郎中瑾下獄。言者謂有罪。謫同知壽州。會天變。言者又劾。乃致仕。是時盜興。九思留滯壽州。先生乃賜之書曰。萋菲之譏。詩人嘆息。流言之興。聖人懼焉。故曰。衆口鑠金。積毀銷骨。夫古之君子。竭忠其主。非有所不盡也。修身慎行。其越人非不多。然往往罹于讒舌者。弭謗莫如自修。天地日月。魏乎煥然。亦求無愧於斯已矣。而又何惑焉。又曰。昔吾之在南陽。播楚一嚴。諸生胥譁。既久而後定。小子其求。九思得書。隕涕曰。夫窮達榮辱。在外者也。志道據德。在我者也。若頗越以憤初志。為父母憂。九思何敢焉。比歸。季子九峯亦得告在侍。先生方喜甚。比正德壬申。事未幾。先生病。明年癸酉。十一月十二日。壽七十有五卒矣。所配劉孺。人生四男。長即九思。丙辰進士。改庶吉士。注翰林檢討。嘗為上經筵講官。次九叙。甲子舉人。九臯。義官。九峯。戊辰進士。授河南道監察御史。孫男子五人。瀛。癸酉舉人。潭。沐。渭。漢。女子八人。長嫁鄠學生楊顯。次嫁蓋屋學生徐永圖。余及曾孫女一人。俱幼。甲戌十一月甲申。葬于鄠北六老菴之原。其辭曰。柩自少習知王先生之德。淵穆淳愷。匪夷所倫。予高陵東南二十里。遺家壘壘。十一相傳。王大使家墓。歲清明。二人步蹤渡渭南來。奠墓而返。途人叩之。乃知為王先生所遣之子弟云。夫高陵墓距先生已

五世違鄆二百里。又越灞產涇渭。仁誠少薄者替矣。先生追念不廢。若此。則于其父母宜爾也。語曰。孝其父母者有子。孝其王父母者有孫。海內爭誦翰林文行。御史才賢。舉人翩翩。承敬以為王先生得於天者之匪常也。抑豈知其誠允篤孝。積諸躬而遺於子孫者哉。嗚呼。三代衰。躬行之教不明。漢初毛萇伏勝之徒。有遺風焉。康太史謂王先生真其儔也。宜哉。不然。巴祥符南陽。殊方異俗。其諸生臨別而殫淚去。久而思。又豈其言語能爾乎。嗚呼。休哉。

武畧將軍南京廣洋衛副千戶劉公墓碑

公姓劉氏。諱蒼。字伯春。饒州安仁人也。先世南陽臬人。宋有

春山先生者。諱子春。官至睦州知府。尚郡主趙氏。生二男子。曰常卿。正卿。開寶八年。常卿為興安監鎮。正卿與俱來。君安仁。遂為安仁人。正卿生國貞。國貞生芳叔。芳叔生通甫。通甫生克明。克明字友直。生泰。泰字俊康。洪武中。帥萬人來歸。高皇帝授萬戶侯。改山西朔州衛正千戶。生子孟庸。孟雅。俊康卒。孟庸嗣其官。未幾以罪失之。其子甫復奮起武功。官至南京鷹揚衛後所副千戶。甫字子綬。有勇畧。然無子也。於是孟雅生子仲翔。輔翼。及豐。補翼之官。稱鷹揚君。云。鷹揚君娶安仁孫氏。生公。未久而鷹揚君卒。故公九歲來自安仁。嗣其官。然輒端重英敏。超越行輩。十五歲。選入武學。學焉。即身自刻。

勵不煩督獎。每赴演武教場。夜四鼓起。讀將鑑一篇。場中鼓嚴。乃進食。食且惡。必盡三四器。乃上馬去。返越午矣。不食于市。家人詰之。則對曰。一人之市食。一家之日食也。身通小學。四書史畧七書。將鑑諸籍。又能為宋趙孟頫書。吳英者。指揮也。廉直不苟取。瞰公其同志也。學且優焉。有疑義。輒叩門以請。遂為莫逆交。及公之子麟。舉進士矣。謁英。英呼之曰姪。勿學他貪墨者。以隕爾父之志。否。雖官至卿相。英不願見也。初公雅好儒學。而職事不遂。謂麟曰。夫讀書可以建功業。齊斯民。吾已已矣。小子其敬之。於是有趙經先生者。亦千戶也。明經而習舉子業。然遵禮尚志。旬月之間。不越戶閭。篋中藏二青布袍。必祭先壽親訪賢也。沐浴而後著之。卒事猶藏焉。公以為賢。遣麟師事。然無以贖也。每獲折俸布帛。以布白衣。以帛贖先生。先生以麟貧不受。公曰。不贖。無以遣吾子也。必贖之。指揮龔海。其貧自守。行年七十。好學。謝政閉門。旁開小戶。自搗藥以賣。其價不二。然好誦孟子。或從趙先生講焉。趙先生後進也。輒正講席。而後旁聽之。戚黨有為卿相者。還龔將改服以問。聞其載寶而還也。遂絕跡不往。或怪云。此其門其少龔海者之足哉。海死而子勳守學不改。人以為海未死也。夫龔氏父子。其介若是不可犯也。獨于公終始敬重不衰焉。公嘗及僚案伐冰。入凌室。一士凍餒。跌仆冰地。群士載米

爭馳蹂躪其上幾死矣。公力闢群士解紳挽出。士得不死。當是時也。趙端者覘之。心重其行。遂納交焉。趙端者趙經先生之父也。年且七十。又尊行也。而又敦廉尚義。不妄與人者也。遂呼公為兄弟云。一日携公至其家。命人具饌以食。公家無具。移時而不至。公退。端責其子經曰。劉伯春。予老所畏服者也。非他家比。今乃不能令我完一鷄黍約耶。取大杖杖經。且令出其妻。時麟方學于經。奔告公。公趨至。趙氏曰。朋友與宗室孰重。假令經出其妻。再娶弗賢。今爾此孫不立。若何。趙怒。方霽。乃令再具饌。歡宴而罷。嘗有納戶。起解千金。取回關單。誤遺道路。公曉行獲焉。日候其處三日矣。一人頓足撫胸。叫

號而來曰。天乎。何殺予之酷乎。公趨而問之。人告之。故公出單與之。其人頓首曰。公德生我矣。酌以數金。咲而不受。公自少嚴正自持。非其人。不交。常自悼職事之污。當其志。謂可樹立大勳。以自振也。遂亦以是訓麟。故賓客來謁公者。非其人。麟不出見。後公年過五十。而麟守訓益堅。公又懼麟之絕物也。命改之。而麟已不能矣。然麟既舉進士。而公獨未請老。乃遂與職事。安或議公是前而非後。然考其學力所至。當非其孰邪。初成國。莊簡公知公懿德。選寘幕下。居十餘年。忠敬彌篤。莊簡公滋賢之。遇以殊禮。奏調廣洋衛右所軍政。莊簡公亮成國公繼之。恩禮益加焉。年六十。誥封武畧將軍。又數年

乃老。正德辛未年八月十日卒。距生正統甲子年二月十三日壽六十有八歲。初娶胡氏，早卒。繼娶蔣氏，卒。又繼娶曳氏，胡無子。蔣生男子一人，麟。麟娶南康大長公主曾孫女胡，繼娶陝西參政王微之女某，舉弘治壬子鄉試。丙辰進士。歷刑部主事、員外郎、郎中。出知紹興府。劉瑾用事時，罷去紹興。紹興人立去思碑。瑾誅，詔起知西安府。吏靜民懷。未幾奔公喪，解任。服闋，再陞陝西參政。云女三人：長蘭莖，歸南京後留守衛指揮楊泰次；蘭清，歸南京國子助教孫某之子遷次；蘭幽，歸福建按察司僉事彭城之子克思。曳生男子一人，曰鳳。女子二人：蘭香、蘭靜。孫男子二人，曰通儒、聘長。與吳琬之孫

女愛玉。曰開儒。孫女子一人，曰華潛，字戶科，都給事中。周金之子。詩辭曰：嗟乎孔氏之學，不明久矣。世儒博物麗辭，為之雖力，干祿則邇，求道則遠。則古之所謂異端者，今豈獨楊墨佛老哉！悲夫！然而天命在人，未嘗絕也。故夫齊民武士於儒者，甚眇焉。然就其氣質所至，又有合于道者。今觀劉廣洋公及其諸友，使受教孔門，安謂其不能升堂也。惜矣乎！然則學者欲自愛者，其知所先乎。

王純菴墓碣

君講瑾，字文德，別號純菴。隋文中子王仲淹之後。徐溝令處仁之玄孫也。處仁生子俊，俊生克寬，克寬生大儒。大儒娶楊

氏謚實生君。正統初，有為處仁墓表。及子俊，妻節婦呂氏，與其孝孫王鳳，諸碑者，皆言王氏文中子後，初居龍門，派遷襄陵，及蒲州，至徐溝，君始遷，聖惠鎮，為今河東運司人。故今文中子後，蓋世傳云：君受性聰懿，敦毅剛果，諸嬉戲，淫蕩不入於心。家步初艱，竭材振起，厥既壯，長富，聞河東遭例，輸貲拜義民官。三兄素居，遇其不給，罔惜百金，後值母卒，鄭重喪儀，不待兄長，戚鄰窮乏，亦屢貲贊，鄉人橫逆，雖在宗族，喻使不報。至其治家，威如閨門，斬斬身生二子，咸俾業儒，思續前烈，乃選地結廬，躬宿名士，為二子師，復携入京師，受詩黃郎，又嘗植諸花卉于軒下，顧二子曰：古人比忠于葵，比節于竹，吾以此為若友也。從兄璽，誨諸子曰：理家之勤，宅心之夷，居兄弟之義，當式是爾。文德四叔，其諸子亦言：諸人人皆信之，故聞喜李進士，謂君德無愧于號云。然則文中子之澤，亦已遠矣。君配侯氏，生男子二人，世臣監生，世相學生，世臣娶馬氏，死，又娶朱知縣女，世相娶曹太守孫女，君生正統己巳二月二日，卒正德乙亥二月二十七日，年六十有七歲。十一月三日，葬運司城南七里先塋之次，辭曰：孔孟既沒，見道罕聞，汲黯持節，董公振文，黃生負器，孔明殊勲，旁求其他，匪類則瑕，繫文中子，顏卜之科，漢魏隋唐，諸儒儔過，有懷瀛瀛，斯行其里，方見羨牆，爰銘孫子，孫子純菴，有產淑嗣，誨之六經，實

欽爾似爾道克行惟純菴君閱之有墮今其昌焉勗矣瞻哉
百爾王孫。

王恭人輩氏墓碣

恭人姓輩氏蓋屋縣人元民部左右司郎中士傑之玄孫處
士蕭之女明襄陽知府中憲大夫真齋先生璽之配也恭人
受性玄潔載德真慈年蒸十五酒將水菹醢機杼箴刀咸造其
極鄰無處女諸姊群妹具受學焉父母鍾愛浮于有男諸富
納采咸閉其鴈時中憲公貧而穎異被選妻仍與館穀俾籍
邑庠恭人滋式滋戒茂有矯易中憲生而剛烈乃矯以柔順
因使回鑿事其姑何恭人承順勞瘁居之不倦凡何所愛陰

當其意何且瀕沒謂季子曰珍有若嫂吾何復憾妯娌之居
怡如兄弟中憲公赴家鄉舉歷學官知縣擢拜御史乃獲封
孺人既為永平襄陽知府乃進封恭人其子圭峯先生為通
政乃又封太恭人云生永樂十九年正月十四日卒正德八
年三月十三日壽九十有三歲生男子三人孟曰伊太學生
不仕娶高氏仲即圭峯先生舉成化乙未進士官至四川右
叅政娶趙氏封恭人季曰仍新安縣丞娶李氏趙氏郭氏女
四人長適通判縣人李瓚次適左叅議隴州閻价又次適秦
邸鎮國將軍又次適推官咸寧趙邦憲太學之子曰九成府
學生曰九功叅政之子曰元愷兵科給事中曰元正翰林院

庶吉士曰元亨。丁卯舉人。縣丞之子曰九官。縣學生。其次曰九睦。九經。九遷。九賓。皆舉進士。又其次曰九澤。九法。九同。孫女五人。曾孫男女各九人。正德十一年十月十七日合葬于中憲公墓矣。辭曰。柝作王恭人碑。其外孫給事中閻欽云。太恭人行年九十餘。不信浮屠事。訓家惟以古令孝子順孫暨義夫節婦。有言及作佛事者。輒斥曰。佛惡在。嗟乎。佛之愚人。雖儒生丈夫。泥焉。恭人若此。當非其哲靈耶。然則所謂賢能孝從者。豈偶爾哉。初予每異王氏之盛。皆登巍科。躋華要。彬彬然知名海內。以為天數乃爾。豈知恭人造之者。若此。其厚耶。語有之。本深末茂。源大流長。果哉。世有修德者。無徵作善。不慶者。觀此可改矣。

兵部左侍郎槐堂先生胡公配淑人陳氏墓表

兵部姓胡氏諱璉。字重器。陝西寧夏人也。其先溧陽人。洪武末。曾祖通甫。坐醫譴。闔門下獄。厥子士真。屢上誣狀于朝。減戍寧夏。士真生雄。配酒氏。實出先生。越有異表。穎敏。浮人弱籍。夏學。師受蔡沈尚書。兼通他傳。群史尤閑。國典叩之如目擊。耳聞。貧而悅親。日薦甘旨。客遇珍羞。懷以歸。養父病。痰瘴夙夜。旁求救理。遂獲終遇。叔杲與父嘗不睦。一日召公食。食有異品。涕泣而弗茹。叔責其故。對曰。璉父未嘗實難入口。杲始歸。僕厥兄頓釋。閱牆父母續謝。哀毀幾絕。雖嬰疢。不御。


好食。及至葬。力稱古禮。屏去浮屠道場。式是夏人。暑時嘗騎
驢祭墓。叔杲擒下。擊以鐵鐙。幾斃。後杲坐罪。公雖諸生。屢策
脫解。及杲死于山後。慟哭逆襯以歸。敘穴于祖塋。妻父母老
而且獨。生事死葬。有若厥舅。姊氏傳疫及姊妹。且革身侍之。
弗去。卒葬而後返。竟亦無恙。鄰士陳銘從征。其妻死。孤日夜
號。不能葬。乃資之棺。斂具陳啣德。至今如昔。年至不惑。行修
言道。術業具考。聲聞於闕內。提學諸公。深加器重。七試鄉闈。
不獲列第。提學馬公至夏。強之先貢。今試京闈。期擬吳寬狀
元云。公稱疾不出。懼厭前士。雖被拘繫。猶終遜心。厥後前士
具獲歷貢。而先生竟以生員受封主事。



勅贈承德郎戶部江西清吏司主事渭南南先生墓

碑

學者敦道誼。閑詩書。窮年歲以有積也。然或位卑而寡施。榮薄而行隱。則君子未嘗不人尤焉。比其父也。天行而命顯。嗇其前。豐其後。彰其孫子。逮其躬。則學者於是乎始信當自艾而不可怨天矣。渭南南先生楚重者。今戶部主事元善大吉之父也。予自為童子。于學時聞其名。其後竟未謁。比元善以戶部遭先生之喪。乃始知其止微元善而先生之名幾不著於天下。吾友李仲白素不私譽人。狀先生豐頤厚體。鯁直寡笑語。頗有論語犯而不校之風。然事父母。雖為學生。兼執。忝



稷以供養。比其歿也。殯葬一無違禮。初受句讀於從兄。輒解大義。既乃從從兄。鎰受朱氏詩於同官李教諭。李教諭以為知比興之旨矣。既乃受小戴禮記於從父河南叅政某。叅政公曰。此吾南氏者。亢宗子也。即不大顯。當有聞於後。然厥後止以歲貢入大學。廷試獲授新野訓導。新野九年。能治強悍弟子。兼有成績。陞資縣教諭。是時元善已舉進士。而先生遂致仕。不至資。今已受贈如元善官。即使先生身有甲科。榮亦不過是。則天於善人。又曷嘗忘耶。况元善博學篤志。寡言修行。所為詩賦。駸駸乎漢魏之風。而元善又不以此自己。則先生之聲。又何啻止此。贈官哉。嗚呼。先生為不歿矣。先生名

金字楚重。其先中條山人。後遷閩西蒲城。元季高祖安義。再遷於渭南田市里之秦村。安義生儼。儼生言。言生珪。珪配縵氏。實生先生。先生配焦氏。爰有義行。所生二子。元善。已鳴於世矣。仲氏逢吉。復究諸經。女氏貞靜。字為王鸞。孀。元善娶張氏。逢吉聘李氏。有二女孫。皆元善生。缺

銘曰。於惟贈君。先生秦村西南。豐草原。峯嶽勢與華山平。先生之聲。渭水清。有欲求者。視此銘。

昭勇將軍靖虜衛百戶魏君墓碣

朝廷以官爵。應天下英銳之士。故士之有材。行督力者。皆思自奮。以效用于時。不肯與草木齊朽。故雖父死于前。子繼于

後而不悔也。魏百戶益陝西三原留官里人。起家甚微。當洪武中。祖興兒。聚集四川成都府軍。後調南京龍虎左衛。正統初。乃調靖虜衛左所。祖亡。父載填伍。編總甲。成化中年。妖賊蒲四亂。乃隨劉參將往征之。奮勇當先。遂死于陣。百戶補其伍。念父之陣亡也。遂日夜不甘寢食。乃時閑騎射。滋務勇畧。于是或敗胡于雪山。或破羗于立林足。繼而獲級于大浪口。陞總旗。繼而獲級于小盩池火山諸地。乃陞百戶。正德四年。胡已入套。簡隨葛指揮。赴榆林定邊營。以追胡。是時胡衆而我師遠救不敵。胡射君中三矢。歸而亡。則君者。豈徒為朝廷官爵之故而隕其身哉。其志可悲矣。君歿之後。長子榮

畏強禦。有兄弟相訟。喻以天顯。使其退思。兄弟悔謝。改過自新。平民十數。被誣盜籍。為其謀者。舉賂削免。先生聞之。曰。如此之利。後必不昌。至解其誣。他如禱歲旱。以佑農。開青石以通商。新廟學以作士。心孚事先。民罔或違。政方向榮。志其恬退。乃遂致仕西歸。居六年而疾作不起。為正德十四年十二月二十三日。壽六十有五歲也。配趙氏。有淑德。子男五人。長弘仁。丁卯舉人。娶郭氏。次弘禮。秦府典膳。娶劉氏。次弘智。義官。娶劉氏。繼趙氏。次弘信。癸酉舉人。娶王氏。次弘道。引禮舍人。娶趙氏。女子二人。長適省祭官趙寵。次字張珍。孫男子九人。汝輔。娶朱氏。汝湘。聘杜氏。汝佐。汝承。汝翼。汝受。汝鄰。汝

臣汝膺孫女五弘仁等擇正德十五年十一月六日葬先生于令公庄之新兆辭曰於惟敬齋有嚴厥奏弗紛爾寵惟禮是府振鐸蒲臺絃誦歌舞洪洞蒸蒸安邑凝凝士罔不效民罔弗聽鳴義或令孤弱有與顯允林泉多士貳旃大賓鄉飲豈不令全嗚呼出為師牧隱為壽考既光爾前猶開爾後舉人僊僊其來孔再爾德不覺曷云其無四方員員于瞻于睹

懷遠將軍指揮使平林陳公配淑人費氏墓表

公諱銘字德新別號平林其先昌平順義縣人以世爵遂為西安人初公始祖得元生五公五公生勝元末避兵依舒城

襲其職是時權官用事而天下諸司皆剝民以奉之遂使流賊僭號橫行遍天下七年榮被

欽調隨總兵仇公征山東河南湖廣江西南京流賊過揚子江至於狼山得八級生擒一賊遂陞千戶矣然則百戶之志不亦滋有光哉可無憾於九原矣百戶構祖母之外家姪也故予得聞其詳而著之石且為之銘曰天下無事文臣貴天下多事武臣良嗚呼有天下者將使文臣貴乎抑使武臣良乎今觀魏百戶家之列於百戶又何憾焉所苦於天下者何至斯耶

安邑知縣敬齋魏先生墓碑

魏先生諱瓚字廷獻涇陽在郭里人也予始籍學生即瞻其
文行邇年入京師取道山西安邑之政厥聲載路先生歿且
葬予乃拾所聞并據其友陳君良狀次列於碑先生世籍涇
陽曾祖永中讀書未仕厥祖文昭不隕先聲父氏諱祥克延
世求滋植行義夙重鄉評粵配線氏實生先生穎異出眾少
則知學治朱氏詩庠中群詩靡不推先既舉弘治己酉鄉試
益諒玄節不涉縣衙篤念母老得就蒲臺學諭側身詳說寒
暑無厭士習更新屢有科名都憲徐公奏書旌舉會以憂去
學禮廉揚服闋改洪洞學諭益恢前規嘉績尤多撫按交辟
遂擢令安邑先生曰農業不課訓誨不申久矣乃式是先勞不

即御史連舉庚辰進士孺人生天順甲申十二月二十六日
卒正德戊辰四月二十日壽若干歲已葬于卒邑藍田之原
矣至是林先生作蛺秋石室於歸義里柘岐山將改葬孺人
焉而御史奏

天子命清戎山東例得還家將焚菑墓下悼痛榮養不逮乃
欲載碑以歸曰此可以悅人心乎嗚呼御史痛矣遂為之辭
曰族匪而築美難世濟譬彼榮木豈不猶抵鮑妻提甕歎母
績房我觀振古家起女良搏叟成隱御史亶仕匪貞匪慈胡
然如此維天克明維地克平日月運行不離厥經山深木荒
葉芊鳥嘒爾德不那福履胡備江出岷山其源如綸群流附

引東抵海門。吁嗟林俊，號遺圭母。克敏克榮，實相樗父。行道式瞻，閩女中賢。予範于模，室家千年。

獨復管君墓碑

君諱珣，字德潤，姓管氏。齋號獨復。陝西寧夏人。兵科給事中，律之父也。故吳嘉定人。始祖應龍，當宋理宗時，身通星官學。仕至制屬佐。史高之伐金，克復襄陽。肥遯中野，臨安趙葵嘗表其功於朝。生子仲平，仲平生希賢，希賢當元時，學耽性命，仕為四明尉。生子皞，字玄伯，與楊廉夫為忘年友，同學於錢崖山中。後復隱居於鳳凰山，著三國將畧三十卷。古樂府四卷。國朝翰林學士詹同薦於朝，徵授祁州知府，有德政聲。

一月十五日，年五十有七，所生光祖當致政時，已替職。然雅素從容，不獨有此武也。公側室三人，高生清及源，周生濟，張生一女，嫁為前衛劉千戶子大用妻。光祖娶徐義官鎮女，封淑人。

太平居士魏公暨配張氏線氏墓碣

予筮仕來西周，歷虞號韓魏梁晉，至於金臺，遍接徐兗吳越楚蜀閩甌之士，聞有崇義履信，朴厚木質之士，必壽富有子孫，數世昌不衰。蓋其所聚者深，故其流者遠也。太平居士溼陽魏公者，其一乎。公讀書稍涉大義，即罷棄去。至其甘旨父母，墳笮兄弟，義方諸子，經生學士，多亦不逮。族人不能婚與。

之鴈不能葬與之木里人遭荒不能食與之菽粟曲直盤錯不能辨與之平家有猫病足不能求食其猫子咿咿然啣食與之哺戚黨鄉人見之者咸曰魏公有孝猫寧不有孝乎乎嗚呼即古董召南抑何敢下視公哉於是縣大夫聞之宿為鄉飲大賓云公諱祥字世瑞別號太平居士可以觀其心矣上世故涇陽人曾王父右賢王父永中父監母李氏生公兄弟三人謂禎與種者其弟也公生宣德壬寅十二月二十三日卒弘治癸丑八月十二日壽七十有三歲配張氏有婦行先公四十五年卒繼配線氏高朗柔嘉式是三族後公十三年卒子男五玆娶張氏琰娶劉氏璘娶熊氏皆早卒女一適

趙鏞俱張出墳治朱氏詩舉于鄉教諭蒲臺知縣安邑卓有名績語在魏氏家乘娶趙氏璉娶張氏亦早卒俱線出孫男六弘義琰之子早卒弘仁丁卯年舉人娶郭氏弘禮秦府典膳娶劉氏弘智義官娶劉氏繼趙氏弘信癸酉舉人娶王氏弘道引禮舍人娶趙氏孫女二長適省祭官趙寬次字璠珍皆瓚子曾孫男子九人汝輔汝相汝佐汝承汝翼汝受汝鄰汝臣汝膺安邑君暨遭喪時已合葬公媼於公在酉矣至是安邑令君卒穴弘仁兄弟為公建碣請銘辭曰於維郭士在涇之滸秉義不回鄉平百口厥遺孔碩魏科接武蒲臺有教安邑有政士談民言咸公之頌復有蘭孫桂坊交映爾德

不祇胡然此應行道瞻言願視其影

處士周君墓碣

曩予童稚時數聞周鳳儀兄弟之賢且秀也鳳儀兄弟善鐵筆每鐫字能隨人體格雖母字不嘉亦能與增色焉使可傳也於是諸鄉大夫士率求識鳳儀兄弟而山西王虎谷先生提學關中時尤器重鳳儀虎谷先生號無私乃焉獨拔鳳儀子易為生員鳳儀兄弟可由知也此予理先君墓石間叩鳳儀惡乎長鳳儀乃具道其父處士君初不知學若聞人古今善事輒能識不忘他日縣尹張侯脩學立石已墨蠟遍國中無鐫者有劉知府者時方為秀才請召處士議鐫處士方鐫

數字衆皆稱善以為雖古顏魯家鐫客亦不過是也當時處士倦眠大成殿夏夢一紳衣幅巾是老人投所曳杖於已左脇曰茂昔受學乎既覺左脇猶痛乃占諸張掌教張曰異哉此昔老聖人歟處士即焚香禱謝後有所聞見輒易知乃遂以鐵筆雄關中鳳儀兄弟則由是有今日也因請予表諸墓於是涇陽文學謝賢因狀曰成化甲辰大饑人十六死處士常以物易粟於鄰邦負載而歸以拯兄弟妻孥有諸姪他出者則視其田廬而護守之比三二年返皆依然無恙於戲處士豈獨鐫字者哉高祖諱文卿曾祖諱七十祖諱三考諱貴世以耕讀為業處士諱茂字本深配賈氏善治家勤紡績生

子三人鳳儀鳳翔鳳岐皆善鐵筆陳氏孫氏趙氏其婦也女三人孫男二長易儒學生次書孫女也處士生於宣德四年卒於弘治十二年二月二十一日壽七十有五賈生於宣德五年十二月十一日卒於正德十四年二月二十日壽九十有一年月日合葬於先營之次銘曰不學而文不政而才非其生質之美將祖德之所積來耶

徐孺人李氏墓表

徐孺人者吏部觀政進士元祉之母建水州知州致仕八十公道克之配也孺人秦州望族厥考李翁暨妣楊氏夙著懿德克植內範孺人受性哲粹而又少習姆訓飾躬以貞既歸

建水滋茂閨行州人不識紡績仰給他路孺人恥焉曰葛覃非婦人乎比建水教諭羅江則善締改諭伊陽則善布遂率諸婦群女而秦俗亦漸變焉故建水學不慮服食仕不慮賓客時祭其先不慮俎豆皆孺人也建水同兩兄有屋二楹比仕而還兩兄弟已鬻人矣則贖之以共居比三鬻建水不欲復贖孺人輒贊贖之以與兩兄弟定立質劑不使鬻謂建水曰是豈非吾家物乎當建水在先時兩兄家子女有怨曠者孺人皆與給繒具鴈幣使無愆期曰吾李氏諸姪徐夫子且或顧之徐夫子諸姪吾不能顧人其謂我何生有三子年且強壯法不得食於私房私房有痛責其視三子績學晨昏有

限至限不聞書聲必呼窓外三子者聞其呼若未寢必至限若已寢則必興蓋自其相建水者又以教三子也故建水舉成化丁酉鄉舉歷羅江伊陽教諭晉府長史建水知州皆有賢能績而元祉獲登正德辛巳楊維聰榜進士其方來未艾也孺人生景泰元年月日卒正德辛巳七月二十九日享年六十有九即七十也三子元吉韓府典膳娶李氏繼馬氏次即元祉娶馬氏又次元道國子監生娶陳氏女一嫁士人姚玉孫男七曰乾曰坤曰蒙曰泰晉表晉重孫女三卜嘉靖元年月日葬州北鳳凰山麓初元祉既第以建水且八十孺人且七十志在依親章四上皆不行此得

孺人訃遂痛甚奔喪高陵曰所可酌母氏者惟太史與一墓石耳乃哀其心敘其所自言銘曰繫徐孺人女也顛顛貞不失慈順而知勞夫似卓魯子希夔臯機杼爾始散黼爾纁鮑妻竝匹歎母駢曹社友管律蒙婿於教並頌玄德誌彭少保鳳凰山麓松楸如膏泉臺指日天其崇褒爾竈孔云孔固孔高

唐魏鄭公之遠孫魏成墓碣

予同學平陽經歷魏珙數為予言珙家在高陵者真唐魏鄭公之後鄭公自唐以來有家譜有遺琴至今進士遠孫綸猶藏之厥後子孫為訟被延安守取譜琴去綸後不知幾世生

堯啓教諭高陵。相傳縣西南强家原魏氏冢。乃其所起云。子孫遂為高陵人。若明教諭生子紹凱。登解陝西。歷官涇陽教諭。商州學正。奉元路教授。至慶陽知府。生六子。其第三子舉進士。任翰林院編修。孫九。思明。以鄉舉任浙江道御史。思啓。陝西提學。思羽。生仲衡。衡生希智。以鄉舉任鄜州知州。希智生秀五。曾祖也。曾祖生三子。諱慎者為吾祖。其諱芳者生椿。椿生成。今應祖。軍於靖虜。衛云。按唐史列傳。鄭公。涿人。今平陽云。高陵人者。此豈鄭公陪葬昭陵。子孫遂不返涿乎。故今縣又有鄭公祠廟焉。今年成之子儒。自衛回縣。予子適有疾。速儒來治。儒所言家世。正符平陽不爽。遂道其父。勇畧度人。

嘗挺身解鎖黃川之圍。肩臂受賊鋒。又退賊小塩池。獲賞銀牌。大學士遂菴先生楊公。在邊時亦選用焉。所配梁氏早卒。繼配王氏。君沒時年未滿三十。遂守節不改志。撫儒以有立。嗚呼。邊塞行伍之間。乃有此夫婦耶。則其為鄭公賢者之後也。必矣。成歿於弘治十五年。六月十四。絕二十六歲。王歿於正德十五年。五月十四日。年五十一。儒自靖虜來。索墓上石。三四跪弗起。又重之以諸庠生之請。雖微此。則賢者之後。予豈忍辭哉。銘曰。鄭公言行。唐世獨直。後昆綿綿。千載不失。有成者軍。猶思祖德。房杜子孫。乞丐豈實。雖一二世。終顯其極。

承德郎保寧府通判熊公暨配朱安人墓碣

公諱傑字貴顯號守齋姓熊氏江西高安斜橋人曾祖仕與生義官孟聞孟聞生義民瑛娶胡氏誕實坐公年少聰悟通習道義痛母早卒言輒懸泣移日不食事繼母聞鄉黨稱孝焉以歲貢久次通判保寧鋤強拯弱壹志慈民敦獎髦士仕儀出焉劍豪母文信哀黨焚商竊據其有累勦官不結上官移公公積誠研思夢入於神宇焦頭爛額羅候塔下有神朱衣指謂公曰若等懷冤候公久矣翌日公乃齋沐躬詣城隍儼如夢寐暨夕秉燭閱成牘屋上墮袂金寶數升具有姓名交速劍守論誅文信并逮其黨四十有二人止律減徒厥半

繫於郵舍其夕火作死無遺種蜀人稱神焉乙巳之歲西番寇松茂運道阻絕參議臥病不出撫巡孫公檄公禦之公策令保戍前為探緝以時送逆選官巡哨分地責餉伏壯士鐵鎖橋佯令弱運寇方劫運伏發舉滅巡撫具績薦宜兵備欽賜楮幣以賞之年五十有三足痿謝政徜徉詩酒不涉城府兩遭剽掠室如懸磬不為愠色身重詩禮訓此諸子所配安人朱氏比德不愧和洽辛張上師小星睦族重義實替有熊公生宣德癸丑閏八月十三日卒弘治戊午十月五日年六十有六歲安人生宣德壬子七月十二日卒弘治辛酉閏七月十日年七十歲合葬縣三十四都港口鮎魚山安人生

子男三材朴相相戊辰進士為監察御史女一孫男十炳焯
 標炳焯熒煌燔爍燦曾孫男五克圻克壝克堦堯域辭曰戊
 辰三月知我御史為公作碣乃究其始惟公烈烈既戎既哲
 凡厥御史惟公之發揀宇廟廊布昭爾芳鮎魚山高自此孔
 明九泉之下胡不康處英英安人其風竝好

舉人趙君墓碣

初余及趙君惟德生員讀書長安有友五六人焉皆數郡之
 傑也言長者無弗歸惟德既而及惟德舉於陝西同年六十
 有五人焉皆關中之傑也言長者又無弗歸惟德既而及惟
 德業於太學有友八九人焉皆四方之傑也言長者又無弗
 歸惟德又博學能文章取進士科固其所也如得其位以長
 者之德用之豈非斯民之福哉豈期正德三年別予於京邸
 未幾捐館於十一月二十日距生成化十一年正月二十日
 纔三十有五歲嗚呼痛哉天之殲我良友也惟德孝友之行
 和厚之德忠信之心父母鄉黨咸重之宜吾朋友信之若是
 也乃今已矣嗚呼痛哉惟德姓趙氏諱永寧字惟德世為寧
 州官河里人祖諱志榮隱德不耀父璣任四川銅梁縣史配
 李氏生惟德兄弟三人惟德其長其次義官永安其次永守
 也惟德娶郭氏生子男二長養敬州學弟子初從予學於京
 師蓋幹蠱之子也娶邵氏繼娶吉氏次養心聘李氏女一正

德四年春三月二十四日既葬於州龍川祖塋之次矣。養敬
三次索碣乃為之辭曰。於維君子。實維我良。厥志伊遠。厥德
伊龐。盍簪之論。長者是望。假其登矣。棟此廟廊。命之不究。三
十五亡。有覺其嗣。嗣爾之光。君子勿瞑。百世于芳。

明贈孺人林母李氏墓碑

孺人李氏者。閩一樗散人。林先生世贈之配。監察御史錢之
母也。林先生名塗。二兄壻璧。咸登甲科。位躋方伯。林先生鄉
舉成化丙午。以父母既封。伯氏皆貴。乃同季兄址。隱居養親。
矢絕榮利。故一樗散人。蓋自道也。孺人淑慧均淵。學益姆氏。
既歸林先生。克從其高。滋懋婦雅。日非嬰疾。必於鷄鳴而興。

敏茲宮事。曾祖姑方氏。祖姑宋氏。姑宜人葉氏。三世授受。閨
範不忒。是式閩女。孺人思續厥懿。務昭其家。林先生負氣抗
直。嫉惡浮仇。孺人淹淹陰解。喪羊于易。遭舅梅竹翁。及葉宜
人喪。禮相助奠。克殫心力。林先生嘗曰。使塗庶無罪悔於先
人者。李氏也。二姒既從宦居。葉宜人命顛柄政。家衆千指。居
罔不悅。考農課。儒門無惰食。若有名賓嘉客。必躬自洗腆。以
為林先生歡。暇語諸子曰。富不與仁遊。貴不與賢交。雖錦衣
玉食。由君子視之。犬豕耳。故諸子有過。輒笞於中庭。曰。爾輩
不見鼠璞乎。其化為珪玕者。皆玉人推琢之教也。尤虔恭先
祀。粢盛醴醑。牲羞籩豆。罔弗躬業。他日有貸客納券。蓋林先

生之故知也。孺人曰：妾聞德在拯舊，富在恤貧。夫子少稱秉義，今乃背之何居？林先生為之愧悔，棄券至其周子族貧，不吝金穀，無產者貸，不婚者鴈，困于葬者木，其先事啓處，真爾匍救之也。家有酒傭，病乞歸里，舟至中江而斃，舟人返載入家。時林先生方游藝京燕，孺人召視其妻子，厚與殯殮，猶優恤數月，過贈而返之，則於其親戚，可由知也。予素不識御史，山居時，及今年如京，每閱邸報，見有御史疏，多公忠剴切，心思見其人，乃今獲撰孺人之碑，則御史者，豈偶然，然而林先生之狀，果非黨於其室也。孺人諱璵，字德圭，蘇州知府福唐侗菴公廷美配。曾宜人者，其父母也。孺人生有男子五人，長

孔氏者，湯元帥部士也。孔沒，遂應孔氏役，修軀備貌，既勇既畧。

高皇帝師至河北，獨往歸之，屢戰屢捷，獲授千戶，復破東阿，東平汶上，明年戰于齊眉山，同子賢死之，贈明威將軍，指揮僉事，生斌，隸蘇州衛，指揮同知，改隸西安前衛，有能聲，陞都司都指揮，都指揮生公襲，如西安職云。公賦性英果，而武畧過人，弧矢稱豪，常與諸將較藝，群注獨贏，出守靈州，部士與憤數年，胡不敢即境，當王親遷衛真定，被知秦惠王疏，得隸右護衛，尋陞指揮使，惠王薨，簡王立，滋獲敬重，李御史伯起按秦甚法，諸府衛無完官，獨

稱公才。令訊疑獄。即解。令襲賊山谷。玉石克辨。至每歲催科。拙放陽城。而課最諸衛。猶漢倪寬。諸撫鎮有缺。欲薦之朝。王固止之。及公致政。衛人泣留。王亦不忍舍去。乃命有司。歲給廩役。禮遇終身。初公效忠厥考。身遷葬祖母於長安。痛母高氏早歿。遇已生日。齋素杜門。享年八十而卒。實正德辛巳四月二十六日也。其生則正統壬戌三月一日。所配淑人費氏。都指揮使孫女。義官銳配胡氏者。其父母也。淑人柔德貞靜。頗閑內則。既歸于公。公數成寓。淑人身董家政。咸底于休。叔鏞叔鐸。叔河叔越。及諸妯娌。處無間言。至其教子。有丈夫義方之風。乃弘治庚申二月三日而卒。距生正統甲子十

生子九成。九成生鏜。則君之曾祖。以詩見知。慶靖王奉藩慶邸。編籍甲軍。管氏所自為寧夏人者也。鏜生嬰。字光繼。配楊氏。誕實生君。君生而敦慈。寡語笑。然獨悅人為善。若見義事若懿行。必曲獎其成。若見人良子弟。必勸其父兄使之學。曰。甚無犬彘兒子輩。若見名士大人過。必謂人良子弟。曰。豈天上降耶。又好賙貧。極急。若見棄業惰生者之匱乏。雖升粟尺布。必不假。曰。珣不能耗財以濟惡。友人赴舉者。貧無裹足。乃卸其室簪珥。易金為贖。友人既舉。則終身不言。子姓私問焉。亦使杜口。初受詩於曹憲。副謙學。能占決疑事。十九有效。自少身伴懷王讀書。每受令臨歐陽率更法帖。往往逼真。冬夜與友人

喻德甫圍爐談春秋三傳異同。火藝衣襟過半猶不暇覺。幾焚其鬚。他日又與王都御史一言談古今事於西疇野亭。王盡日不能難。而君有四郊烽火息之詩。性喜吟咏。詩成不事點竄。嘗曰。此非學者急務。祛俗適興而已。先是護衛人不籍學。弘治庚戌。東田馬先生天祿督學關中。君啓。在王以告東田。於是令護衛人多登科者。給事君亦其一也。當懷王時。東鹿賈公俊。巡撫寧夏。及分巡憲副劉公桓。皆器重先生。忘勢禮遇。合辭且入啓。欲請於朝。補本藩教授。然君耻于仕進。力辭而止。獨復之號。其亦在此乎。初室鄒惟寬女。鄒無出。乃次室王孔明女。是生給事君。及引禮舍人呂者也。女一未字。孫男二。與

載孫女二君。生正統甲子六月二十九日。卒正德甲戌正月二十日。壽七十有一歲。鄒少君三歲而卒。先君五年。壽六十有三歲。云給事君。卜嘉靖二年二月二十六日。與鄒合葬於南董新渠東原。蓋新北也。史氏呂柟據友竹柳訓導狀。次而為之辭曰。嘗讀易至中行獨復。則悲群邪之曹。而嘆中行之聰也。夫六四與上下五陰同行而已。處其中。獨應初九之賢。其餘陰皆旁行而流。惟四於群行之中。獨復中道。而不從。可謂明且勇者。管先生在士伍中。而其言其行。非義不比。強而且公。彼雖學者。及或逐隊合群。而不能獨復。亦獨奈何哉。嗚呼先生百世斯風。

河間府通判石山趙君墓碑

君諱廷璋字德光別號石山邠州某里人也受性敦懿蚤益
顯慤生甫十齡父暨伯氏請選京師遺厥祖母家無長子君
即能婉戀以事或採薪山澤拾蔬風雨不憚勞勩越二年父
領倅蕪湖君就學於蕪湖羅生日坐一室不越戶限蕪湖君
問焉荅曰書未成誦傳恐不習年且十五身治戴記草辭屬
文見賞羅生厥旣歸邠乃益肆力道藝游心古昔以西澗劉
澄涇濱劉韶皆直諒多聞之士也友與同明藉經于邁於時
邠士彬彬焉尾尾焉咸遜三子以為學中冠冕君旣領鄉舉
進業太學猶以戴記考魁多士屢屈禮闈傷母且老乃正德
辛未就仕銓曹得判河間職管漕河一帶開衙滄州克勤河
務罔有不濟以其餘力又能兼委於上官理訟訟允督糧糧
起糴儲儲完掣塩塩清君蓋先知吏胥次稽僕從故賞罰不
頗舉措稱明至其卻殷周之金尤為特節也未幾流賊猖獗
焚屠郡邑如踐村落滄人揺抗約開門以降君乃獨誓州守
及謀人力士率衆登城併力捍禦七日夜不寐滄得不破壬
申之歲都御史陳公整飾天津兵備知君異材檄督各處民
兵巡緝河間濟南等地師行糧食自為措具寮案咸為君憂
君奮然前往行無饑卒而居有寧民若夫解青縣之誣盜憫
交河之病卒尤為人所垂涕泣而感之者也君駁奔南北多

冒風雪兼思焦力瘁。雙目傷明。歸滄數月。遂病不起。實正德八年三月十一日。距生成化壬辰十月十三日。年四十九。二歲。祖諱瑛。戶部左侍郎倫之同母弟也。父諱宗器。字大用。即蕪湖君。配某氏。實生君云。其曾祖以上。有他碑。不著。君配寧鄉知縣郡人。席君祿之季女。貞慈足為君相云。生丈夫子二人。長若唐。中嘉靖壬午舉人。次原潔。殤死。孫男子四人。耐寒勝暖。明秋起。冬君卒之年。十一月二十日。若唐已葬。諸邪之小莊原。祖塋之昭位。至是若唐會試禮部。以予與君交遊。大學。且知君。請碑辭曰。

於維石山。氣鍾邠秀。敦茲前英。行非凡偶。繫厥哲明。疑疑從幼。亶學蕪湖。豈徒章句。河間之庸。宜爾克茂。王事靡盬。雙目交殤。因之卒官。四十二壽。行李蕭蕭。上官集授。有子若唐。克光爾後。行路瞻言。為善貴厚。

慈節陳母王氏墓表

慈節者。浙江海鹽監生陳澆之母。諱雲。字用龍者之配。邑人王卦之女也。慈節年十八。歸用龍君。時年纔十七。慈節三年。而用龍君沒。歿五十日。而澆生。慈節纔越二十歲。涕泣撫澆。以有立。至且太學矣。乃正德十三年九月十八日卒。壽五十有三歲也。其鄉呂九栢先生。題其門曰慈節。曰言幽能貞。於用龍君。克成乎大學生也。嗚呼。慈節不亦難哉。昔十九歲之夫。而能守。撫遺腹之兒。而能育。歷三十餘年。潔白勤儉。鄉黨

稱焉。此豈可與恒慈常節者班乎。正德丁卯之歲。海鹽師尹。嘗以慈節之實。登上官。時慈節年未五十。例不得旌表。乃止。既登五十。而采風者又未至。竟使齋志而死。不能生見門閭之輝。則夫古今人抱道不遇而卒以淪已者。何異是邪。狀曰。慈節上事姑吳。竭力無方。吳內訓端嚴。而慈節益當其意。吳且歿。執其手曰。吾得歿於汝手。寧矣。停柩三年。悲慟不衰。比舉葬事。費獨先。諸伯氏。則夫呂九栢所題慈節者。疑又不足。以盡斯人也。予素不識堂。堂與河南郭相為同舍生。乃相謁墓表。予曰。是則不可匿也。辭曰。

紫雲之山。白米原。鎮北海。塩于世存。於慈節陳生母。高風直竝。此山十九歲夫賴爾永。遺腹之兒長仍孫。宿儒事君或改操。執友交歡中道翻。爾道高高在乾坤。

明監察御史靜軒呂君墓碑

君諱秉彝。字性之。直隸真定晉州人也。世傳為宋呂公榮之裔。元季曰天章者。居晉左之呂家庄。有俠義風。人不敢枉以非。生五男子。直。國初紅兵之起。乃南渡馮沱。遂定居楊家營焉。彥禮生四子。長繼宗。繼宗亦生四子。其季也曰興。饒財而嗜善。力能扛巨鍾。然人犯之。又多不與校。興生二子。長曰祥。祥生二子。仲曰瓚。允庠生。有行義。累試率首郡諸生。然卒不第。貢為大學生。隱而耕於野。是生君者也。君幼即哲靈。有遠

志嘗與群兒戲。郡守至。儕輩皆驚馬避去。君獨留止。問則直對。人已覘其不凡。比為郡庠生。董學先生得所試文。輒傳曉畿內。士無弗以為佳也。然積試不第。至正德丁卯戊辰。始連舉進士。當其三試也。皆可中魁選。乃皆屈遜二三人焉。已巳。銓部選為御史。辭弗就。復選為黃門給事。又辭弗就。友人詰之。對曰。居諱言之朝。處必危之地。享其名而怠其職。非仁。趨於始而悔於終。不智。予殆以親為重乎。既尹章丘。適歲大饑。而上官督租尤酷。民多逋亡。君乃勸富人輸粟。以賑貧窮。民用少蘇。然是時誅求孔棘。燕趙青兗盜騷然興。所過郡邑十七屠破。君乃崇城浚隍。練器撫士。尤嚴賞罰。盜薄。章丘再四。曳兵空歸。他日民有訟人。以死罪於上官。而訛其名者。上官移縣。伐捕未獲。會有他訟詣庭者。君見詞懇。遽曰。爾非誤人以死者邪。其人驚服。凡發奸多類此。故當時撫按薦辭曰。一介之廉。如水如玉。六事之修。克慎克勤。云。去章丘。民攀泣留鞮。未三載。大水侵城。不陷。民又相謠曰。昔非此城。吾其虜乎。今非此城。吾其魚乎。仁人之為利。何其裕乎。於是醮錢立祠。及去。思碑。既抵京。大宰知君循良。卒授御史。不能辭。甲戌三月。以母喪歸。初。君自章丘被徵。過家。遭母疾。日夜親湯藥。既瘳。猶守侍不行。故久而後授職。除喪。復職未幾。又遭父喪。於是憂痛結衷。頰肉減損。遂成鷖瘁。至庚申。始獲實授。時天下多

虞武夫用事。宣大尤急。而巡按且缺。僉以君強直。越例奏往。既至邊。商儕有被殺者。餘商法當誅。君詳之曰。疑緩。尋果獲。真殺商者。邊鄙以為神。辛巳。今。

上即位。數上封事。凡兩鎮遺姦積弊。剗革殆盡。歲雖饑饉。士雖罷瘵。亦皆安堵。秋。魁見於家。有鵬升雛於寢室。君遂病。反胃不起。兩鎮士咸哀悼焉。距生成。化甲午。壽四十有八。歲云。君形貌偉長。莊厚。人望之。知其為端士。且醇慤。明坦。人皆樂與之遊。至其辨析物理。皆該括群書。趨邁衆見。足動人聽聞。若乃持正不干人。以私寬厚不佞。奉身儉約。則自為諸生已。然矣。於戲。此豈非吾同年者之光哉。使天假之以年。究其所。

蘊蓄。雖古賢相名卿。何難到乎。傷哉。君初配高氏。五月卒。今已與君合葬矣。繼趙氏。生男子三人。孟培。州學生。予見其人。蓋光君之業者也。仲址。儒士。季堆。幼女子。子亦三人。長嫁承差張朋。次嫁州學生劉時正。次字張氏之子。亦幼。君卒後七月。址生女一人。又二月。培生男一人。將來孫子之盛。蓋不止此也。辭曰。

瓌瓌柱史。國是綱紀。處則鳴文。出則優仕。牧在章丘。法在宣。鄙。永玉交稱。勤慎壽似。當其縱談。如決河水。政不究學。道過厥蔭。上帝爾敦。懿有孫子。行路瞻瞻。天道伊邇。

封禮科給事中尚先生配孺人蘇氏墓表

先生諱禮字從宜姓尚氏同州晏安里黃家庄人也相傳為周太師姜尚之裔其後不可考矣七世祖時中為元廉訪使五世祖仕行國初以賢良才行詔為同州儒學訓導傳至先生玄受懿胤生有慧質身嗜問學不愆於素而又謙貶好施先行孝弟鄉人敬焉所配蘇氏孺人實婉厥德生有四子其長名衡其次名徵皆授之書禮追求古昔故衡以丙辰進士歷官工禮給事中至參政徵以大學生授鄭州判官其次御規雖事田桑兼覽儒業故孫班爵既已鄉舉而班祿桓班王亦復駸駸向進滋柘家聲無回爾服孰非其德之厚哉嗚呼先生不可沒已先生生永樂甲辰六月七日終成化壬辰八月十一日壽九十三歲蘇孺人生永樂某年壽若干歲葬在州某原云辭曰

火伏則光天道孔明君子秉心無忝所生吁嗟封君有懿其行厥初伊允厥後伊減是究是圖爾心孔乎行道瞻止風是用長

明山東左布政使張公墓表

公諱鵬字騰霄姓張氏別號存恕道人其先鳳翔郿縣橫渠鎮人世傳為子厚先生之裔至公之高祖志大徙宅洛南靈泉鄉老君峪遂為西安洛南縣人公中永樂丁酉鄉舉會試不第卒業大學工部 奏差浙江督催工匠克完厥事還監

紀名。准放依親。宣德丁未。起取至京。撥行在都察院貴州道。歷事忠敏懋著。上下攸聞。乃戊申之夏。

欽授浙江道監察御史。不及半歲奉

勅清戎福建。尺籍咸明。罔有離伍。辛亥之春。仍差福建寧德縣寶豐場勘辦銀課。故事。年四季進課。然路遠民勞。地方不便。公奏。二季民力稍甦。癸丑回京。給假省親。

上賜鈔千貫。以為路費。正統丙辰。奉

勅整點宣府大同沿邊官軍兵器。是時鎮守獨石總兵都督李謙頗不稱職。公即奏劾。准謙回京。又奏添夜不收衣鞋口糧炒麵。其大同西南正當要害。乃請設立威遠衛守備。一

時北邊屹然壯固。外夷遠遁。於是廷臣交辟公才。而廣西適缺按察使。上即超陞。往不逾年。丁父封君之憂。垂闋。改山東按察使。吏部差官齎檄至門。公在山東。聽訟明允。遠近稱便。乃又奏改東兗道印。添本司承差額數。重建按察司治。今皆守之也。尋陞山東左布政使。以風疾乞休歸矣。公嘗自言。以平恕為公。勿愧先人。故存恕之號。乃自鳴也。然又操持廉介。無少苟。故雖鄉舉。致位二品。柙嘗謂橫渠先生之學。貫天人。該古今。質鬼神。俟聖賢。未試于時。其後必有聞人。貞士。以振其緒。則公其一也。公嘗自述出處顛末。繪為十圖。然自今聽明特達者不肯道。抑豈知公以分內為樂之志乎。於戲。公賢

於人遠矣。曾祖諱得字希仁。於元仕本縣主簿。生清字守廉。以明農為業。配韓氏。生哲字伯宣。配何氏。嘗從鳳陽右衛生公於中途。二歲痞疾且甚。遇女醫針愈。且曰。此兒必不死。後當大顯。然則碩人美士。其骨節固已別邪。配楊氏。本縣知縣。曲陽人。諫之女。封恭人。公生于洪武庚午年三月十三日。享年六十六歲。男子三。吉慶壽。吉慶之後不詳。壽。大學生。任獲嘉縣丞。

涇野先生文集卷之三十一



涇野先生文集卷之三十一


巡按直隸等處監察御史門人徐紳

巡按直隸等處監察御史門人吳遵編刻

墓碣表

明處士應公暨配貞節陳氏墓碑

公諱宗儒字紹玄姓應氏世為台州仙居之西山人節軒先生之第四子也。節軒偉儀雅度敦厚博大讀書有才識孝友皆出天授而又多行陰德孚于鄉人故公受性顯允美髯長大剛正自幼未嘗為機變之巧其治家極嚴有威如嗃嗃之象與人交洞開肺腑無少藏匿見人之善則曰爾若是善也。



得無福乎。見人不善，侃侃然語，不虞後患。雖在賓友親故之間，方當從容昵狎之際，小不合意，輒峻語斥之。拂衣裳起去，則復歡如初。蓋駸駸乎古之不念舊惡者矣。其視人有患難，真如疾痛在己，力可援拔，必使獲安乃已。周貧恤乏，咸出惻隱。雖至傾竭寡衣而缺食，不吝也。乃年三十而卒。在正德九年月日，所配夫人陳氏，時年二十八，號絕抱屍，若不欲生。七日水漿不入口。比至葬，皆無越禮。公有遺田二頃，積贖亦豐。而諸孤方孩提，宗人有利之者，諷使再適，不從。撼之以凌侮，不從。則托以徭役賦稅，日峻月削，亦不校也。子旦長，遺事塾師，暮歸執業課之。其於小學孝經論語諸書，亦為解其大義。

至以織紉纂組，泮至夜分，嘗歲饑饉，視其倉困囊箱，喟然曰：此禍本也。悉揮散之，而睥睨者止。厥後家既屢空，公有遺馬，無所于用，或勸售諸，乃對曰：比吾夫子生時之所愛者也，吾可忍無蓋之義乎？終不售。甘於澹泊，未嘗自亨，魚性食肉，不過三二筋，居處整肅，子孫服食語動，稍非禮，輒笞責之。曾子孫相擊鼓戲，曰：鼓不亂聲，門內寂如無人。乃弘治庚戌，子某以其情事聞于朝，詔旌其閭，所謂貞節者也。蓋陳父從謙道，大姓有學行，而陳受性即淑慎，閑於姆教云。歿年八十有八。嗚呼！陳與公，壽之修短雖不等，其德皆古之烈丈夫、貞女行，殊未可優劣也。子男三：覃、旭、昌，昌孝行重於鄉，為分宜縣尉。

介特不苟。有漢孝廉方正之風。人稱分宜公。云孫男七。沼相
敏。何良實與柟同年進士。為翰林編修。忠信廣遠。厲志于道。
柟所資益者多矣。公父子玄積潛遺。蓄極而發者。其在斯乎。
辭曰。
道不虛傳。德有後光。厥前不偉。厥後焉臧。譬彼流川。泉深委
長。公之作止。有烈其芳。漢陳大丘。晉王彦方。懿厥休配。孕此
軻滂。瑰瑰芝樹。毓秀于良。同不混俗。異不貳方。我友敬止。為
我之明。或暗于義。或疑于行。于質斯別。于方斯將。公之休門。
不啻文章。匪其積也。行路是諒。

五峯先生林君墓碑

君諱瑄。字士輝。號五峯。學者稱為五峯先生。台之臨海人也。
曾大父諱啓章。配楊氏。以貞節旌。大父諱永泰。配孫氏。考諱
楷。鄉飲大賓。妣趙氏。君生而凝重。超有志節。年始十七。進遊
郡庠。老師宿儒。咸為推重。脫有傷教害義之輩。輒誦言于師。
上極郡守。橫逆之來。亦不自恤。都憲濮陽劉公忠。司空山陽
葉公贄。相繼守台。雅見延接。或置師席。與之抗禮。又滯塲屋。
晚以歲貢。授建寧府學訓導。敬以律身。信以率人。登進醇謹。
優加勸率。而又周貧拯困。士風一變。嘗攝理建安縣事。興利
除害。與民休息。時有水洞盜起。乃亟調兵糧。一日夜具。其備
禦籌畧。高出眾表。部使者大加奇獎。在縣無取。雖糗糈之微。

亦皆已辦。尊官大貴。或有所需。多不獻諛。因是取嫉。民寔德之。考滿疾歸。士民追涕送而別。既還歸臨海。杜門不出。謝絕人事。去年七月十二日。終於正寢。生於景泰元年正月六日。享年六十有七。平生質直剛介。不事生產。不苟取與。家僅自給。愛人喜施。事有當爲。或格於勢。或忤於人。衆方依違。獨毅然奮行。善善惡惡。不啻在己。動有常度。接人無貴賤。無衆寡。非衣冠不見。自少至老。未嘗一日褻衣閑遊。其為人謀。必傾肺腑。姻族黨友。事或不平。皆來就正。父嘗有疾。衣帶不解。藥必親劑。進必先嘗。病革。召諸子析產。辭慰母苦。再三強之。又以其廬讓先弟。父垂歿。目君曰。汝孝心可感天地。應不負汝。

林氏宗老。至今誦之。父歿已久。每於祭祀。泣涕如初。教子不專文藝。每戒之曰。人無信義。重厚之實。雖有才美。成功名。徒多過耳。吾朝不坐。燕不與。僅以不孝為齒。士夫間。汝曹勉之所著有五峯稿。先塋八景集。藏于家。娶陳氏。子菴先生。長女勤儉孝敬。實克相之。生男子四人。元敘。元秩。元顯。元倫。中庚午鄉舉。而元敘授山西解州知州。元秩中癸酉鄉舉。元顯庠生。女一。適徐蒞。教授統之子。孫男五。榦。邑庠生。嘗從子游。楫棟。校棹。女三。卒。已葬義城鄉之青山。元敘因與稱交。與解州請。故得為之辭。曰。於維先生。古之端方。匪直克教于學。實明有淑厥嗣。濟濟咸臧。具登桂籍。為邦之光。誰先仕者。長

則典卿能昭爾志。為解循良。天不佑善。俾世不長。榦榘允茂。甲科方將。丕顯爾幽。浙山水光。積德無驗。胡其有慶。

上蔡知縣史君矢菴墓碣

君諱臣。字秉直。姓史。別號矢菴。解之崇寧坊人也。其先直隸河間人。洪武初。遠祖諱弼者。知解州事。蒞政勤慎。愛民如己。子秩滿。為士民挽留。遂家解焉。弼生克明。配李氏。生四子。其第三子曰祥劉氏。生敬之。配蕭氏。生三子。其第二子曰旺。配段氏。生岩。以耆德舉為鄉飲大賓。配德楊。簿侯俊之女。則君之父母也。君生而穎悟異常。兒不識嬉戲。成童日記數千言。少與程員外郎萬里閻推官廷臣王大學生子中。為齟齬友。

意氣相許可。每交礪以公輔器。弘治辛酉。舉於鄉。人或勸之仕。君弗許。乃滋篤于進脩不已。至正德庚辰。進士不第。辛巳。遂赴銓部。授上蔡知縣。即首重學校。申脩頽敝。凡有惠益。可便民者。不遑暇食。舉行之。其不能自專者。則開請撫按。撫按亦重君勤。無弗從者。縣有鉅盜。前尹莫能治也。君即捕按于法。合境稱快焉。二稅多於他縣。而狡獪作梗。恒為負累。及聞君令。皆畏威而爭輸。雖數年之逋。不旬月皆完。邑人周憲副汝勤曰。尹吾蔡者多矣。未有如史侯之公清明決。愛民如子者也。於是撫按守巡聞之。或曰清廉仁恕。或曰練達老成。或曰治理殷勤。大得民心。或曰歷任有為。操持有守。蓋交檄下

蔡縣且欲調之繁劇也。而君之父耆德宿疾，卒宦邸矣。蔡民至欲奪情，借怕遮道挽留者無數也。初君事親極孝敬，及親歿，哀毀踰禮，其衣衾棺斂一遵朱氏家禮。既襄事，杜門絕客，悲思骨立，日號泣不已。尋亦感疾，卒於嘉靖三年九月十八日矣。大學生張宗魯之姻處戚黨，待鄉人居里人，誨門生弟子，皆以信敬則於其親，於其民可知矣。距生成化十三年得壽四十有八歲。君配王氏，生四子，曰策，充郡庠生，亦從予遊。他日大史氏之門者，必此子也。娶蘭陽簿董時中女，曰籍，亦學為進士業。娶即宗魯女，曰篇，聘賈世氏資女，為萬里之甥。曰篆，聘儒官程鶴女，為萬里之姪孫。一存兒，策所生，卒之年沒。瞻此石銘。

代府輔國將軍修德齋墓表

十一月十二日，已葬諸桃花洞之原。茲據宗魯狀表諸墓，有銘銘曰：於惟史尹，幼有令名。奮翼鄉校，夙譙鹿鳴。薄言筮仕，上蔡于康。既祛黠盜，保此蔡方。士女且毅，君父罹喪。學有遺教，民多係情。天不吊善，俾爾長行。有覺先正，有員嗣生。爾德不沒，瞻此石銘。

公諱聰廉，別號修德齋，授輔國將軍。乃鎮國將軍成鍾之元孫也。鎮國配陶夫人，為陝西參議鈺之孫。太祖高皇帝四世孫也。鎮國配陶夫人，為陝西參議鈺之孫。而鎮國薨，人泣告於陶夫人曰：勿以子輩幼小，祭葬可畧。他日長，追悔難及。於是陶夫人泣憐其志，自殯殮至葬，皆極其情備。公既長

且婚。有時物必薦諸廟。次以奉陶夫人。每囑厥配李夫人曰。凡薦先奉母。釜爨暇羞務盡豐潔。不可苟也。他日陶夫人疾。齋戒躬事。晝夜不離其側。又拜禱於藥王。以祈效。或涕泣願天求以身代。陶夫人疾遂愈。時年已六十矣。公曰。古有歲制之禮。遂遣人暴金買杉於蘇杭。及荆襄諸地。以為百歲計。至其撫諸弟妹成立。選婚擇配。建第讓金。絳人皆傳誦云。誨諸子孫必諄諄然曰。勿慢上。勿侮下。勿近儉邪。宜讀書習禮。遵祖宗成訓。以保爵位。子孫亦恪服其訓焉。其他全外舅。若李錫之家。而及其終。濟饑寒之民。而不吝其粟帛。戒僕校交易持平。慎勿因以生患。則尤人所難也。公性純厚。謙抑。聰明正。

直好讀書。求詩。暇時常臨浸月池。登得月樓。揮洒歌詠。未嘗少休。七歲時已善奕碁。或議其非。則舉班固奕旨以對。而推至。於王政之大。則公身所迪履者。可由知也。生四子七女。皆李夫人出。張俊。魏文俊。概。俊。槲。俊。槲。概。俱封奉國將軍。魏李氏。概。陳氏。俱封淑人。槲。槲。幼未封。女七人。長封零都縣君。配羅廷。二封太和縣君。配寇濟。三封河陽縣君。配南有亨。餘幼未封。稱生四子。概生二子。一女。稱長子。士賜名充。煒。公之元孫也。然稱充能遵公之訓。勤學慕古。而又工草書。善詩文。故服公之喪。一遵朱氏家禮。弔者皆大悅云。公生成化十八年正月十二日卒。嘉靖四年十月二十日享年四十五歲。卒。

已葬諸其原矣。至是奉國稱遣使持崇府長史絳人王君珙狀請表諸墓銘曰。

汾水滅滅。其源伊長。北山萃嶺。其基孔曠。萋萋金枝。有覺玄堂。厥先孔茂。厥後孔昌。銘茲貞石。千萬年芳。

明贈監察御史朴菴劉公配封太孺人王氏墓表

朴菴公姓劉氏諱惠字孟道別號朴菴以子狝貴贈監察御史解州平陸縣之驥鳴鄉人也。曾高以上其狀未詳。宣配某氏生昇昇配馬氏生三子公其季也。生甫十歲怙恃咸失。即知慟親思奮。無隊厥世。少長幹蠱夙夜不遑。操心慮患備極危深。衣履居室樸然不華。至於時祀先人茅沙登言貧拜盡

哭而不及生事為恨。人或難其不豐則曰。此豈可觀美於人者哉。聞者泣下。至遇濟人利物事。率獎掖贊成而貧乏困窮多所周卹。有貸者歲凶難償則取券面焚之。令其自適。御史君初知句讀時。便遣就外傳。學歸則課其日業。不使暇豫。及舉進士授顯官。則又朝夕勉誨。告以作善降祥。與此劉氏焉。於是平陸人多述之。以示其子孫云。配王氏邑之著姓。亦以御史君貴。封太孺人。純雅柔順。克執婦道。寔生御史君。八歲遣入小學。而伯兄翰已為庠廩生。得復役及於先生。太孺人數指御史君曰。有此子讀書。寧藉猶子復役邪。及御史君舉進士。日夜訓飭。常如學生時。嘉靖甲申。御史君迎養京邸。

通馮伏 闕事。孺人驚憂幾成疾。性能容忍。且有果斷樂施。與恒以不逮事舅姑為歉。時祀必躬。致豐潔。其處側室解氏。言動以禮。而撫庶子。撥猶。猶則與已出無異。善比德於公云。公卒在正德八年九月二十三日。壽六十有八。歲明年葬諸鄉北祖塋之次。孺人卒嘉靖乙酉六月十八日。壽七十有一歲。某年月日合葬。其辭曰。於惟朴菴躬焉玄休。既開厥始。光茲有劉。御史爽爽。忠此王室。清風悠哉。爾德斯白。黃河滔滔。東鳴禹跡。爾嗣方殷。贊國無斁。

明懷遠將軍潞州衛指揮同知高公墓碑

公諱瓚。字廷器。平陽襄陵人也。生而穎異。俊拔超有義氣。

嘗輸金四百。受爵指揮同知。嘉靖初年。賈遊江淮。值歲大侵。父子相食。目擊心愴。興言拯拯。未行病革。有遺言于子奇曰。死無所囑。惟出金買粟。賑此饑餓。九原瞑目。奇方以監生聽選吏部。緩既奔喪。踵行前志。糴稻千石。輸送楊守。粟給喘黎。又捐白金。周存貧士。已而都憲奏請冠帶於奇。奏曰。前項賑濟。臣父本心。臣止奉行遺言。以成先志。况臣父病不忘國。死且為民。乞移加父階。照例褒諭。則臣父雖死猶生。而臣心雖哀實榮矣。

天子義之。特贈公指揮使云。初公警慧不群。其父遵化公曰。課為善陰隲。輒能記識不忘。長益博涉經史。遵化公屢遣籍

於縣學。乃惟以供養不給是懼。江淮之賈。蓋其本為養親計也。至其齋素哀母。有白蛇繞壙之祥。鬻爵弟珣。有布衣冠帶之榮。逆兄瑾。極有跋山涉水之苦。代璞納稅。有禱神祈壽之感。出金惠族。完徃役婚葬之費。蓋公於其父母兄弟宗族如此。賑窮江淮。宜其然矣。經曰。有本者如是。是之取爾。若乃瘞暴露之骸。築襄陵之城。葺三聖之廟。皆義存於中。善積於素。不獨一江淮賑饑然也。嗚呼。斯人也。豈非張都憲所謂真義士者哉。公高祖諱真。妣某氏。曾祖諱思。妣某氏。祖諱榮。妣某氏。父諱俊。配某氏。為河南杞縣主簿。改遵化縣。俱有遺愛於民。公生成化乙酉正月五日。終嘉靖二年十月十一日。享年

五十有九。配王氏。比行於公子二長。即奇。蓋可謂能楊公名於久遠者矣。次玄。留守後衛。吏目。女三。婚為盧學增。梁克溫。喬岳。孫三。履嘉。履端。孫女一。讚曰。猗嗟指使。稟受匪常。見義勇為。百夫之良。世方趨利。如水無防。骨肉胥仇。毫釐焉爭。公也振俗。捐金如狼。使其藉學。豈不道鳴。生有善行。歿享令名。奇克述志。俾公不忘。守錢之虜。瞻言愧惶。

明潔齋先生閻君暨配白氏墓表

君諱清。字本澄。解州城西里人。今兗州府推官輔之父也。君高祖諱某。妣某氏。曾祖諱某。妣某氏。祖諱某。妣某氏。父諱恩。壽官。配州崇寧街蔡氏。實生君焉。君生而奇特。既籍郡學。即

篤嗜經史。知識聞見。超邁諸生。積科不第。於成化癸卯。貢為太學生。明年甲辰。遭歲大侵。例得_省。時父母偕老在家。君即請諸祭酒。西邁。跪謂壽官公。蔡夫人曰。時凶親老如此。清何以仕為。清不能使吾親_耳旨者。非人也。乃遂經營_{鹽商}貨賈之間。每舉輒售。等輩皆不能及。起家為解富室。而壽官公及蔡夫人。日有嘉羞。鄉中士大夫。數羨服焉。至程秋官。遂比云。端木子貢。猗頓陶朱云。然而君為親之志。實可羨也。所配白氏。華亭令郡人資之女。實能相君於內。家政嚴肅。并曰之餘。猶能課理生業。其處貳室。高氏有小星。樛木之風。而施愛諸子。展如鳩鳩。則君家道雍睦。日臻昌盛。亦白之力也。君有四

子。長即兗州。弘治甲子舉人。娶李氏。次相冠帶生員。娶馬氏。繼柳氏。皆白出。次曰佐。娶白氏。如娶賀氏。皆冠帶生。高出白女四人。侯珩。李柰。柳戩。及監生呂鳴鳳者。其婿也。高女一人。婿為王廷佑。孫男五人。應誥。監生。娶連氏。應時。聘李氏。應監生。娶展氏。繼呂氏。應娶張氏。應奎。未聘孫女六人。生員侯吟。張承祖。張宗堯。及民呂尚仁。李廷璋者。其婿也。曾孫男二。坤坊。曾孫女二。

明定海主簿賈君墓碣

君諱純。字文粹。世為解梁大族。父權。有陰德。為鄉人重。配相氏。實生君焉。君生而溫雅不群。既籍郡學。即刻志經史。成化

十七年貢為太學生。痛父早喪，事母甚孝。選期越二載矣，仍不忍違母去。母曰：汝多食公廩，幸吾尚在，乃不受一職以報國乎？其親識亦勸之。君曰：吾母日薄西山矣，吾若遠離，其將何以事君邪？又越三載，母卒，君殯葬如禮。至弘治丁巳，服闋始謁選，授浙江定海主簿。即以憂國愛民為心。在任七年，人無有心非口議之者。時歲歉，民將流離，公竭誠拜禱，身軀腫痛，百姓見而流涕。既而霖雨數百里，邑人多賴以存活。乙丑，子珩相，以書請還。君遂解政，飄然長往。百姓扳轅不能捨。知縣李君深羨其賢焉。所配段氏，解處士貴之長女，十有五歲歸君。即能內助。君寡兄弟，時或耕耨，段乃荷擔餽，不辭艱苦。當君在太學時，歲大歉，人相食。時有姑在堂，段以養子珩少長，乃同其姑扶持，并携幼子奔京師，以就君。鄉人皆曰：此婦送此數口命於他鄉邪？未幾先至無恙。是時君方以母子為憂，及相見，泣曰：此非夢邪？斯時何時？汝能使我老母幼子至此地邪？旁觀者皆殞涕，以為孝敬所感。其處諸子婦，暨若孫，慈不廢教。君先亡十有八年，而段孀居秉節，不事奢侈，苟違禮，雖親戚不往焉。家道日盛，皆其力也。初君之父有遺命曰：汝母老矣，吾不能撫汝成立，汝婦能助汝，汝可努力讀書，如其不能，汝可離學事親，以就農業。於戲！段內助之賢，已見知於先舅者如此邪？君生正統甲子，八月十三日卒。正德丁

卯六月二十九日壽六十五歲段生正統丁卯十月二十五日卒嘉靖乙酉八月二十六日壽七十九歲子男三長即廷顯娶侯氏其所自出廷輔娶丘氏廷敘州庠廩膳生娶展氏繼王氏李氏女三長適連遜次適焦廷璽皆生員次適舉人丘東曾孫男四濶成憲先亡成玉三城俱幼孫女四史拱陽李時及生員蔡邦禎者其婿也一幼廷相東曾皆從子游廷相以東曾狀請墓上石辭曰於維定海之司牧處則篤親仕則丕穀中條山陰有覺寤窟爾道振振孫子如玉波及佳婿克發爾淑水不鑿泉胡能逐逐行道瞻止我銘可讀

明教諭靜菴先生王君墓表

先生諱文字貫通別號靜菴解之三張鄉人也遠祖為元元帥嘗嘉其功賜二奴婢性喜吟詠子孫今猶傳誦焉考諱盦字至理正統間以監生任山東滕縣縣丞有善政卒於官配高氏實生先生受性淵懿亦復敦慤以朱氏詩舉成化乙酉兩試禮部皆得乙榜授武功學教諭嚴飭學範躬以率人燕居危坐如對賓客雖當祁暑亦必衣冠勢利在前不知附趨尋改教汲縣滋懋厥職以穀俊造若非公事無私干謁甲辰乙巳河東歲饑烟里流移率入汲境分捐菽粟多所全活間有病疫死喪醫療葬埋一如親戚歸則資給其費若典鑿南田宅者悉還其券郡守張公稱為正人君子弘治改元偶感風

疾既而獲愈。即歸田里。杜門不出。耕讀以訓家。子姪問及詩書道義。喜談不已。若言人過惡。厲聲喝禁。中山李公來知州事。高尚其道。數臨訪焉。每遇鄉飲。延為大賓。至弘治甲子。壽登七十有四而卒。其生則宣德辛亥五月二十八日也。初。滕縣之歿也。先生始成童。與母及前母兄愷。扶柩歸葬。既免喪。補州庠生。肆力問學。不憚寒暑。母嘗患頭風。屢治未痊。又久病咳嗽。先生皆夢異人。授以丹藥。次日協夢。其病隨愈。及母壽終。哀毀過禮。目中出血。然先生體貌莊嚴。氣宇軒豁。笑言不苟。若詭隨盜名。則所耻為。學者敬仰如山斗云。處鄉里甚任睦。朋友有貸其財者。不償亦不較。又嘗優恤姻族間里之貧乏者。絕無德色。蓋古之篤志道學之士云。配李氏者。民亮之女。恪恭婦道。蚤卒。繼室高氏。無出子。維藩克紹先志。孝義著聞。為鄉大賓。娶李氏。鄉進士教諭濡之女。女亦適富平教諭呂子固。孫男三。長王璋。娶胡氏。次王瓚。為太學生。能繩祖武。予嘗白諸御史。敦請主管解梁書院。鄉約生徒。娶南氏。繼景氏。次王瑚。娶姚氏。曾孫男六。詢。訓。誼。主。瓚。出。珏。鬻。吉。瑚。出。玄孫男一。珏。出。孫女六。曾孫女八。弘治乙丑仲春十六日。已葬于三張鄉東南一里。茲予且去解。而王瓚請表諸墓。予南行至杞。始成於戲。先生之道。其滋茂遐矣乎。

明封文林郎判淮安府前中城兵馬指揮使張君暨配孀人馬氏墓表

君姓張諱英字士傑解城中人也。祖諱進君蹈晉王社里洪武初徙於解。進生文禮。禮生思聰。思聰生濟美而膚敏好善。疾惡有鬪訟相質得一言輒解去。配趙氏長樂龍居望族也。是生君焉。儀度魁梧。孝友廉實。早遊郡庠。身通易學。王教諭文爲齟齬交。俱以賢德相期。既登胄監。友天下士。學益博。大初授兵馬指揮。即務盡巡靖之職。成化甲辰歲饑。姻戚往依。多分俸以給。有巨盜橫於盧溝。詔捕之。君曰：此不可與爭鋒。既乃襲獲七人。并其渠魁。

憲廟賜白金五兩。紵絲衣一襲。後封文林郎。父贈如已官。母妻贈封孺人。乃陞判淮安府。知府遷安才公寬有疑劇。每延訪焉。憫河夫歲無寧日。爲之定班。以均勞役。民始不病。其管閘及鹽。無所私受。有巨商以黃金五十賂之。君益而怒罵。痛責之。出謂商曰：我利汝金。灶戶何苦。漕運某公誣知縣某以事。命君按。無輕貸。君直其事。漕運公初雖誚讓。終愈重之。有鹽徒百人劫掠府庫城市。漕運公以剿捕檄君。乃縣重賞。使在官軍壯分守。召募有膂力者。與之敵。遂獲賊數百人。君曰：昔百人而今數倍。寧無冤乎。訊之果然。全活者甚衆。故巡撫暨漕運巡按皆屢旌獎。或云公足以服人才。足以立事。或云持身清謹。處事詳明。或云佐政有爲。立身無玷。淮人稱爲張佛云。而君乃倦於勤。因進香符上疏乞休。才公以綵帳送之。

有一官拜中城之寵百鍊真金六品擢淮郡之榮一池清水
云至家杜門不出惟撫子弄琴書自娛巡按邢公儀楊公璋
嘗臨訪焉鄉飲為大賓卒某年月日壽八十有九歲配馬氏
同郡耆德旺之女性介而莊嚴事舅姑曲盡誠孝賓祭必極
豐潔食飲烹飪之類躬自為之然後慊有餘盃酒塊餼必分
與群下家雖殷盛而紡織亦不有廢子曰璠孝義謹飭娶全
氏長樂龍居祥之女男宗魯太學生從予遊娶同知旺之孫
檢永義之女次宗邨亦太學生娶莆田縣丞昭之女次宗沂
娶呂氏典膳璋之女曾孫五治具魯出自新自興自立邨出
治功沂出曾孫女五一嫁知縣史臣之子生員籍二許聘于
丘范二氏予且去解據大學生王玉瓚狀為表諸墓於戲繼
緒而不忘以丕顯爾道者不在宗魯兄弟耶

浙江布政司理問裕庵况公墓表

公諱寬字德洪別號裕庵姓况氏江西高安人也少籍縣學
博聞強識篤志力行有聲於俊髦屢科不舉乃歲貢太學生
交選時哲收養滋厚既謁銓部試居優列除授浙省理問爾
乃壹志清修秩靡取外或折重獄明允咸單雖遭強禦蔑焉不
畏僚友諷以殖貲則謝曰素無富志凡厥訟理浙中稱平方
岳諸公委心興敬齊口褒嘉會聞父大新公喪號痛幾絕戴
星而行未暇辭禮官長服闋聿耽林丘謝志簪紱時遊湖坪

庄問講桑麻。數稱古昔。訓茲孫子。他日筠豪數千。稱戈閉關。犯越城堞。守不能過。公至。片言揮退。羅拜謝去。絕無後言。初公剛正。玄授。孝友。性成。養父以志。不顯於口體。嘗建尊勅堂。對揚皇休。創開祠廟。謹修先祀。獲有異品。必薦之。而後食。編明譜系。收族展睦。若遇時物。合宗會饗。著訓百條。教洽乎袒免。乃又制立義約。二三十章。波及閭里。極貧完婚。雖多不厭。若其築藍塘以資衆漑。開錦木街之義館。使小子有造。尤為鄉人。世世美談。浙省之政。豈曰無素。公先世諱淳者。為宋觀文殿大學士。文章德業。稱重當代。委社垂休。至公明章。則公之來。邈乎遐哉。公歿在弘治十八年三月二日。得壽七十。所配孺。

人教氏。媿德于公。生子一人。諱某。南京大理評事。女一。歸藍處士。孫男子五人。長廣西僉事。照。柟之同年友。才行著於時。次熙。廩膳生。次勳。義民。次魚。次點。俱增廣生。曾孫男子十人。長維垣。南京吏部考功司主事。志端行方。拔乎流俗。學古聖賢之道。多滋我僚。次維城。維墉。俱廩膳生。次維坤。維筠。維圻。俱附學生。孫子森茂。聲振江西。而主事又非常如此。則公之畜而未發行而未究者。其在斯乎。公之詳。已具少師鵝湖費公之志。茲以主事請為之辭曰。有覺裕翁。厥積孔明。政留兩浙。德在瑞陽。既有任睦。孝友風成。折獄不慝。祛兇為良。科第爾細。惟道則皇。懿茲孫子。不忝。

爾生鳳山巖巖錦水洋洋厥聲不匱侯高侯長有辭茲石道路式望

鵝峯處士呂君墓表

處士諱賢字宗器姓呂氏別號鵝峯廣信永豐縣人鄉進士懷之父也生有玄質度越塵俗年未弱冠補邑庠生博聞強識敦善行不怠精舉子業暇與叔父景潤同登鵝峯端坐厓石浩歌忘形逍遙歸歟薄茲功名乃藏修於峯之東南木山不求人知及父茂輝既終母俞氏貞疾遂自削學籍歸養厥家母歿在殯舍人失火勢焰侵樞乃伏柩號慟流血被體髮燎鬚鬢身不少却俄風反移柩火復闔門里人駭歎火中生逆提學邵公廉知欲以奏

聞乃列狀辭免譚令褒嘉比諸澹臺滅明時加存問其治家稱禮不諂流俗若有讒饗子姓拱列無敢踰言借立族有貧孤婚葬與具一嫗老矣其子弗孝迫依他即責厥子迎嫗歸養周給服食佃田與耕里有俠客詐取鄰帛告諸同行懼為公知同行者曰鵝峯時坐林間已瞰其詳矣俠客終歲避匿不敢面公俗傳有神活佛自薇來以桃符談禍福如響所至爭以羊豕逆諸道左焚香作樂族里方議逆奉處士曰此非訛言必也妖氣正以待之神遂寢滅里閭晏然處士讀書期於涵養不求記憶尤喜吟咏客至鵝峯草堂輒與賡和其詩自讀書多過目養性欲忘年又曰不為草堂無戶牖孰知天

地有鳶魚。此可以觀所得矣。處士卒年六十有一。葬在星石山之蔣家庵。司業江公茂毅撰廣信郡志。列之孝友傳。初處士先世本衢人。有唐刺史安國。携季子珪。避兵永豐。遂占籍焉。在宋有曰祉者。為閩州提刑。歷官兵部尚書。七世生廷彥。擢文武都科第一人。授忠翊郎。傳至處士。曾祖文敷。祖子昂。至父。皆不仕。然則處上所本源者。遐矣。處士配祝氏。生丈夫子三人。長即懷。娶某氏。次懌。娶某氏。次慎。娶某氏。女子二人。所著有皇極經世律呂新書。正蒙洪範諸書。及鵝峯遺稿。藏於家。辭曰。有敦鵝峯。歸此永豐。振揭流俗。不苟人同學。足以仕。抗志弗降。從吾所好。道將在躬。宜爾家器。學也於明。貞齋早師。甘泉晚逢。咸獲麗妙。為世儒良。秘不發者。茲且用亨。行路瞻言。道無窮通。

廩膳生謝達妻朱氏貞節墓碑

朱氏淮陽人。朱幾之女。幾賈宿遷。因家其地。遂以貴豪。里人謝達時為學生。未弱冠。有材名。幾為朱相攸。歸諸謝氏。時達父志良已死。母李撫達及弟達。以業學。二子皆奮激。向往不惰其志。達未逮。強年即晉廩膳。而朱內勸陰相。務必遠。至深造。他日達患暴疾。朱左右就養。衣不解帶。日夜涕泣。進湯必嘗。進藥必嘗。而身自水漿不啜。私謂其母烈曰。夫若不虞。必與同死。慎勿或泄。蔡以告李。二母咸駭。交口撫慰。越二日。達

死朱潛引刀自裁。頸血沾裳。家人趨救。得不即死。於是諸姑伯姊。百方開悟。志不可奪。自是口絕粒米。杯水不進。六日不死。然朱與義女同卧起。詒使視門。自經而絕。鄰里遠近。罔不嘆息。時達死在正德十六年正月二十日。年三十二歲。朱死在同月二十五日。年纔二十八歲也。嘉靖年月日。邑尹平度崔侯邦具奏。

上聞行勘。旣允。獲茲旌表。八年七月。邑尹予友渭南李侯錦。以其墓在馬陵山。丘隴零亂。不異常人。乃堅碑表章。告諸道路。式教士女。是時達弟達已為太學生矣。痛茲兄嫂。思昭其烈。乃具狀濟江。問記。是宜有辭曰。

有烈謝朱。受性伊良。痛夫殞歿。厥躬胡生。七日不食。杜門自經。子或逆父。臣或逆王。身為丈夫。不道是明。弱哉謝朱。厥志孔剛。細此生死。大茲綱常。馬陵岸嶺。尚晤與方。彼失節者。視爾膽喪。我辭茲石。道路末望。

贈南京右軍都督府都事雲澗張公墓表

公諱庸。字彥平。廣東順德人。思南知府鏢之父。南京戶部郎中。淮之祖也。公生有淳質。不習巧飾。隱居龍山里中。弗涉城市。而又溫柔朴茂。與物無競。上事父母。克敦善養。母廖初歸。外家奩田數十。公旣長。謂父確菴公曰。吾家饒裕。安用人田。盡畝以還。不留半畎。廖人咸悅。兄弟五人。友恭甚焉。及其索

居田產屋廬讓取其下壬辰癸巳之際順德大水禾稼絕闕
閭井多不聊生公曰庸有厚積忍視他人饑餓爰發所畜以
賑貧困賴公活者衆焉公生四子八孫庭訓嚴正不出義方
每揭陳情出師二表以示子孫曰孝不如密不足以為人子
忠不如亮不足以為人臣子孫皆夙聞身教率履不越昔陳
咸以直匡父耻為諂諛薛包篤愛諸弟析產讓美李士謙賑
施鄉里德譬耳鳴石奮謙厚教子勿事驕矜皆馳聲漢魏有
裨倫化若公者將非昔人之儔耶李刑部翰言公平日布衣
蔬食老壯不渝鷄鳴必起孳孳為善則公固有所受乎公生
七十上下時竹杖布鞋行遊田野日誦真寶古文及陶杜諸
詩以自娛樂暇或仰觀遊雲俯玩清澗作為歌曲飄然不知
有人間世至八十遇例冠帶又四年乃卒後以知府貴贈南
京右府都事則公其真隱者歟公配黃氏繼配易氏皆恭儉
孝敬柔順溫惠里人言多內助於公此或其然乎四子長錄
封南京戶部主事次銖及二女皆黃出次即知府鏢舉弘治
甲子科次鏗及一女皆易出八孫長即郎中桂丁丑進士次
楚海條濤湘泮澆曾孫男十有餘人乙亥年已葬於柏山之
原矣茲知府郎中又請某表諸羨道辭曰
有敦雲澗振修南海世能萬千厥操不改侯孝侯任侯慈侯
愷兄弟既翕鄉閭靡悔亦有孫子于鬲于龜將其來者聲聞

不怠有辭茲碑行路瞻在

封安人張母馮氏墓表

明封安人馮氏者南京戶部主事石州張君九敘之母也其父諱大興母郭氏具有積行於舊安人生而淑靜天與勤儉年纔十七歸于封君張公夙夜祇畏不違意命封君性頗寬緩安人佩弦以佐家籍充裕上事舅姑如孝父母得其歡心凡厥勞勩躬先妯娌若乃競財逐物幾畜於心其御臧獲恩威竝行門內出納無弗確允有少贏餘推賑乏族嗇吝不行嘗與更三年喪禮相助貧無不宜嘉既生戶部遣遊郡庠去家雖百里外衣廩薪燭給無後時至于策仁課義直趨古昔

尤人所難戶部既舉丙戌進士受有今官則又戒之曰家世業農爾能邁跡賢科登茲顯仕可日盡心王事勿以桑梓為憂故戶部收淚拜別歷官三年一遵其訓為時名良安人固受褒封

恩光村落究本窮源則安人者豈非女流中豪傑邪嗟乎自陳母馮氏問堯咨以異政責之忠孝擊隊去金魚之後其風寥落久矣乃今又見一馮邪安人生成化元年五月九日壬嘉靖八年八月二十五日卒年六十有五歲子男二長即戶部娶劉氏安人出次九達次九澤則封君庶室王氏出也未成童孫男一曰質女一幼皆戶部子戶部卜某年月日厝于張

氏先兆昭穆位。是宜表諸羨道。辭曰。有媛安人。載德匪涼。相此封君。家舊用昌。侯孝侯睦。侯慈侯真。夫無矢志。子也允臧。既登顯仕。內教用明。馳封優渥。恩命孔彰。勅言貞石。道路式望。

監察御史王厓陸君墓表

君諱崑。字如岡。姓陸氏。別號玉崖。湖州歸安叢桂坊人也。父為瀘州知州震。配毛氏。誕實生君。在娠七月。稟受近弱。比其既長。氣宇清瑩。強直過人。進籍縣學。篤修儒業。不憚寒暑。及父母偕亡。哀毀浮常。感動里閭。特三第。崑嵩崗。年方穉。而家步艱阻。莫可依恃。君與其配童孺人。竭力開造。或至拮据。

撫育諸弟。咸如己學。比至弱冠。皆與授室。遂偕季崑鄉會二試。同登前列。君授尹清豐。乃益力行素學。放諸政理。鸞鳳柔良。鷹鷂暴悍。各成其長。三年考績。監司交辟。至厓。書有愷悌臨民。清嚴律已之褒。而考妣二人。亦獲追贈矣。既擢南京河南道監察御史。適

孝皇下詔求言。君遂條陳十有二事。皆關切時政。不詭於經。多見采納。正德丁卯間。宦瑾肆姦。流毒縉紳。君及同官。指劾其實。逮下

詔獄。久而後放。歸未幾。追理前事。復就憲獄。續逮南衙。加杖釋歸。庚午六月。瑾既伏誅。

詔復原職致仕。遂隱居衡山。遷處玉屏。徜徉山水。不念世事。及今。

上初政。詔下錄用。有司查起。竟于弗敘。然君材洪學廣。有志政體。雖在泉石。猶請正禮樂。竟格弗行。君嘗自撰壙記曰。生平好義重禮。忠介孝友。處家行己。具有矩度。接物待人。表裏洞見。但嫉惡太甚。齟齬于特。其一時名公鉅卿。如鄒公軒陳公仁。王公守仁。諸賢。或稱其練達敏銳。或羨其又一登科。或期其進於聖賢。不遠嗟乎。使君獲大用焉。安知不盡行其學。乃使齋志以死。不亦可傷乎哉。生成化乙酉十一月十四日。卒嘉靖庚寅三月十五日。壽六十有六歲。君先世宋真泗二

州兵馬都監圭之後。宣和末。死事。追爵廣靈。所居里曰石塚。高祖諱茂。配費氏。曾祖諱順。配李氏。祖諱敬。配楊氏。遂定居叢桂。是生君父瀘州先生者也。君初配童氏。封孀人側室。閔氏。龔氏。王氏。男子六人。女子子四人。長男隅。郡庠生。娶潘氏。生孫曰稱。聘陳氏。長女適國子生范經。皆閔出。次隴。娶嚴氏。龔出。次隕。次隩。次隰。皆妖死。次隲。次女三人者。則歸安學生慎節。長興。監生丁應奎。烏程人潘鉞者。其壻也。皆王出。隅卜某年月日。葬君於薌林山之陽。乃托舉人費鏗。請表諸墓。道是宜有辭曰。

倚歎玉崖。素履維嘉。抱志旣崇。如山如河。克承爾親。兄弟咸

和仕雖未遠。厥著伊多。探索禮樂。惜用未加。我作斯辭。行路人嗟。

封太孺人景母王氏墓表

太孺人王氏者。贈君裕菴先生之配。南京陝西道監察御史景君湊之母也。蓋遇

恩詔。勅封太孺人云。生而明潔。婉婉貞愨。既歸。贈君家務。方殷。舅姑咸老。乃躬執汲爨。身先妯娌。修隨溫清。罔弗承志。間取姑中裙。厠諭。擱澣如新。不令前知。舅姑至。稱其孝敬。壽與已齊。及姑既病。親嘗湯藥。晝夜侍側。不解衣帶。其賓祭之需。尤罔弗虔。贈君以兄弟先後淪喪。季弟亦肄學業。乃棄儒從

商。為養親計。及季弟登科宦遊。家無主持。爾乃摠攝內政。夙夜靡寧。視諸孤幼。咸同己出。男室女家。庶事咸考。大姑適張。夫婦雙亡。撫遺子女。爰復厥所。贈君喪親。廬墓遘疾。歸卒。則謂御史兄弟曰。吾聞夫死。晝哭。禮無過哀。惟念汝父之志。曰。望爾曹底於成名耳。乃擇師教子。焚膏伴誦。率至夜分。或摘問經傳疑難。稍不稱旨。憂怒咸作。雖於子姓。諸婦亦訓列傳。女誠。使閑閨。節贈君初配史氏。踰年無出。而卒。葬近郊。每當節序。必令御史兄弟。祭奠如禮。及葬。贈君尤稱元配堅。令合葬。戚黨以為晉姬之下。叔隗不讓焉。及御史之官。則切訓曰。君子在家則致孝。在國則致忠。爾為言官。貴識大體。既不

可訐細故。亦不可撓氣節。比御史得告還籍。則又以知足自
慰。驕奢示戒云。父家胤緒衰絕。恒自隱痛。御史兄弟。為之汎
掃塋城。他日欲立王氏主。以祀。乃力止曰。禮婦人內夫家。外
父母家。景氏家而王氏祀。何居。御史兄弟。強之數四。而後可。
蓋其慈惠明達。好禮耽義。古淑媛之流乎。初蒲州大銀王氏。
積信義。至遜齋先生者。請惠字澤民。博涉經史。弱冠鄉舉。不
樂仕進。窮理自修。日造高明。隱居終身。遂以遜齋自號。配李
氏。是生太孺人。資姓異於常女。遜翁最鍾愛焉。教以孝經。女
誠諸書。輒能領解。或遜翁誦習古典。從傍竊聽。刻記不忘。遜
翁嘗曰。惜不作男。以大吾家耳。然則太孺人之道。行於景氏。

者。其固有所本乎。生景泰乙亥十二月十日。卒嘉靖辛卯三
月二十六日。壽七十有七歲。子男二。長瀾。太學生。娶某里王
氏。繼楊氏。某里王氏。側趙氏。次即御史溱。娶某里王氏。繼劉
氏。俱封孺人。女子子一人。嫁為姬鎗妻。孫男子五人。芳。娶馬
氏。芊。學生。娶張氏。蔓。聘楊氏。蕃。及皆幼孫女子五人。謂紹。王
九嵩。李廷勛。史良楫。楊永新者。其婿也。曾孫男一。女一。御史
于某年月日。啓州城南中王村祖兆。贈君壙合葬矣。是宜畧
述來狀。勒辭。羨道。以告行路。辭曰。提甕風微。主績教亡。千載
之下。疇承其芳。繫太孺人。古之淑明。嗜義如渴。敦禮惟康。既
孝于姑。妯娌任良。貞在夫子。慈子咸成。御史蹇蹇。為國之英。

發太孺人道于天下光將其來者後世且揚積善獲慶天道弗爽勒名堅石範茲女行。

封通議大夫右副都御史毅菴先生寇公配淑人趙

氏神道碑

封都御史毅菴先生寇公諱某字某者今刑部侍郎柎友天敘之父太原府榆次縣在城一里人也蓋自先世諱信者從徐溝徙籍榆次云信生彥清彥清生琰琰生玘皆隱德不仕玘以次子大理寺副儉貴贈評事又以侍郎貴贈如公玘張氏封太孺人亦贈淑人公于是生焉幼輒穎敏向學志操超衆年甫十二進籍邑庠治朱氏詩與第寺副竝鳴於時督學

群公相繼褒嘉或擬諸元方季方大宋小宋故三晉之士咸稱二寇焉公清軀玉聳眉目秀朗精采爽勁上事父母曲致孝養追思誠切老猶寤寐涕泣以覺其友愛寺副及季第讓恩義周洽父無闕牆撫諸遺孤同己所生男與擇室女與選家罔不詳明寺副有子今戶部郎中天與幼而英特公即令侍郎提四方尋師博習卒以成名然公累試山西不第比入大學試順天又不第乃正德辛未得判定州清勤自持視民煦煦惟恐有傷尤加意刑獄慎茲鞭笞三載北歸囊篋蕭然不以為懷定人至今思焉其居鄉行已一敦誠敬至好善嫉惡不少假借奸邪惡少率多避匿及鄰有竊刈禾菽者家人

執獲欲即赴官。公曰：此素非盜，或偶誤耳。釋勿語人。性尤儉潔，衣履至敝，無沾漬痕。常倣呂氏鄉約，帥邑中耆德，朔望一會，勸誘鄉俗。至今成風。其博學強記，凡少所讀書，老猶不忘。或答儕友，不錯隻字。尋繹經傳，多主大義。間出獨見，前所未發。尤精群史，成敗治亂，如指諸掌。詩文冲淡，多不存稿。及誨侍郎兄弟，極其嚴信，每曰：勿因

朝廷之遠，而或負勿以小民之愚，而或欺。侍郎受命，惟謹。諸所猷為，澤及多方。皆公之玄施也。公寢疾時，侍郎巡撫陝西，方轉今官，戴星離任。至蒲聞終，痛切肌骨。又聞公欲有諭，竟不獲聞。想像測度，幾於殞越。遺命勿作佛事，勿尚繁文，喪葬

依朱子家禮行。正終在庚寅二月二十七日。距生正統十四年八月初二日，享年八十有二。則公可謂考祥元吉，耄期稱道不改者乎。訃聞。

天子命有司治葬事。遣官諭祭。

晉藩及在京諸公、鎮巡藩臬諸公、四方縉紳，皆不遠數千里，以致奠焉。初配李氏、閻氏，皆蚤世。繼配趙氏，累贈淑人。是生侍郎者也。貞靜柔嘉，言不出閫，笑未嘗見齒。事姑張淑人，得其懽心。處妯娌，終身無間言。其曲意承順乎公，所欲為不敢後。所欲與不敢留。至顧復侍郎，緩步不趨，恐致驚側。蓋古貞慈之流。乃成化二十年七月十七日卒。距生天順二年六月

某日享年二十有八歲。繼配吳氏。比德於趙。累封淑人。公生四男子。長即侍郎。舉正德戊辰進士。自南大理評事。累今官未已。娶郝氏。蘇州府同知。珮之孫女。累封淑人。次天秩。天衢。皆七品散官。秩娶趙氏。衢娶任氏。次天瑞。正德己卯舉人。娶孫氏。永寧知縣。璠之女。女子子二人。長適生員王仲寅。次適太原縣監生王朝起。皆吳出。孫男子八人。長陽。嘉靖己丑進士。任直隸廣平知縣。初娶王氏。左僉都御史和順王虎谷先生諱雲鳳之女。柟嘗以為與寇氏婚姻。比諸程張朱蔡者也。繼娶某里王氏。某里趙氏。次陸。聘某里郭氏。次隅。聘某里郭氏。皆業儒。次階。隆。階。防。次陟。以蔭補國子生。孫女子八人。配

監生郭堯臣。士人郭堯進。張義。聶昂。大谷人白如球。牛某。郭某。其婿也。如琛以下。皆未歸。曾孫男子一人。侍郎已。于嘉靖十年十月二十二日。遷趙淑人之柩。附公合葬於城西祖塋之次矣。然柟嘗受公教。愛比于猶子。而侍郎又以神道碑請。謹述其狀畧。繫之辭曰。

於惟毅翁。天厚厥常。忠敬不那。行剛以方。鄉舊咸睦。判定循良。侯孝侯友。若出性成。宜爾家器。受道先明。敷歷中外。邦之棟梁。誕篤爾祐。實寇氏禎。祥如松之茂。如梅之英。宜爾孫子。益孫于臧。千祿不回。士莫與京。負負其來。衍茲雲仍。河汾東注。厥源孔長。勒銘美道。百代攸望。

明勅封安人誄靖懿周氏墓表

安人周氏者陝西叅政邠縣王蒼谷錦夫之配。陰陽訓術九
梅居士之女也。生而慧靜，巧出玄授，孝敬慈良，不學而能。
谷既舉，歷事銀臺，歸心驟興，安人力沮。卒考公務，兼與其友
龍湫浣溪，仍瑑學業。明年壬戌，蒼谷果舉進士，授官職方。癸
亥之歲，其舅宜川翁卒，安人聞訃幾絕，奔喪抵家，盡脫簪珥，
或治喪具。他日蒼谷正郎稽勳，時禁孔棘，牌印出入，必躬必
親，恐禍蒼谷。及滿二考，遷出他人，觸怒幸衡，蒼谷便決去。就
安人申告諄切，願懲小忿，無中奸計。後蒼谷果出為山西叅
政，抵任移疾，飄然歸邠，躬自灌園。安人夜親紡績，晝督僮僕。

有古布裙提甕之風。蒼谷戲曰：「得無悔乎？」曰：「悔，霸無子，曰：『得
無恨乎？』曰：『恨，潛無妻。』蒼谷喜曰：『爾能如是，吾復無憂。』丙子祖
姑李病，安人茶至則茶，饌至則饌。若能茶饌至，搔首不啜。李
卒，哀號悲慟，力疾送喪。或曰：『此李太君之女邪？』對曰：『太君何
嘗以婦視我？他日清明墓祭，蒼谷偶疾，安人手携幼子，身冒
雨雪，誠孝之容，感動行路。及蒼谷復除四川叅政，則又再四
諷諫，以不起為榮。蒼谷亦信若良朋，進退不苟，惟崇儉朴。若
有嘉賓宴集，則豐腆厥具，為蒼谷款用，集善言，其待下備有
恩德。惟教子則峻言厲色，不少假借。至使䟽衣糲食，若僮僕
然。生於成化己亥，閏十月十日，歿正德十四年十二月二十

三日享年止四十生子男五曰同和才府當後安人兩月殤
同舉鄉進士主客正郎娶汴城李本真女女二淑媛許聘信
陽何提學仲默子夫荷媛尚幼某年月日葬於某處今將十
年矣蒼谷思而不置乃以何公粹夫狀請表諸墓詞曰夫
思其真子惟其慈沒且十載德音祁祁鮑宣秉節桓氏攸宜
伯俞涕泣爾杖猶知日月愈邁金石何疑蚕織之休周室以
隳况其他者不儉是師爾壽不茂爾行則危郊之士女足法
足為行道瞻止為教有基

贈吏科都給事中呂公配封太孺人服色王氏墓表
贈君某號先生者慶陽府寧州懷遠里人也諱昇字惟賢少

而聰拆克守其父深州公庭訓早遊郡學博識篤行高負才
名年方弱冠廩食學宮於是里有松江知事王公配子蕭氏
常夢附鳳而飛誕生淑人婉順貞慈兼讀父書敏慧異常爰
與相攸乃歸先生勤儉持家昧旦警學故先生馳聲三輔士
林攸望天不慙遺齋志以歿二孤經綸俱在孩提室如懸磬
莫可依馮或欲奪志爾乃矢死靡他親服稼圃棄事樵蘇紡
績孳畜諸勤不倦松江閔其苦辛屢使携孤就食其第堅辭
不可曰既為人婦當逮人家使死者有知生者不憾庶無愧
色閉門而去豈非逃亡者耶父之家漸饒裕足供賓祭爰有
伯氏日鬻先業乃竊悲嘆脫其衣珥贖還屢廬其訓二孤洒

掃為先。每日夙興。分庭從事。謂經汎掃材可業儒。遣從外傳。不憚資給。凡諸植產。一以委綸。先自督課。歲入倍人。二孤既長。選娶高楊。咸郡中名族。比既納婦。搆帥以敬。其誨經學。隆師擇友。無自滿假。董仲舒孫敬。日不離口。經皆載訓。不回力底厥成。及經為給事。迎母至京。乃又尸此養飧。迪之職業。夙其朝參。嚴其交際。故經在諫垣。鯁直著聞。中外無少譽瑕。他日以犯言謫。佐蒲州。温辭慰母。母又解曰。官有升沉。惡難洗雪。苟盡其忠。雖謫何傷。顯揚之道。自在其中矣。未幾貪宦黃玉箕歛蒲民。經力裁過。被其誣奏。逮繫詔獄。母陰遣餉附語。至此滂母。令其自保。以圖後見。故經繫

再期。顏色益好。辛巳之夏。

皇上即位。開赦出獄。遂陞叅政。後轉布政雲南。跪而請益。母曰。雲南之往。惟在馭夷。馭夷之道。惟在處財。倘有不虞。宜先遠圖。經至滇未久。安奉二氏構亂。勢甚猖獗。巡撫卧病。巡按遠出。經急趨黔國。昇以冠帶告身數百。令錫會長。隨出府藏。以給軍餉。二賊悉平。然皆不出母之豫。筭云。綸雖明農。所生子顥。齒齷穎異。自少失恃。母躬撫鞠。不離左右。顥既少長。即命及經子顥。共學塾師。優其資用。限其程課。經日訓于內。師友日淬于外。顥滋進修。故發解陝西。再舉進士。筮仕戶部。母又隨任。贊訓于內。顥亦高取鄉舉。皆母參連之力。初經在禮科。遇

武皇覃恩。贈先生如經官。封母太孺人。及

今上覃恩。加三品。淑人服色。先生生某年月日。卒某年月日。壽若干歲。母生景泰三年六月四日。卒嘉靖七年二月二十四日。壽七十有八歲。子男二。長即經。舉正德戊辰進士。仕今雲南左布政。未已。娶高氏。封孺人。別室蕭氏。次即綸。冠帶散官。以顯貴。封戶部主事。娶楊氏。生顯者也。贈安人。繼行氏。封安人。孫男子四。長即顯。仕今衛輝知府。未已。娶秦府典膳葛朝贊女。其三經出。顯娶并研。令周達女。顯郡學增廣生。娶重慶通判秦鉞女。碩幼孫女二。一適府學生孫灝。經出一適州增廣生蘇若霖。綸出孫男一女五。則母積慶之遺。其盛如

此乎。嘉靖八年十二月二十日。母已葬于贈君墓之坤隅。母于柩有猶子之愛。是宜勒辭。羨道以告行路。為女人式。辭曰。有覺淑人。初稟柔嘉。內受父訓。歸相夫和。亦既孀居。力建厥家。甘餒蠶桑。凌星植禾。誨子以道。洒掃先課。比其有聞。不忝前緒。諫則中時。政則起疴。為時名卿。爾聲斯遐。亦有家孫。力學不那。厥既克官。呂祉滋加。匪其種德。慶胡孔多。勒辭堅石。行路式嗟。

贈南京刑部主事艾亭秦君墓表

君諱奎。字伯文。姓秦氏。浙之慈谿縣人也。其先本姓葉氏。世居餘姚。梅川八世祖明九始遷慈谿。明九生轉孫。轉孫娶于

秦氏遂秦姓云。君生而警敏，貌偉氣豪，坦夷闡爽，幼誦經史，輒解大義。年及成童，父思詒公方力于學，不事家人生產。作業君躬親樵蘇稼圃，竭才幹盡以養其親。思詒公卒時，君年三十，哀毀襄事，始淬礪舊業，兼為五經，操觚染翰，輒超儔輩。督學鄭公數置優選，登籍郡學。然累訕浙試，士林咸惜。中雖擢擠勢奪，無少懣怨。篤念母劉，年入老景，遂改邑庠，計為終養。督學陳公褒美才行，進廩膳列，或勸再舉，則曰：「已付之兒輩。」皓首章句，奎深耻焉。行將從事盛唐諸賢，聊以卒歲。於是與王迂齋姚退菴諦為詩社，每遇睿景良辰，追逐倡和，徜徉山溪，暮而後返。鄉人或以輿馬從者，則曰：「芒屨風致自遠。」

安用此乎。嘗登石柱峯頭，騁望東海，乃繫石而為碧木蓬島之歌，聲震林樾。人望其形而聽其音者，皆以為塵外仙侶也。初君之弟饒州通判碧，早有闕憾，及病帶下，僕亦避遠。君親視湯藥，調燮備至。碧既痊瘥，敦好如初。他日碧又罹難於桃源，君帥季弟昌同往扶柩，還葬慈谿。鄉人誦焉。其與人交，輒出肺肝相示，凡為謀事，罔不盡心。見人有過，正色指斥，若聞已失，引咎不暇。至於臨財，尤戒苟得。凡遇窘急，輒復施與。外舅趙公嘗尹上元，携君眷隨任。君因為句容曹氏塾師，壹志授學，無少干謁。可以觀其他行矣。則君當非古之孝廉方正輩耶。初君曾祖諱岳，舉永樂丁酉鄉試，歷仕職方郎中。廣東

叅議敦厚淳實。時稱長者。祖諱棠。別號慎菴。隱德不仕。父思
詒。公諱熙。博學敦行。齋志以沒。則其蓄積。鍾君及其子孫
者。固已遠乎。君生天順三年己卯十二月七日。卒嘉靖二年
二月二日。享年六十有五。配趙氏。即上元尹之女生。男子三
人。長鉉。以饒州君蔭為省祭官。娶周氏。次金。登癸未進士。即
君屬纊之日。知其必舉者也。歷仕南京刑部主事。禮部郎中。
陞今吉安知府。未已。蓋將發君之所未究而已。顯楊光大於
無窮者也。娶董氏。季銓。邑庠生。娶徐氏。孫男子六人。清。浙。潮。
激。汶。藻。孫女子二人。長適工部員外周某之第三子某。次字
舉人劉某之第二子某。君卒之三年乙酉正月一日已葬於

邑東南驃騎山。至是吉安以修撰姚惟東傳請表諸墓。是年
有辭。辭曰。

繫父亭叟。厥初伊良。亦既藉學。奮追前正。群經咸詣。聲邁等
行。孝母謝業。友見病喪。為行既偉。抗志尤宏。含情古道。托興
盛唐。嗜義如渴。臨財則輕。善與人交。出示肺腸。淳風用明。宜
爾有子。緩發厥祥。顯是篤學。足克顯揚。潛德不泯。爭誦路傍。

孝女王氏碑

明孝女王氏某者。藁城生員張某之妻。今山西僉憲淳濱王
公之女也。孝女受性淵懿。婉戀所生。言動不違。將嫁于張。不
忍離父母側。數十日前。哭不休。既歸後。怏怏不樂。他日。淳濱

公適京。則又日夜哭不休。比潯濱公至山西。則曰。京猶可計。日見山西見當何日。遂哭以死。嘗謁潯濱公。公泫然流涕曰。吾女為哭吾而死。吾為父母者。何以為情。請一言以識哀。嗟乎。女子在室。則慕父母。有家則慕舅姑與夫。孝女既嫁而猶慕父母。人所難也。況至於哭以死哉。則其孝出天性。可知矣。昔者緹縈曹娥。皆以其父遭變。求身代其死。或入水不化。人且稱焉。孝女而遇緹縈曹娥之地。吾不知情當何如也。潯濱公言。孝女自幼聰敏。能讀孝經論語。曉解時事。斷是非。無毫髮爽。雖吾於官事有疑。或言及。孝女輒與拆衷。處不差。然則孝女之孝。又豈尋常兒女戀戀者哉。於戲。嘉矣。




涇野先生文集卷之三十二

南京禮部有待致在國子祭酒翰林修撰兼經筵講官同修國高陵口樞撰
巡按直隸等處監察御史門人建德徐紳海寧吳遵彭澤陶欽臯編刻
墓碣表

都察院右僉都御史南澗林公墓表

公諱廷玉姓林氏字粹夫福州候官縣人父介菴先生任為
韓府紀善公幼隨任焉因籍平涼成化癸卯遂發解陝西
甲辰舉進士明年選授給事中時

孝廟初元公即上封事乞順天地之理通君臣之情出御文
華延訪大臣政治之詳又上籌邊翊治十事內關妖僧方士



多底收戮。他日劾太監黃瓚之弟。黃緣京職。事雖報寢。聞者生氣。又蒐輯傳記。釐為八箴。以乞保治。既晉都諫。滋著讜諤。其論興濟宮。建真武廟。及考官程學士敏政六事。言皆剴切。遂因程事。降判海州。爾乃畫法祛弊。鹽場強徒。一鼓盡擒。至訊董老菴殺人之盜。如親見鬼神。遷知茶陵州。籍里豪。以觀躬化。革鬼俗。以禁屠牛。建泚江吸院亭。以崇正學。未洽三年。四門不閉。茶陵稱治。乙丑。陞江西屯田僉事。設立規條。通賦就完。追美于徐淮。尋陞廣東提學副使。中署司事。七月。凡其敦德行。正風俗。崇節槩。獎恬退。抑奔競。闢邪譴。剖疑獄。結滯案。罔有不嘉。至于廉周應舉。殺崔鎮父子之隱奸。發黎民阜

繼母曹氏殺前子之偽惡。尤能驚服廣人之心。己巳。陞山西叅政。丁繼母高氏憂。闕壬申。陞右通政。提督贍黃。是冬。陞都察院右僉都御史。巡撫保定等府。兼提督紫荆等關。凡勢宦貴戚。相率歛戢。乃又嚴捕達軍之奸。以杜響馬巢穴。奏劾守備倒馬關太監李貴。及翟都指揮張太僕承之惡。於是畿輔肅清。商旅夜宿。尋以張辯調南京都察院管事。公遂懇求致仕去。嘉靖改元。皇上以言官薦。公守正不阿。觸忤權奸。遂起改都察院右僉都御史。總督糧儲。癸未。又具疏懇辭。得旨。自是祭祖至陝。以還闕。不復出矣。乃壬辰四月二十四日。疾終正寢。享年七十有九歲。則豈非

昭代之完名君子者哉。初介菴先生為信宜司訓。公母徐孺人卒于信宜。火葬鳳凰山。不封。時公方二歲也。稍長。微知其故。及出使廣東。葬都憲魯公輅。趨信宜。披草泣血。遍訪父老。得母葬所。為文哭祭。圖其山形而去。陳白沙聞之。至錄其文。為詩以傳。比介菴卒。奔喪平涼。念祖塋在閩。復南展省。墓碑泣別。歲甲子。入覲。途病。還涼就醫。聞孝廟陟方。哭臨于

韓府塚下。血淚點漬麻衣有痕。提學廣東時。焚黃酌祭于信宜。哀痛之切。足表士風。公常欲自涼遷父葬于閩。以人言未可。搥動休魄而止。乃留仲弟廷羽于涼。以守丘墓。繼母陳氏

歸闕。焉。戊寅之夏。福州衛卒缺餉。群咻為亂。閉城門。擁利兵。

內外岌岌。公方中。深衣造壘以示

朝廷。恩威賊輒解。散。八月再亂。公再出撫定。鎮兵。因以夜擒

渠魁。福州用寧公。休。毫髮不擾于鄉里。人皆德之。蓋自

始葬魯都憲公。楚憲王妃時。几。餽送

廉忠真者乎。其。歷中外。以成正大光明之業者。豈曰無本

爾哉。陽明王公。其碩德重望。收曲突徙薪之功。儀制即中

林君炫。謂公剛大。之氣常伸于萬物之上。淵源之學。自得于

簡冊之外。清變之。材。又一時莫之與京也。其殆庶幾乎。公曾

涇野先生文集

大父諱外生大父
諱芝者也。贈給
張氏封孺人。生
于某山原。是宜
有毅南澗。踐正
明。載其矢直。蹇蹇
粵文教。整臬既
瞻者。哲人于行。

明加贈
梁氏

歸觀號淳裕處士配某氏是生介菴先生
中母徐贈孺人繼母高陳皆封孺人公配
一彦源娶某氏孫男一桐孫女某辛已葬
辭羨道以告行路辭曰

方孝達神鬼奔騰驟涼粵守諫議論列咸
匪躬為士林望田錫劉恕風是用長董學首
都憲振此紀綱甘心采芝出處以正言告

明加贈
梁氏
道碑文
次大夫南京禮部尚書樵林湛公配夫人

樵林先生諱江字宗遠廣東增城縣沙貝鄉人南京禮部尚
書其泉子元明若水之祖也因其泉子貴累贈如其官配梁
氏累贈至夫人其泉為翰林編脩同考會試枏為其所取士
門生也因知其家世至于先生天授穎篤不識譎詭迪巽履
謙於物無忤性耽靜居遐棲于上游庄庄有大田側開魚沼
結茆其上徜徉業作又或桑于園山田于崗麓俯仰食力為
終身樂不求聞達當年饑則出穀熟則入穀轉殖小息以若
民利積自然之饒先春則肥桑桑濁沃若蠶繭異他人箔梁
夫人又善治種盆繅以為縑帛絕紬堅緻不紕抱市必增直
遂并積穀以拓田園日茂厥業然率厚直而薄取屈己以益

人曰夫產也將傳子孫當使困者與我皆利豈可乘機以專

多乎是時白沙陳內翰倡道廣中聞先生山樵水漁高棲遐

遁遂作入雲堂構詩以貽之詩云入雲堂構昔人開蘭桂春

山前日大學士瓊臺丘公亦作樵林記語在湛氏家乘記大

其托迹漁樵則先生者當非明時孝弟力田隱君逸民者乎

梁淑人祇若先生惟德之從言不出口笑不至矧歸湛氏時

妯娌五人獨得愛于姑媪雖在嚴肅之下數被寬假其慈僕

妾無弗心悅若乃純誠敦慈實根性成常曰我蠶則勻我織

則純殖則珍而以被我後昆當其躬行雖魯歎毋漢鮑妻亦

可方也宜其篤生拆孫為時名儒履道不那抱中家邦以為

髦士率從龍誥壘贈迥異尋常云樵林先生誥畧曰賦性寬

評行義感于閭里篤生聞孫佐我邦禮有貽謀開先之功梁

夫人誥畧曰賦性真閑慈順洽于上下力絲繭以興乃家克

勤儉以裕初先生之始祖諱露在元大德間為廣之德慶路

治中即卜居沙貝鄉生二子伯曰世忠仲曰晚丁仕為縣主

簿生志高一曰懷德元季之亂法嚴酷凡為保障一鄉頭目

者選授以元帥得專生殺增江誌曰懷德嘗為保障頭目有

部卒盜其池魚捕以獲保障公令歸辭其父母自來就死及

期果至保障公曰以魚殺人德所不忍開釋遣去後至他鎮

見理罪人則始乞以歸為稱代誅以懲不恪復密縱逸全其

不辜